

Universitäts- und Landesbibliothek Bonn

**Hovhannow Sarkawagay, Vardanay Barjrberdc'woy,
Hovhannow Erznakac' Nerbo·geank' woy Grigori
Sarkawagapeti Nerbo·geank' i S. Grigor Lowsaworic'**

Yovhannês <Sarkavag>

I Venetik, 1853

urn:nbn:de:hbz:5:1-12112

Goussen 3088 (5)

ՆԵՐՔՈՂԵԱՆՔ


Ի ՍՈՒՐՔ ԳՐԻԳՈՐ

ՂՈՒՍԱԻՈՐԻԶ

ՎԵՆԵՏԻԿ

Ի ՏԳԱՐԱՆԻ ՄԻԻԹԱՐԵԱՆՑ

Ի Յ Բ



Goussen 3088

U N P T R F

Z U B Y U Y U N F

T

ԳՐԻԳՈՐ ԼՈՒՍՆԻՈՐԻՉ

Բ .

ՅՈՎՀԱՆՆՈՒ

Ս Ա Ր Կ Ա Ի Ա Գ Ա Յ

ՎԱՐԴԱՆԱՅ ԲԱՐՁՐԲԵՐԴՑԻՈՅ

ՅՈՎՀԱՆՆՈՒ ԵՐԶՆԿԱՅԻՈՅ

Ն Ե Ր Բ Ո Ղ Ե Ա Ն Ք

Ի Ս . ԳՐԻԳՈՐ ԼՈՒՍԱԻՈՐԻԶ



Ի Վ Ե Ն Ե Տ Ի Կ

Ի Տպարանի Մխիթարեանց

1853

3088

THE
LIBRARY
OF THE
MUSEUM
OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.

U
H
C
հէ
պա
հոր
սա
պի
և ո
րե
պա
յա
լու

ՅՈՎՀԱՆՆՈՒ

ՍԱՐԿԱԻԱԳ ՎԱՐԴՍՊԵՏԻ

ՆԵՐԲՈՂԵԱՆ

Ի ՍՈՒՐԲՆ ՔՐԻՓՈՐ

ԼՈՒՍՍԻՈՐԻՉՆ ՀԱՅՈՑ



Չնահատակութիւն սրբոցն սօ-
նէ եկեղեցի, ճգնութեամբ նոցա
պայծառանայ, և զաւազանին շը-
նորհն փառաւորէ. այսպիսիս զնո-
սա աճեցուցանելով մանկունս՝ յոր-
պիսի գիտէ ծառայել հոգին սուրբ
և ոչ հեռանալ. որք ոչ միայն զնկա-
րեալսն առ 'ի յայսպիսի արգանգէ
պահեցին շնորհս, այլ և աճեցուցին
յաճախութեամբ լուսոյ, յաւե-
լուածոյս 'ի վերուստ յինքեանս

կորզելով . և փառօք Կործեցին զյա-
 ճախուլթիւն փառաց . օտարացեալք
 աշխարհի և որ 'ի սմա , կամ թէ
 ճշմարտագոյն ասել 'ի խաչեւեալք'
 կրթութեամբ մահու զկեանս ու-
 նելով , որպէս ասի . և 'ի վերայ ու-
 սոյ 'ի սննդականսն զխաչն բառնա-
 լով զհետ ընթացան հրամանի պա-
 տուիրանագրին : Իսկ 'ի տիս հա-
 սեալ հասակի հաւատոց' կատար-
 մանն Քրիստոսի , զնոյն կանգնեալ
 բարձրացան 'ի նմա . և աշխարհի յաղ-
 թեցին , և զբռնաւորս ամաչեցու-
 ցին , և զաստուածածանօթութեն
 բան յամենեսին սերմանեցին . և իբ-
 րեւ լուսաւորք յաշխարհի փայլե-
 լով փայլեցին և փայլեն : Արոց բանն
 յայնժամ հալածեաց զախտս և ըզ-
 դեւս . և այժմ ոչինչ նուազ քան
 զնոյն՝ բնակեցելով զօրութեամբ 'ի
 նշխարս նոցա կատարի . ողջակէզք
 կատարեալք , և կամաւոր Աստու-
 ծոյ զոհք , բանիւ վկայք բանին Աս-
 տուծոյ , և արեամբն իւրեանց պա-
 կեալք : Իսկ 'ի մէջ բարկութեանն
 Աստուծոյ շարժելոյ և մեր , միջ-

նո
 սր
 սր
 և
 Կո
 առ
 որ
 սր
 ծա
 ըն
 րա
 սա
 ըն
 ըն
 նու
 թի
 նա
 զո
 մե
 տե
 խա
 յա
 զե
 հա
 բե
 սո՛

նորդք • և քան զՓենէեսի բուրումն՝
 պատուականագոյնք , և սատակչին
 պատկառելիք : Իսկ ՚ի չարութեանն
 և յանպտղութեան արիականա-
 գոյնք քան զԵղիայի բանն • և այլ
 առաւել վսեմք և աղբերագոյնք • և
 որ այլ այսպիսիք հոգւոյն բանից
 պատգամաւորք սոցա՝ իրի և բանի ՚ի
 ծանօթութիւն ձեզ հասեալք , իբր
 ընտանեաց Աստուծոյ և մերձաւո-
 րաց հնոց և նորոց կտակարանաց ա-
 սացելոց : Արք հզօրք՝ խաղացեալք
 ընդ հրոյ և ընդ սրոյ , ընդ երկրի ,
 ընդ ջրոյ և ընդ օդոյ , և ընդ ամե-
 նայն աշխարհիս մասանց , և բռնու-
 թեանց աշխարհականաց և պատրա-
 նաց • և միանգամայն կոխելով
 զողորականս և զբռնութիւնս , ա-
 մենայնիւ որ ինչ հակառակ հոգւոյն
 տեսութեան , և վերամբարձման
 խափանօղև ՚ի վայր հայեցուցանողք՝
 յաղթողք : Որովք հանապազ եկե-
 ղեցի զարդարեալ պսակի • երբեմն
 համանգամայնից յիշատակօք , և եր-
 բեմն իւրաքանչիւրովքն յաւուրս
 տօնախմբութեան • յորս նախաձայ-

նուրթիւն քարոզէն և 'ի զգուշու-
 թիւն պարկեշտութեան զմեզ յոր-
 դորեն . և արթնութեամբ զքունն
 սակաւացուցանելոյ , և զցանկու-
 թիւնն հալածելոյ . զի այս զոգի և
 զմարմին յորոց եմքս՝ մաքրելով՝ ան-
 ախտ զսրբոց պատահիցեմք տօնել
 զտօնս , և զ'ի նոցայն վերուստ փայ-
 լեալ լուսոյ ծաւալումն՝ հոգւոյս
 մեր աչօք ոչ միայն յստակ տեսանել
 արժանաւորիցիմք , այլ և 'ի մեզ ին-
 քեանս զայսպիսի լուսոյ ընդունել
 բաւիցեմք զճառագայթից զօրու-
 թիւն . և նահատակ 'ի մէջ նահա-
 տակաց երեւիցիմք մաքրութեամբն
 և տօնասիրութեամբն :

Որպէս և այրս երեւելի 'ի մէջ
 սրբոց , և մեր ըստ աւետարանին
 ծնող , Գրիգորիոս աստուածայինն .
 արգարեւարմաւենի տնկեալ 'ի տան
 տեառն , և 'ի գաւիթս Աստուծոյ
 մերոյ ծաղկեալ , և այսպիսեօք և
 այսքանեօք ժողովրդովք բազմա-
 ցեալ 'ի ծերութիւնն , 'ի պարար-
 տութիւնն հոգեւոր զմեզ ժողովեաց
 'ի փառս և 'ի գովեստ Աստուծոյ .

որ
 ք
 սե
 ու
 թ
 և
 որ
 որ
 բա
 դի
 և
 Ա
 այ
 հօ
 զբ
 է ,
 թ
 կո
 յա
 բե
 ար
 'ի
 թե
 լա
 խո

որոյ յիշատակաւն զուարճանամք
քան զբազումս . համարձակիմ ա-
սել թէ և քան զամենեւեան , և ա-
ռաքինեացն ճշմարտապէս աղօթեմ,
թեթեւ փոքր ինչ հետեւող լինել,
և հաւատոյն հաւաստի ձայնակցեմ
որ ինչ նորայն ճշմարտութեամբ , և
որոց և օտարաձայնից մտելոց 'ի նո-
րայն ճշմարիտ ձայնս՝ ըղձամ հան-
դիսիւ պատահել հոգեւոր բանիւ ,
և աւանդութեան սրբոց հարցն :
Այլ այս՝ երբ և կամեսցիս : Բայց
այժմ մեք՝ որ ինչ մեծի և սրբոյ
հօրս արժան է , յառաջ կոչեսցուք
զբանս :

Սա , որպէս ամենեցուն յայտնի
է , գաւառաւ Պարթեւ , 'ի ցեղէ
Թագաւորեալ , զատուցեալ արշա-
կունի , 'ի հօրէ Անակ կոչեցելոյ , և
յարեւելից կողմանց աշխարհի՝ ա-
րեւելք մեզ ծագեցաւ , և իմանալի
արեգականն հոգեւոր ճառագայթ ,
'ի խորին չարութենէ ամբարշտու-
թեանն՝ ճշմարիտ բարի և այսահա-
լած . 'ի տղայական հասակին փա-
խուցեալ 'ի Յունաց աշխարհն ըստ

դիպուածոյն , որում ամենեքեան
 փորձ էք : Այլ այսորիկ ոչ դի-
 պուած առաւել՝ քան թէ նախախ-
 նամութիւն Աստուծոյ , և մերոյ
 փրկութեան տեսչութիւն՝ բարիս
 այս և երանելի դիպուած . որպէս
 և այն ինչ թագաւորին հէնս մահու
 'ի վերայ աշխարհի մերոյ հասուցա-
 նէր , սակս 'ի վերջին երանութե և
 շինութե հոգեւորի առիթ : Այլ
 աստանօր անվայելուչ է առանց լը-
 ծակցի մօտաւորութեան զբանս յա-
 ռաջ մատուցանել . զի 'ի ձեռն հա-
 մեմատութեան երկոցունց բանի ,
 որ ինչ յառաջինսն միայն զօրու-
 թիւն՝ երեւեցուսցէ զընկերին ամե-
 նակատար լաւութիւն :

Արդ երկուս զսոսա ազգակիցս
 հարազատս , աստուածային խնամ
 սնուցանէր 'ի Յունաց աշխարհին .
 ոմն , որպէս պարտ է ասել ճշմար-
 տութեամբ , զառաքելութեան վի-
 ճակ մերոյ աշխարհիս և զքահա-
 նայապետութեան՝ հանդերձ մար-
 տիրոսութեամբ վարժելով . իսկ ոմն
 թագաւորական ունելով ախոր-

Ժա
 զակ
 փոք
 իբր
 ցու
 փրկ
 յոր
 տին
 խար
 առ
 րագ
 կաս
 ման
 զգա
 հրա
 փոխ
 իմն
 և ա
 աստ
 ցւոյ
 չար
 դիւ
 տու
 գիկ
 ցեա
 պաս

Ժակս , և ձիաւորեալ և զէնս յաջո-
 ղակաբար շարժելով . և երկոքեան՝
 փոքր ինչ մնալ 'ի չարութեանն , ոչ
 իբրեւ անտես առնելով՝ որ զամենե-
 ցուն առձեռն պատրաստ ունի ըզ-
 փրկութիւն , և որ ընտրէ զսուրբս
 յորովայնէ , և կամ զեւս հաւաս-
 տին ասել՝ յառաջ քան զլինելն աշ-
 խարհի՝ լինել սուրբս և անարատս
 առաջի նորա սիրով . այլ որպէս վե-
 րագոյն ասացաք , զփորձ ցուցանել
 կատարելութեան միւսոյն առժա-
 մանակէիւն , նորին չարութեամբ և
 զդարձ նորին յամենայնի ցուցանել
 հրաշափառագոյն՝ 'ի բարին փո-
 փոխմամբ 'ի չարութենէն . օրինակ
 իմն , օձի 'ի բաց եդեալ զխածանելն ,
 և առեւծ զյափշտակելն : Կամ զոր
 աստուածային բանն առ հեբրայե-
 ցւովքն անհնարին համարեալ լինել
 չարութեանն փոփոխումն , աստ
 դիւրաւ սլատահեալ . ինծ զխայ-
 տուցս՝ իբրեւ եգիպտացի կամ հըն-
 դիկ զսեւութիւնն 'ի բաց մերկա-
 ցեալք , թէպէտեւ բռնութեամբ
 պատժոց : Եւ մինն զարգանայր 'ի

Կեօարիա կապագովկացւոց՝ ՚ի հրա-
 հանգս հոգեւորս . իսկ միւսն առ
 սաստկագունի և աննուաստագունի
 կոմսի՝ Լիկիանէս կոչեցեալ անուն .
 որ ինչ հակառակ հոգւոյն և զըստ
 մարմնականսն հռչակեցուցանէ ,
 խազմ և ժամանակ դումարութեան
 զինուց և հեծելոց՝ որ ՚ի բարբարո-
 սաց՝ զյունականաւն զեղոյր զաշ-
 խարհաւ : Քանզի ՚ի կուտել զօրաց
 բազմաց կողմանցն երկոցունց , բան
 հանդիսի զօրանայր ՚ի խուժական
 կողմանէն , իբր մարդասիրելի բազ-
 մութեանն . և ՚ի ձեռն մենամար-
 տութե թագաւորացն երկոցունց՝
 զերին վճարել զկատարումն . և
 զյաղթութիւնն որ ոք և առցէ՝ հնա-
 զանդել միմեանց , եղիցին վճարմամբ
 այսպիսի իրի՝ կողմանքն երկոքին :

Բանն սաստկանայր , և ինքնա-
 կալն վարանեալ տարակուսէր , ոչ
 տանելով զայսպիսի լուր բարբա-
 ռոյ , և ոչ պատահել մենամարտու-
 թեամբ ահագին վերագին՝ կանացի
 ուժ և սիրտ : Չայսոսիկ վարանս
 տարակուսանաց լուծանէր ծանօթ

և ընդեւ հաստատութեան սրտի և
 ուժոյ սրարթեւին՝ կոմսութեան
 հասեւոյ պատուոյ Լիկիանէսն .
 կանգնէ զանյուսութիւնն , և զեր-
 կեղ մահունն՝ ի բաց փարատէ . ուրա-
 խասցի ինքնակալդ ասելով , քանզի
 բազում արս քաջս և անուանիս
 տածեալ փայփայէ քո հզօր զօրու-
 թիւնդ . որ իրս այսպիսի ըստ իւրա-
 քանչիւր դիպուածոյ վճարեսցին .
 և ինքնակալութիւնդ ձեր յուրա-
 խութեան խաղաղութեամբ մնաս-
 ցէ . այլ որ այժմ աստ հասեալ է՝
 այր հզօր ՚ի զաւակէ թագաւորացն
 հայոց , որով կարծեմ զայսպիսի
 իրս դիւրաւ վճարել նովաւ : Եւ
 յինքն դարձեալ անարին , հրամայ-
 եաց ածել զքաջն . և ընդ տես-
 լեանն՝ իմանայ իմն գողցես որ ՚ի
 նմա արիութիւնն , միանգամայն և
 ՚ի սրատերազմողացն : Եւ վստահա-
 ցեալ յայսպիսի սասակութի մար-
 մնոյ և ուժոյ , դարձուածս պատաս-
 խանւոյ առաքէր խուժացն , զյոր-
 դորեալ բանն ՚ի նոցանէ արգիւնա-
 գործել ինքեամբք : Իսկ զծածուկ

նենգութիւնն 'ի ձեռն առեալ, զայն
որ 'ի Պահլաւաց քաջն՝ հանդերձէ .
ձեւ և շուք թագաւորական զնովաւ
արկեալ՝ համբաւէր ինքնակալ կայ-
սրր :

Այլ քանզի տօնախմբութեան ,
և ոչ պատմութեան է ժամանակս ,
կարճառօտիւ զայսոսիկ հարցուք ,
փութալով յոր ինչ աւուրս բան :
Պատահեն միմեանց Գութն և Պար-
թեւն . յաղթահարէ Պարթեւն ,
ձերբակալարարեալ զսուժն . 'ի թա-
գաւորութիւնն հայրենի զՏրդատ՝
այսպիսիս ածէր դիպուած : Այլ
զայս ամենայն գործէ յառաջատե-
սութիւնն Աստուծոյ , որպէս կամք
են ասել իմոյ բանիս , յաղագս որ
'ի մեզ փրկութեանն ճանապարհ :
Արդ պսակաւ և ծիրանեօք զհասակ
և զգագաթն զարդարեալ Տրդա-
տիոս , 'ի հայրական իւր հասանէր
աշխարհ : Չհետսորա մտեալ իմաս-
տունն այն և հոգեւոր որսորդ , զի
զբստ մարմնոյ ազգակիցն բագորդ
կացուսցէ հոգեւոր հարազատու-
թեանն նախանձ . իբրեւ կարթիւ

զառ 'ի Քրիստոս հաւատոցն, բա-
նիւ պատմելով զհամբերութիւնն
իւր և զժուժկալութիւն, և լար կա-
պելով 'ի նմա զերկայնութիւն յու-
սոյն, ընդ որս և զտանջանացն եւս
ընդ փորձութեանն եղեւ:

Բայց բունն հարեալ ունի զայս-
պիսի խորամանկութենէ ձեռն աս-
տուածային. զի որ 'ի գիճութեան
և յասպականութեան անբանացեալ
կենդանին բանաւոր՝ 'ի բարձրու-
թենէ խոնարհի և յանլոյս նիւթոյ
կորզեսցի յօգամաքուրս և յստակ 'ի
տուրեւառութիւն շնչոյ կենդա-
նութեան հոգեւորի, և 'ի տեսու-
թիւն լուսոյ մշտնջենաւորի: Արդ-
ածէ ժամանակն զերկոսին աստ.
զոմն զերբեմն արուսեկին աղջամըղ
ջին 'ի ձեռն ունելով ճառագայթ,
և զառաջնոյ օձին 'ի բերան ունե-
լով զթոյնս. խորհի երբեմն ահիւ
տանջանաց, և բունութեամբ գեղա-
րանաց և կախաղանաց զլոյսն որ 'ի
հոգւոջ միւսոյն հալածել, և զխա-
ւարային ճառագայթն՝ որ 'ի ձեռին
իւրում՝ 'ի ներքս բնակեցուցանել.

և մերթ ողորջանօք բանիւք և պատրա-
 նօք քարշէլ 'ի փառս և 'ի հեշտու-
 թիւնս մարմնականս , և զամենայն
 ինչ հնարի որ ինչ անկ էր իւրոյ կո-
 ռստեանն . մանաւանդ զի զոգւոյ
 նորա ապականեսցէ զգեղեցկազա-
 նութիւն : Իսկ ոմն զիմաստութիւն
 հոգեւոր 'ի վար արկեալ , կամաւո-
 թութեամբ զմարմին մատնէ տանջա-
 նաց . և ազատութեամբ հոգւոյն ,
 որ ինչ մարմնոյն հրապուրող ողո-
 քականքն և ծառայականք 'ի բաց
 հալածէ զբանս . և ամենայն որ ինչ
 դժնդակութեամբ համբերէ . նպա-
 տակ առաջի եդեալ ազատութիւն
 հոգեւոր , զհակառակամարտն իւր
 առ ինքն 'ի վեր ածէ . և լինէր հան-
 դէս երկոցունց սաստիկ : Ոմն աշ-
 խարհակալի խաւարիս այսորիկ հա-
 մարել մտանել ընդ միտ , և ոմն երկ-
 նի և ամենայնի ստեղծողի . մինչ զի
 պարտ է ասել ճշմարտութեամբ ,
 զհրեշտակս ապստամբս և զզինուո-
 թութիւնան երկնայինս առ հասա-
 րակ 'ի տեսիլ հանդիսին վառեալ ,
 և զիւրաքանչիւրսն 'ի կամակ իւրա-

քանչիւր սագրել: Քանզի դիւացն
 ամբոխու թիւնք՝ որ ինչ իւրեանց՝ ՚ի
 գործ արկեալք, ՚ի նենգութիւն
 փութային. ոմանք զսիրտ թագա-
 ւորին ՚ի բարկութիւն գրգռել, զի
 մարմնոյն ցաւով որ ՚ի պէսպէս տան-
 ջանացն տագնապեալ սուրբն, նո-
 ցին հաւանեացի զոհատրութեան
 բազնաց: Իսկ ոմանք՝ ՚ի բանից մե-
 քենայս և ՚ի խորհրդոյ ճարտա-
 րութիւնս ՚ի նորին մտաց վարդապե-
 տէին. զի կամ մահուն երկեղիւ և
 անյուսութեան կենաց զսիրտ նա-
 հատակին տատանիցէ, կամ ըզ-
 կեանս և զբարեփառութիւն, և
 որ ինչ ըստ մարմնոյ մեծութիւն և
 հեշտութիւնք յիշեցուցանելով՝ հը-
 րապուրեսցէ. և վաղ ուրեմն ՚ի նոր
 տիսն, զհրապոյրն և զհրապուրողն
 արհամարհելով կոխիցէ: Իսկ նրբա-
 գոյնքն այսպիսեաց ամբոխից փոր-
 ձի՝ նոր ինչ անկանել իւրեանց, իբ-
 րեւ թէ զխորհուրդս շփոթել զսրբ-
 բոյն, զպարզն զայն և զյատակ, ըզ-
 վերնոյ խմաստութեան զնշոյլս ՚ի
 բաց ՚ի նմանէ արտահանել, և զբազ

մայօդս զայս և զչնչական ստորին
խաբէութիւնս՝ փոխանակ ՚ի նմա
արտագրել . կամ թէ ինքեանք իսկ
բողորովին մնալ ՚ի մեր միտս և խոր-
հուրդս . և այլք այլ ինչ, յորոյ ի-
րիք ՚ի վերայ կարգեցաւ իւրաքան-
չիւր ոք ՚ի նոցանէ իշխան խաւա-
րին յապստամբէ վիշապին : Իսկ
սպասաւորք վերնոյ և անճառելի
լուսոյն , և յաղագս բարւոյ ՚ի բա-
րեացն վայրէ՝ ՚ի բարիսն բարի մեզ
առաքմունք յառաջագային զօրու-
թեամբ . հովանեաւ անստուեր լու-
սոյն նշուլմամբ որ ՚ի նոսա՝ ծանու-
ցեալք զյաղթութիւն սրբոյն , ըզ-
պասկ հանդիսին պատրաստ բար-
ձեալ ունէին . և յաղագս հանդեր-
ձելոյ մեզ բարեացն՝ արարչին մաղ-
թէին : Բայց հանդիսագիր մարտին
էր բան թագաւորին , պսակս և
թաւ ոսոս ծառոց՝ նուէրս տանել
բազնին՝ անահտական պատկերին :
Բայց այս՝ ըստ պարսկական լեզուոյ՝
պանծալի անուամբ մեծարեալ ըզ-
բազինն , ոչ գիտեմ՝ Ռէաս լեալ
կամ Աթինաս , զորս պատուեն ա-

և ասպեղքն հինք , յորոց և բան թա-
 գաւորին : Այլ սա , թէպէտ աս-
 տուածուհի և մայր 'ի թագաւորէն
 վարկեալ , կամ այն՝ որ յուղղոյն
 Արամազդայ սերմանեցաւ , որպէս
 հաճոյ թուեցաւ ասել քերթողին ,
 և սլարկեշտացուցանել պանծալի
 տառիւք զանպարկեշտն , իբր թէ
 իմաստութեան և ողջախոհութեան
 լեալ ծորումն . այլ սրբոյ նահատա-
 կին գարշելիք և պիղծք երկոքեան ,
 և աղբեւրք ամենայն գիշութեան և
 ապականութեան . շաղղակերք և
 արիւնարբուք , և չար դիւացն՝ չար
 պատկերք և ձօնիչք :

Արդ այսպիսեաց յիմարութեանց
 և անբանութեանց հրամանի ընդգի-
 մացեալ սուրբն , հրամայի սլահիլ
 առ օր մի : Եւ զնչ զկնի այսորիկ .
 հանդիսանայ թագաւորն 'ի բանս ,
 յիշեցուցանելով նմա շնորհակա-
 լութեամբ զնորին ինքեան անստա-
 հակ ծառայութիւնն . առաջի և
 զիւրոյ կամացն արկանելով զխոր-
 հուրդս , զգիշերոյս այսորիկ և զան-
 ցաւոր ստուերի . մեծամեծս նմա

բարեաց հատուցանելով մատուցա
 շնորհաց՝ յաղագս որոյ միամտու
 թեամբ ծառայեաց : Այլ Քրիս
 տոսի վկայն գիտէ ոչ վասն մարմնա
 կանաց պարգեւաց ծառայել մարգ
 կան , այլ վասն որ հնազանդեցաւն ,
 և օրինադրեաց զհնազանդութիւն .
 և որ ոչ եկն առնուլ պաշտօն , այլ
 պաշտել , և տալ զանձն փրկանս փո
 խանակ բազմաց : Արուս և զսոյն
 իսկ մատուցանէ պատասխանեաց
 փոխարէնս , և զգրելն հնազանդ լի
 նել մարմնաւոր տերանց , որպէս
 օրէն է . բայց զԱստուծոյ պաշտօն
 ոչ ումէք ասել վայել է , զմիայնոյ
 արարչին երկնի և երկրի և որ ՚ի նո
 սա : Իսկ առ յընդդիմանալ թագա
 ւորին , և զոմն զի իցէ՝ Աստուած
 գիտել , հեզիկ և գողտր բարբառով
 որպէս մարգ՝ աստուածաբանու
 թեամբ առնէ նմա սկիզբն , ցուցա
 նելով նմա մշտնջենաւոր և ան
 սկիզբն գոյութիւն , պատճառ և
 սկիզբն ամենայնի . և զերրեակ միու
 թիւն՝ ՚ի մի գոյութեան քարոզէ ,
 որոյ ակնարկութեամբ եկաց իսկ

բովանդակ երեւելի և աներեւոյթ
 արարածս : Ուսուցանելով և յա-
 ղագս հրեշտակաց և զինուորու-
 թեանց . և թէ հողս այս և սեղ-
 մեալ կէտ հանդերձ հաստատու-
 թեամբ , և երկիր և որ 'ի նմա սա-
 սանելի կարգաւորութե բերումն ,
 բանիւ նորա անխախտելի բարձեալ
 պահի : Յուցանէ նմա և զգիցն որ-
 պիսութիւնն , թէ ոչ աստուածք , այլ
 մարդիկ լեալ մահկանացուք , դիւ-
 թուութեամբ և դիւականաւ մոլորու-
 թեամբ յառաջ եկեալ , զարհուրե-
 ցուցին զվաղնջուց միտս 'ի մարդկա-
 նէ , կարծեցուցանելով պաշտելիս
 նոցա զինքեանս և աստուածս :
 Եւ առ այն թագաւորն . Քանիցս
 անգամ տուեալ է խրատ և պա-
 տուէր , զի մի երկրորդեսցես ա-
 ռաջի իմ զհաստուածս բանիցդ ա-
 ռասպելեաց՝ զոր յօդեալ ուսեալդ
 ես 'ի մանկութենէ . որ բերեն քեզ
 փոխանակ պատուի՝ անարգանս . և
 փոխանակ բարձի և յառաջատու-
 թեան՝ բանտ և կապանս , և մահ
 որ հատանէ զյոյս 'ի մարդկանէ :

Եւ ծանուցեալ սրբոյն զնախա-
 տող նոյն ընդ բերան մահու փչեալ
 Թագաւորին զԹոյնս, հանդարտու-
 Թեամբ զմնացուածս իւրոց բանից՝
 առանց երկիւղի և շփոթութեան
 խորհրդոց ՚ի վերայ բերեալ, Թէ
 զայսպիսի պաշտողս՝ և ոչ զմի զէն
 ՚ի վերայ ամենայնի և ընդ ամենայ-
 նի, և յամենեսին ՚ի մեզ ծանու-
 ցեալ՝ ձիս և ջորիս լեալ ՚ի գրոյն ու-
 սաք. զորոց սանձիւք և դանդանաւա-
 դաւ զկզակսն ճմլեսցէ զառ նա ոչ
 կամեցողաց մերձենալ. և այս մար-
 գարէական առ հանդերձելոյն նմա
 լինել կերպարանաց փոփոխումն :
 Ընդ որոյ խստացեալ մըրիկ չարու-
 Թեանն նեղէ զխորհուրդս Թագա-
 ւորին, և զմուշեկանի նորա պայթե-
 ցուցեալ եռացումն, սասաիկս շան-
 Թըս իբր ՚ի հրոյ՝ զբանիցն ՚ի վեր
 առաքէ կայծակունս : Փոխանակ
 զի մահկանացու, ասէ, իշխեցեր ա-
 սել զգիսն, և մեզ Թագաւորացս
 ձիս և ջորիս, ես զսնոտեացն քոց
 հատուցից զբանիցն զպտուղս : Եւ
 հրամայէ դնել գայլ ՚ի բերան նո-

րա , և արձանս աղի 'ի վերայ ողին
 նորա . և այսոքիւք հանդերձ ոլորել
 և համբառնալ 'ի ծայրս ապարանից
 որմոյն մեքենայիւք աւուրս եօթն :
 Իսկ զմեկնութիւն այսպիսեաց իւ-
 րոց տանջանաց՝ ինքն 'ի պատասխա-
 նիսն արտաբերէ , իւր անձին լեալ
 մաքրութիւն , և համ հոգեւոր : Այլ
 երկրորդն որում ահագինք և հրա-
 շափառագոյնք բանք աղօթից կա-
 խաղանացն , այսոքիւք զպատկեր
 փրկչականին բերէ չարչարանաց .
 զնոյն առ նա յաղագս չարչարանաց
 իւրոց աղօթել մաղթանա , որպիսիս
 և առ հայր՝ Քրիստոս յաղագս
 Հրէիցն : Յեա որոյ և բեւեռք 'ի
 ստորինս մասունս մարմնոյն , և այ-
 սոքիւք ընդ երկիր մաժուցեալ .
 ոլորացն խոտոցաց՝ մամուլք .
 ծնկացն՝ յօշումն . կողիցն՝ քե-
 րանք . արտասոււացն ամանոց՝ բախ-
 մունք . ռնգացն՝ կրկնակի տան-
 ջանք . երբեմն՝ փոխանակ օգոյ զա-
 ճիւնն ծծելով , և երբեմն՝ որ 'ի
 սրոյ՝ զզուարթացուցանողն զիւր
 փոխեաց որակութիւն , որ 'ի պտղոց

որթոց ճնշեալ, տատասկ կապարն
 եռացեալ: Եւ այսոքիւք և վերջինն՝
 վիհն անհնարին և աննշոյլ. որ և ՚ի
 մէջ թունաւորացն հնգետասանա-
 մեայ արարեալ ժամանակս, անդա-
 դար արտասուօք աղօթից, ՚ի ժա-
 նեաց վիշապին զմեզ կորզեաց:

Եւ զի՛նչ այժմ՝ սպտկանաւոր
 սրբոյն բան, երկբանութեան աղօ-
 թիցն: Աստուած մեծ, տէր թա-
 դաւոր մեծ ՚ի վերայ ամենայն եր-
 կրի՝ հնազանդեցոյց զժողովուրդս
 և զազգս ՚ի ներքոյ ոտից մերոց, և
 զատելիս մեր ամաչեցոյց. վասն այ-
 սորիկ Աստուծով պարծեսցուք
 զօրհանապազ, և անուան նորա
 խոստովան եղիցուք յաւիտեան:
 Արդ յաղթէ սուրբն. ամաչեցեալ
 փախստական լինին դեւք. ուրախա-
 ցեալ հրեշտակք և զսովորականն
 իւրեանց ՚ի վեր առաքեն զփառա-
 բանութիւն, փառք ՚ի բարձունս
 Աստուծոյ, և յերկիր խաղաղու-
 թիւն, ՚ի մարդիկ հաճութիւն:
 Արդ նա որ այսպիսիս, որպէս վե-
 րագոյն ասացաք, ըստ մարմնոյ

յայտնի են նախնիք և գաւառ, և
 այլն ամենայն. իսկ ըստ հոգւոյ,
 որք ըստ մաքրութեան և սակաւա-
 պիտութեամբ զկենցաղս զայս վարե-
 ցին, և նմանողք Աստուծոյ, իբրեւ
 սիրելիք լինելով որդիք, երկնայ-
 նոյն ցանկացան ազգականութեան:
 Որոյ հետեւեալ մեծս այս և հրա-
 շափառագոյն հովիւ՝ զվերինն պա-
 տուեաց փչումն, և զազատութիւն
 ազգականութեանն ամբողջ պա-
 հեաց առ սկզբնատիպն, իբրեւ նա-
 խակնիք ՚ի վեր հայելով ըստ ան-
 նիւթ գոյին: Եւ որ ՚ի խորհր-
 դեան անճառելոյն զնիւթն ՚ի վեր
 տպաւորեաց՝ յայտ է, և տեղի լեալ
 սորա արփի: Քանզի ո՞ւմ այս ու-
 մեք՝ քան թէ այսպիսում լսելոյ
 պատրաստեալ է վարուք և ախոր-
 ժակօք. որ ՚ի սոյն իսկ, և վասն սո-
 րին զզօրութիւն իւր և զխոհակա-
 նութիւն եցոյց, զմին ՚ի ձեռն միա-
 կին զօրութեան, և երկրորդին, որ
 ընդ նովաւ տանջանօք: Իսկ զմիւսն
 ՚ի բանից հատուցմունս առնէ որոր-
 մութիւն, և շնորհաւոր յամենե-

սեան դարձուած բացատրելով ա-
ռաւել 'ի սոսկալիս և յահագինս .
արդիւնաւոր բանս աղօթից , որում
նուաստանայ 'ի բովանդակէն շարա-
գրի յարմարումն սրատմութեանն .
ապա ընտանի ուրեմն ճշմարտու-
թեամբ և ազգական աշակերտաց
փրկչին , և քաղաքակից ամենայն սրբ-
բոց : Արք զայսպիսիսն խորհին գոր-
ծել՝ յայտ առնեն ասէ , թէ գաւառ
իմն խնդրեն , և ազնուականի իմն
ցանկացեալ են , այսինքն է երկնա-
ւորին , վերինն Երուսաղէմի , ազա-
տին , ամենեցուն մօրն , եկեղեցեացն
անդրանկաց , ընտրելոց յերկինս :

Այլ զողջախոհութեան սորա որ-
պիսի՞ կարիցէ պատմել բան . որ 'ի
զուգութիւն ամուսնութեան , ոչ
հասականիւ հասանէ տենչանօք
ցանկութեան , և ոչ բունութեան
տուփանաց յայս ածեալ , այլ աս-
տուածայնով իմն ազգամամբ և նա-
խախնամական իւր տեսչութեամբ ,
որ յաղագս մեր հոգացեալ . 'ի մա-
քուր արմատոյն քաջաբոյս ծաղ-
կեալ շառաւիղք , զգեղեցիկ նորա

և զբարի 'ի նմանէն փոխանորդեալ՝
 յաջորդեսցեն հովուութի . և 'ի բա-
 րին ըստ նմա արօտս , և 'ի ջուրս աւ-
 տուածայնւոյն պատգամաց զբանա-
 ւոր նորա ձեռինն ոչխարս վայելե-
 ցուցանելով , յերկնայինն ամփո-
 փեալ հաւաքիցեն փարախ . և այ-
 սոքիկ՝ եկեղեցւոյ ժուժկալու-
 թեամբ , անլուծանելեալ հանգու-
 ցիւք զնորա գնացիւք արութեանն
 'ի բաց կապէ : Եւ բարձրութեան
 հոգւոյն յերկնայինն հասեալ կա-
 մար , զվերնոյ յուսոյն անհատ ու-
 նի զծագումն . և հրեշտակականաւն
 վայելչացեալ պայծառանայ գեղեց-
 կութեամբ . և տենչայ հանապազ
 յերկնայնոցն լինելով տեսութեան
 թագաւորն անգադար փառաբա-
 նութեան ընդ նոսին կատարել
 զսպասաւորութիւն : Արդ սորայս
 համեմատութեան բան՝ բազմաց
 գեր 'ի վերոյ անցեալ կայ բանից ,
 և բազմաց 'ի հանդիպողութիւն
 սպտկանեալ : Բայց զորոյ այսօր ըն-
 թերցաք՝ 'ի հոգեւորս իջցուք աւ-
 պարէս զհրաշագործողին և զնա-

խամարգարէին և օրինադրողին , ըզ-
 մեծին ասեմ՝ Մովսէսի՝ զվերջինս
 փառաց տեառն հաւաստի տեսողի
 և երեսօք փառաւորեցելոյն : Քան-
 ղի նա զմորենին անկէզ՝ վառեալ
 տեսանելով , կամ թէ այն իցէ ե-
 րեւումն Աստուծոյ . և հաստատու-
 թիւն այսպիսւոյս՝ ի մերձենալն կամ
 ՚ի յերեւման , և ՚ի ձայնէն միայն
 արգելեալ լինէր մերձենալ տեսու-
 թեան . ՚ի բաց հրամայէ լուծանել
 զկապս , օրինակաւ կօշկաց խրացից՝
 իբրեւ անարժան այսպէս աստուա-
 ծայնոյն լինել վայրի կացութեան .
 և պատուէր առնու՝ արուեստիւք
 և սքանչելեօք հանել զորդիան Իս-
 րայելի յԵգիպտոսէ : Հօլովեցու-
 ցանէ և սա զողայական հասակացն
 անիւ յուամանն քրիստոսականի . և
 ՚ի միջոցէ այսպիսւոյ վարժման՝ ա-
 ռաւել քան ՚ի հրոյն , և զմեռելու-
 թի՛ երկրաքարշականաց խորհրդոյ
 յառաջագոյն ՚ի բաց բոկացեալ ,
 միջամուխ աստուածութեանն լինի
 և մերոցն . որպէս հնազանդել հա-
 ճոյ թուեցաւ սուրբին խորհր-

դեանն իւրում՝ տպաւորէ փրկու-
թեան ճանապարհ : Եւ նմա բերան
և օգնական նրբաձայնութեանն և
ծանրախօսութեանն , յԱստուծոյ
պարգեւեալ լինի եղբայրն իւր Ա-
հարոն , որ թարգմանի հոգի . նշա-
նակ յաւելուածի լեալ հոգւոյ և
չնորհաց . իսկ սմա՝ աստուածայ-
նով ակնարկութեամբ ՚ի հռովմայ-
եցւոց աշխարհէն ընծայեցուցանէ
զհսկայաբեկ և զերկնաւորի հարսնն ,
պաճուճեալ պաճուճանօք զգեղե-
ցիկ կոյսն հանդերձ դայեկաւն :

Տես հաւաստի , երեք են որ ա-
ռաջնորդեն ելլցն Իսրայելի . Մով-
սէս , և Ահարոն , և գաւազանն որ
յԱստուծոյ . երեք և սոքա ճշմար-
տութեամբ . նահատակն , սուրբ
աղջիկն և ողջախոհ ծերունին . եւ
նոքա օրինակք , իսկ սոքա սպասա-
ւորք ճշմարտութեանն : Ո՛վ երրե-
կին զօրութեան և կատարելութե .
վասն զի զէն , և զմիշտն , և զգոյն
՚ի վեր թողցուք . որպէս ոմանք
յարտաքնոցն իմաստասիրեցին մեզ
յայտնագոյնս . և յայլս զնիւթն ,

զսկիզբն , զսեփակ յանկերպ գոյին ,
 'ի զարդ և 'ի կերպարան շարժիլ ,
 զծայրան և որ ընդ նոքօք : Իսկ 'ի
 փոքր աշխարհումն՝ զթանձր ըզ-
 նիւթն , և որ զերկոսեանն շարժէ՝
 զանձն եռամասն , զմիջութիւն և
 զեզերումն : Այլ սիրէի աստանօր
 հրաշացուցանել զբանս , յառաջ
 մատուցանել և զբոլոր լսողացդ ու-
 րախացուցանել զսեւիս : Եւ գա-
 ւազանաւն՝ որ յԱստուծոյ յայտ
 արար նշանակաւն զխորհուրդ , և որ
 նման այսոցիկ , 'ի խորութենէ գան-
 ձու հոգւոյն կտակարանաց՝ թաք-
 նաբար շողացեալ փայլէ :

Այլ զի մի 'ի համեմատութենէ
 վրիպեալ՝ մոլորիցիմք 'ի բանէն ,
 դարձեալ վերափոխելով դարձու-
 ցուք 'ի նա զբանս : Նա՝ գաւազա-
 նաւն որ յԱստուծոյ զջուրցն բնու-
 թիւն փոխէ յարիւն , և զնոյն ինքն
 զգաւազանն յօձ կերպացուցանէ ,
 և 'ի ծագ տանոյն դարձեալ զձեռնն
 իւր կարկառեալ 'ի նմին ինքեան
 փոփոխեալ հաւաքէր բնութիւն . զի
 'ի ձեռն այնպիսի հրաշագործու-

Թեան զբնաւ ճեա որդւոցն Իս-
 րայելի հանեալ փոխաբնակեցուցա-
 նէր 'ի խոստացելումն երկրին պար-
 գեւաց : Իսկ սա անդ ուրեմն 'ի խո-
 րուԹեան գոլով վերապին 'ի մէջ
 Թունաւորացն , և զխածանող բնու-
 Թիւնս նոցա սանձէ , կամ Թէ ըզ-
 Թոյնս 'ի բաց բառնայ . և հարկա-
 նէ ոչ գաւազանաւ զջուրն՝ այլ առ
 Աստուած բանիւն զանձն Թագա-
 ւորին , և զմարդկային նորա կեր-
 պարանս՝ 'ի վատԹարագոյն անաս-
 նոյ փոխաձեւէ . և քան զԲաբելա-
 ցւոյն զազրուԹիւնն՝ որ օրինացն
 անմաքուր էր և աստուածայնոյն
 զոհիցն աննուիրական : Իսկ ասլա
 ուրեմն նշանաւ խաչին զձեռն իւր
 կարկառեալ 'ի նա , ըստ հասարա-
 կացս զնա ձեւով կերպացուցանէ .
 և զամբարշտուԹեան նորա բարս 'ի
 բարեպաշտուԹիւն փոփոխէ , և
 զազգ արամեան տոհմիս , և զբոլոր
 հիւսիւսի 'ի խաւարէ հանեալ ան-
 գիտուԹեան՝ 'ի լոյս փոխանակե-
 ցուցանէ աստուածայնոյ գիտու-
 Թեանն : Նա տասնեակ հարուա-

ծովք տանջեալ զԵգիպտացիան , և
 հան զորդիան Իսրայելի 'ի միջոյ եր-
 կաթոյն հալոցաց . իսկ սա տասանց
 և այլոց 'ի վերայ երիցն յաղթելով
 տանջանաց , այսպիսեօք և այսքա-
 նեօք յաղթուածք՝ զաներեւոյթան
 ապստամբին տանջէ զօրուծիւնս , և
 զմեզ 'ի ստորին և 'ի տարտարոսա-
 կան Եգիպտոսէ և յանհնարին խա-
 ւարէ , 'ի դիւացն խորհրդակցու-
 թենէ՝ առ իմանալոյն և անմտա-
 նելոյ արեգականն ճառագայթս 'ի
 վեր կորզեաց : Նա գաւազանաւն
 զԿարմիրն փեռեկեաց ծով , և
 սեամբ հրոյ և ամբով առաջնոր-
 դեաց որդւոցն Իսրայելի , և հե-
 տեւեցոյց ընդ անդունդս խորասու-
 զեալ զՓարաւոմն : Իսկ սա ընդ
 կրունկն անգէն զեփրատականն
 դարձոյց յորձանս , և յերկնից հզօ-
 րագոյն փայլեցուցեալ ծագունմն
 լուսոյ , արեգակնայիցն յաղթեաց
 ճառագայթից . և զմերազնեսոյ բազ-
 մուծիւնս 'ի յայսպիսունմն խորու-
 թեան՝ աւազանին խորհրդեամբ
 լուսաւորեալ , զաներեւոյթ Փարա-

ւոնին՝ զօրու թեամբ նորա որ 'ի Յոր-
 գանան՝ ջախեաց զգլուխ : Նա մա-
 նանայիւ զժողովուրդն յանապա-
 տին կերակրեաց . իսկ սա ճշմարիտ
 'ի յերկնէ իջեալ հացիւն՝ որոց ըզ-
 նոյն ծանօթացոյց : Նա քաւազա-
 նաւն զապառաժն հարեալ զվէմ,
 հոսեցոյց վտակս , և զպսքումն
 ժողովրդեանն արբոյց . իսկ սա
 զաստուածայնոց պատգամացն բա-
 ցեալ աղբիւր , գետախաղաղացոյց
 վտակս ջրոց կենդանեաց . և զոգւոց
 մարդկան ծարաւեալ անդաստանս՝
 հոգեւորաւն արբոյց ուռգմամբ :
 Նա համբարձմամբ ձեռաց իւրոց
 զՅեսուս զօրացուցեալ , զԱմաղէկ
 պարտեաց . իսկ սա նշանաւ խաչա-
 նիշ փայտին զմեհեանս գիւացն հըր-
 դեհեալ տոչորեաց , և զբազմու-
 թիւն գիւացն որ 'ի նոսա՝ փախըս-
 տական մինչեւ 'ի Կովկաս առա-
 քեաց : Նա յերկիր Աւետեաց , 'ի
 Պաղեստինեայ զժողովուրդն համ-
 բարձ . իսկ սա 'ի հանդերձեալ
 աշխարհին յիմանալին՝ ուղիղ հով-
 ւու թեամբ մեղ առաջնորդէ . կամ

Թէ զկատարելագոյնս ասել, 'ի տե-
սութիւնս Աստուծոյ, որչափ կրթե-
ցաւ իւրաքանչիւր ոք 'ի մէնջ վա-
րուք և օրինակօք, և ուղիղ վարդա-
պետական բանիւ զԱստուած տե-
սանել:

Այսպիսի սորա կեանք. այսպի-
սի սորա խորհուրդ և բան. ոչ նուի-
րեալ միայն զինքն Աստուծոյ, ոչ
զմի միայն կամ զերկուս կատա-
րեալ մասն առաքինութեան, որ-
պէս զոհիցն նշանակէր բան, զա-
րիւնն միայն զբազնաւն հեղուլ,
կամ մեզ և զայլն ամենայն թո-
ղուլ, կամ զմասն ինչ 'ի փորձուոյն
Աստուծոյ նուիրել, և զայլն ամե-
նայն թողուլ աննուէր և անվերա-
կացու. այլ զամենայն կատարեալ
առաքինութիւն, ամենեւին զինքն
Աստուծոյ նուիրեաց. զբոլորն բո-
լորովին պատարագ կենդանի,
սուրբ, հաճոյ Աստուծոյ. զմարմի-
նըն կապեալ ընդ հոգւոյ ցանկու-
թեան, զհոգւոյ ակն անքթթեղի
յԱստուած կառուցեալ: Այսու
մեր սա հայր, այսպիսի տեսուչ,
այսպիսի հովիւ:

Գրիգորիոս արթուն կամ հըս-
 կող յաւազանէ կոչեցեալ անուամբ,
 արթնագոյն և սիրով և հովուա-
 կան բանիւք. անգագար զհոգեւորս
 ուղղելով բարբառ, 'ի բացեայ հե-
 ռի պահէր զանմարմին գազանն :
 Քանզի քաջ հովուին՝ քաջ և ճշ-
 մարիտ գոլ աշակերտ. ուղղէ այժմ
 աղօթիւք առ Քրիստոս, և զայժմու
 ուսմանց սխարմունս՝ ձայնիւ և գա-
 լազանաւ, երբեմն կոչելով քաղցր
 ձայնիւ, և երբեմն սասաելով, զեր-
 կոսեան 'ի հոգւոյն բանից. և որ
 Քրիստոսիւն խօսէր ուսեալ, յան-
 գիմանեա, սաստեա, մխիթարեա
 առ Տիմովթէոս գրելով : Այսպէս
 զկեանս սա ելից, այսպէս աշխար-
 հի՝ որպէս հնար է՝ յաղթեաց. այս-
 պէս զանմարմնոցն 'ի մարմնի տպա-
 ւորեաց զկենցաղս : Իսկ այժմ ընդ
 հրեշաակս 'ի յիմանալու մն վայրի,
 իմանալեացն տեսող՝ սպասէ հա-
 սարակացս 'ի բարին փոփոխման, զի
 որով նահատակեցաւն՝ զիմանալին
 օռցէ պսակ 'ի յերեւման հովուա-
 պետին՝ աթոռով յաջմէ նստցի ընդ

նմա , զորոյ զպահասուլթիւնն ընթա-
ցից ելից . դարձեալ դատել զիւրոյ
հովուութեանն ոչխարս , կամ թէ
բան տալ ընդ նոցա մաղթանաց :

Արդ այսոքիկ քեզ առ 'ի մէնջ ,
իսկ առաւելն քան զայսոսիկ՝ ար-
ժանաւորացն և հոգեւորացն կըր-
թելոց՝ որք ըստ քեզ են շնորհօք :
Այլ ընկալ այժմ՝ զմերս որ յա-
ղաքս քո փոքր 'ի շատէ բան գովես-
տի , որպէս զերկուս լուծայս այր-
ւոյն՝ վարդապետն քո և տէր : Եւ
ընդունիս , քաջ գիտեմ . զի ճշմա-
րիտ նորա ես աշակերտ , և զպա-
հասուլթիւնն յայսոսիկ մերոց շնոր-
հաց , սատարութեամբ արօթից քոց
լցցես : Զի զմնացեալն այսոցիկ՝ ար-
ժանապէս կարասցուք ասել , շնոր-
հօք բանին և հոգւոյն սրբոյ , 'ի
փառս ամենասուրբ երրորդութենն՝
հօր եւ Արդւոյ և հոգւոյն սրբոյ .
որում ամենայն փառք սլատիւ և
զօրութիւն յաւիտեանս . ամէն :

ՎԱՐԴԱՆ ՎԱՐԴԱՊԵՏ

ԲԱՐՁՐԲԵՐԴՅԻ

...

ՆԱԽԱԴՐՈՒԹԻՒՆ

Ճ Ա Ռ Ի Ս

ՎԱՍՆ ՍՐԲՈՅՆ ԳՐԻԳՈՐԻ

Ի ԽՆԴՐՈՅ ՏԵՆՈՒՆ ՀԱՄԱԶԱՍՊԱՅ



Փառք հարց աստուածասիրաց՝
մեծութիւն է որդւոց. և գովութիւն
նախնեաց բարեպաշտից՝ պսակ պար-
ծանաց բարեմիտ զաւակաց, որպէս
ասէ բարեխրատն Սողոմոն : Որ թէ-
պէտ կարապետն Քրիստոսի՝ ի բաց
տանի զհրէական ժողովուրդն՝ ի
պարծանաց որդիութեանն Աբրա-
համու, վասն զի աննմանք էին նմա
գործովն, որպէս և տէրն հաստա-
տէ, և Պաւղոս վկայէ խորթու-
թեան նոցա և տարագրութեան,
սակայն հաւատով պատուաստե-
լոցն յարմատն պարարտ՝ յոյժ
պատճառս տայ պարծանաց, աս-
տեղափայլ և ազատածին որդիս կո-
չելով Աբրահամու՝ զհեթանոսաց

հաւատացեալսս : Որում և դու
 նախանձաւոր եղեալ՝ գովեալդ 'ի
 գլուխ Սիոնի պատկառեցուցիչ՝
 տէր համազասպ, խնդրեցեր գու-
 վութիւն քոյոյն Աբրահամու՝ մե-
 ծին Գրիգորի, և համանման նորայն
 հարազատաց : Թողեալ զպարծանս
 ազնուական տոհմաւորութեան քո
 ըստ մարմնոյ՝ հաւատոյ հարամբքն
 կամիս փառաւորիլ . և այդ յոյժ
 հոգողութեամբ, և 'ի հեռի ժամա-
 նակաց կարօտեալ . և հայցեա յայլմէ
 կատարելոյ և 'ի կարողէ, և մեզ եւս
 հրամայեցէք զերկուս մտաց ձերոց
 ազատել, և զցամաք ծարաւոյդ շի-
 ջուցանել . որում կարի անարժան
 հանդիսիմ, և պակաս 'ի զօրութե-
 նէ : Բայց եթէ երկնաւոր ողոր-
 մութիւնն 'ի ձեռն ագուաւու կամի
 կերակրել զքեզ յերաշտի, և ար-
 բուցանել 'ի հեղեղատէ, որսէս
 երբեմն զհեղիաս 'ի ձորն Բու-
 ռաթու, այն Աստուծոյ շնորհացն
 էր, և Եղիայի ճգանցն : Որում
 և մեք հաղորդեսցուք մասին, և
 շնորհապարտ լիցուք Աստուծոյ յա-
 լիտեանս :

Ն Ե Ր Բ Ո Ղ Ե Ա Ն

Մ Ե Ծ Ի Մ Ա Ս Տ Վ Ա Ր Դ Ա Պ Ե Տ Ի Ն

Վ Ա Ր Դ Ա Ն Ա Յ

Յ Ե Ր Ի Յ Ս Ե Ր Ա Ն Ե Ա Լ Պ Ա Ր Թ Ե Ի Ն

Գ Ր Ի Գ Ո Ր Ի Ո Ս Լ Ո Ի Ս Ա Ի Ո Ր Ի Չ

Հ Ա Յ Ա Ս Տ Ա Ն Ա Շ Խ Ա Ր Հ Ի Ս



Օրհնեալ տէր Աստուած հարցն
մերոց, և օրհնեալ է անուն սուրբ
փառաց նորա 'ի տաճարի իւրում,
և 'ի վերայ հաստատութեան ա-
թոռոյ իւրոյ, այն՝ որ 'ի կանուխ
գիտութեանն իւրում ծանուցեալ
զհարսն մեր յառաջագոյն հրաւի-
րեաց, և 'ի բեղնաւոր բարի աւուրս
կոչեաց 'ի ձեռն շնորհաց իւրոց .
զորս արգարացոյց կենսաբեր ջրովն,
որ 'ի վերոյ քան զերկինս, և որ.

դեգրութեանն պատուով մեծա-
րեալ՝ փառաւոր արար :

Քանզի ոչ յարեւելից, և ոչ յա-
րեւմտից, և ոչ յանապատէ լերանց
եղեւ մեզ այցելութիւն . այլ այն
որ ստեղծն զմեզ, երեւեցաւ մեզ
արեգակն 'ի բարձանց, և ծագեաց
լոյս՝ որոց նստէաք 'ի խաւարի և 'ի
ստուերս մահու, ուղղել զոտս մեր
'ի ճանապարհս խաղաղութեան և
փրկութեան, դատաւորն ամենայն
մսեղեաց՝ ամենայաղթ դատաստա-
նաւն յայտնեալ : Քանզի 'ի սկըզ-
բանցն և յաւիտեանցն արարիչ՝ 'ի
լրման ժամանակաց մանուկ եղեալ
մատաղ՝ յապառաժ ձգեաց զձեռն
իւր ամենակիր . տասլալեաց զլերինս
'ի հիմանէ՝ զհպարտութիւն բան-
սարկուին, որ ապառաժ գործեաց
զբանաւոր երկիրս պարարտ . և
արկ զմատունս արուեստի իւրոյ
յորջս օձից և 'ի բոյնս կարճաց, 'ի
դարանս ողնեաց՝ աղուեսուց և համ-
բարուաց, այսինքն 'ի հոգիս մարդ-
կան՝ ուր բունեալ էին ապականիչ
զօրութիւնքն, յոքնատեսակ լնա-

սուք բաժանեալ . զորս զամենե-
 սեան փոխակերպեալ՝ բուրաստանս
 տնկեաց զապառաժս , և ՚ի բնակու-
 թիւնս գազանաց ինքն իսկ բնակե-
 ցաւ հարբն իւրով և հոգւովն սրբ-
 բով : Եւ զի անհնարինքն ՚ի մարդ-
 կանէ՝ հնարաւորք են Աստուծոյ ,
 կթեաց ՚ի մորենւոյ խաղող , եհան
 թուղ ՚ի տատասկէ . յայգւոյն Սո-
 դոմայ և ՚ի տնկոյն Գոմորայ փո-
 խեաց բարունակս բարիս . կոխեաց
 զատակս անդնդոց . աղբիւրացոյց
 զվէմս , արտավարեաց յօդս , սը-
 տուղս կոչեաց յանարմատ փայ-
 տէ , այլովքն հանդերձ . զի մի
 տաղտուկ խօսեացուք . զամենայն
 ինչ՝ զոր արար հնոյն Իսրայելի
 առ Փարաւոն արեւմտից , զնոյնս
 կրեաց նորոյս Իսրայելի առ հիսիւ-
 սով արեւելից : Անդ տանն Սե-
 մայ , աստ տանս Յաբեթի , որ և
 ընդ Սեմայ էաւ օրհնութեան ար-
 ձակութիւն և տէրութիւն ՚ի վե-
 րայ Քանանու : Անդ ազգին Յակո-
 բայ , որում հրամայեցաւ ջնջել
 կռապաշտից . և աստ որդւոցն հայ-

կայ, որ ոչ պաշտեաց ընդ եւթա-
 նասուն և յի նահապետս երկրի ըզ-
 պատկերն Բեւայ. այլ խրախուսեալ
 յԱստուած՝ սատակեաց զնոյն ինքն
 զկենդանին զառաջնորդն պատկե-
 րապաշտութեան: Անդ զգալի և
 տեսանելի, զի օգնեացէ տկար հա-
 լատոցնոցա. և ասա սակաւ ինչ ըզ-
 գալի, որ եղեւ հրաշքն առ Տրդա-
 տէս. և յուով մասն իմանալի. զի
 յի գանն հարման գաւազանին հայ-
 րաբար խրատուն՝ սիրալի և սիրալի՝
 բաւական եղեւ որդւոցն՝ ճանաչել
 զհայրն բարի: Նոցա ՚ի ձեռն Մով-
 սիսի և Ահարոնի և Յեսուայ. և
 մերս ՚ի ձեռն Գրիգորի, Արիստա-
 կիսի և Վրթանիսի՝ զուարթալոյս
 նորայն հարազատաց. որք էին և
 սոքա յարմատոյն Աբրահամու՝ որ-
 զիք պարարտութեան. որպէս և
 գրեալ է, թէ երկու գաւազանք որ-
 զիք պարարտութեան հատան յան-
 դոյն Աբրահամու, և ՚ի ծաղկանց և
 ՚ի պողոցնոցա լցան տիեզերք:

Քանզի հայրն հասարակաց՝ ա-
 ռաջի Աստուծոյ մեծն Աբրահամ ՚ի

ծերութեան անդ մանկացեալ 'ի զօ-
 րութենէն Աստուծոյ՝ ծնանէր 'ի
 կենտուրայ որդիս վեց, զԵմբրան, և
 զԵքսան, զՄադան, և զՄադիման,
 զԵսբուկ, և զՍովիլէ. և սպանեալ
 Եմբրանայ զԵքսան և զՄադիման,
 զահի հարեալ Աբրահամու՝ գուցէ և
 զԻսահակ սպանցէ զկնի մահու նո-
 րա, տայ նմա և եղբարցն ինչս, և
 արձակէ յարեւելս. յորոց շինե-
 ցաւ Բահլ քաղաք յանուն որդւոյ
 Եմբրանայ. յորմէ և կոչեցաւ ազգն
 Պահլաւ: Ուստի զօրացաւ մեծն
 Արշակ, որ թագաւորեցոյց 'ի վե-
 րայ հայոց զՎաղարշակ եղբայր իւր,
 տալով նմա 'ի ծովէն Պոնտոսի՝ մին-
 չեւ 'ի ծովն Կասբից. գաւազան մի
 հատեալ յօրհնութեանդ աստանէն,
 և արմատացեալ 'ի հայկարան տանս
 Թորգոմայ. որ և բառնալ թագաւո-
 րին տիեզերասասա 'ի յազգէն Եմբր-
 նայ 'ի Ստահրացւոյն 'ի սասանա-
 կանն Արտաշրէ յԱրտաւանայ ա-
 ռեալ: Եւ նախանձախնդիր լիեալ
 խոսրովու որդւոյ Վաղարշու՝ որդ-
 ւոյ Տիգրանայ՝ որդւոյ Արշակայ ար-
 ԳՐԻԳ. ԼՈՒՍԱՒՈՐԻՉ. Բ. 4

չաղուհուոյն 'ի Աղարշակայ, զտասն
 ամ՝ աւերէր զերկիրն Պարսից, վա-
 խուցեալ զԱրտաշէր 'ի Հնդիկա . մին
 չեւ գայ Անակ կնաւ իւրով Ոգո-
 հեաւ, և որդւով իւրով Սուրենաւ .
 և 'ի Ճանապարհին առ շիրիմն Թա-
 դէոսի ասեն անկիլ Գրիգորի : Եւ 'ի
 սպանանել հօրն նորա զխոսրով
 նենգութեամբ, և վասն նորին իրաց
 կորնչել ամենայն ընտանեօքն՝ եղեւ
 ծնունդ Գրիգորի 'ի շփոթմանն :
 Որոյ մանկակալ լեալ Սոփի կե-
 սարացի քոյրն Եւթաղեայ՝ կինն
 Բուրդարայ, որ եկեալ զկնի Անա-
 կայ, և գնացեալ մինչեւ ցԿեսա-
 րիա, և 'ի սոյն ժամանակի գար-
 ձեալ կնաւն այսրէն, զի 'ի Պարսս-
 երթիցէ յիւրականն գաւառ . որոյ
 զհետ եկեալ Եւթաղեայ պատահէ
 սմա 'ի Աղարշապատ քաղաքի 'ի
 ժամու ծննդեանն Գրիգորի . և
 համոզեալ զփեսայն իւր Բուրդար
 պարսիկ . և առեալ զմանուկն Գրի-
 գոր՝ դառնան 'ի Կեսարիա . և Քրիս-
 տոսի ընծայեն զնա աւագանաւն :

Եւ հասեալ 'ի չափ՝ վարժի յոյն

և ասորի գալրու թեամբ . և փեայա-
 նայ 'ի կեօարիա ումեմն հաւատա-
 ցեչոյ՝ 'ի գուսար նորա Մարիամ կո-
 չեցեալ . յորմէ ստանայ երկու զա-
 լակս՝ զԱրիստակէս և զԱրթանէս :
 Եւ ապա Աստուծոյ ատեալ զկեանս
 իւրեանց՝ մեկնեցան 'ի միմեանց .
 Մարիամ գնացեալ 'ի կանանց
 վանս , և Գրիգոր ատեղեկացեալ
 վասն անձին՝ թէ ո՞վ և յորո՞ց , գնայ
 առ Տրդատէս :

Զի 'ի ջնջելն Արաաշրի զյեշա-
 տակս Խոսրովու , Արտաւազդ ոմն
 Մանգակունի փախուցեալ էր առ
 Յոյնս , և սնուցանէր զնա առ իշ-
 խանի ումեմն Աիկիանէս կոչեցեչոյ :
 Առ նա երթեալ Գրիգորիոս՝ ծա-
 ոայէր նմա , թեթեւացուցանել
 կամեցեալ զպարտան հայրենի :
 Մինչեւ եկն թագաւորն Գթաց
 Հրաչէ անուն , որ էր քեռորդի
 սրբոյն Յակոբայ Մծբնայ հայրա-
 պետին . որ և նա որդի էր հորա-
 քեռ սրբոյն Գրիգորի Խոսրովու-
 հեայ : Զայս Հրաչէ ըմբռնեալ
 Տրդատայ՝ ածէ առ Գիողեատիա-

նոս . և վասն այնր երախտեաց պսա-
կեալ 'ի նմանէ՝ գայ 'ի Հայս հան-
գերձ Գրիգորիւ , և տիրէ հայրե-
նեաց իւրոց : Իսկ Սուրէն եղբայր
Գրիգորի 'ի խուճապէ տագնապի
հօրն չարամահ սպանմանն անկանի
'ի Պարսս . և անտի առ փեսայն իւր
Թագաւորն Հեփթաղաց : Մնանի
անդ , և յաջողակ այր եղեալ և ա-
նուանի այնչափ , մինչեւ տանել
զնա և Թագաւորեցուցանել 'ի վե-
րայ Ճենայ և Դարսլանայ , և ամե-
նայն կողմանցն այնոցիկ :

Իսկ Տրդատիոս յառաջին ամին
իւրոյ Թագաւորութեան՝ տեղեկա-
ցեալ վասն Գրիգորի , եթէ զան-
տեսն Աստուած փառաւորէ , սկսաւ
չարչարել զնա : Եւս առաւել յոր-
ժամ իշխանն Օտա և Տաճատ ա-
ներ նորա ասացին արքայի , եթէ
որդի Անակայ է դա , որ խաւար
էաժ աշխարհիս հայոց՝ սպանանե-
լով զհայրն քո խոսրով : Զոր
լուեալ արքային՝ ետ տանել զնա 'ի
բանտ վիրապին , յուսահատ եղեալ
'ի լսողութենէ նորա . յորմէ ա-

պրեալ 'ի տեսչութենէն Աստուծոյ .
 և 'ի հարուածել թագաւորին և ար-
 քունական զաւրացն ելեալ 'ի վե-
 րապէն՝ ասարեցուցանէր զսպանող-
 սըն իւր փրկական աւետարանաւն ,
 և բժշկական շնորհօքն Քրիստոսի :
 Եւ ասպա սերճ և սլայծառ նախա-
 րարօք և արքունական կառօք 'ի Վե-
 սարիա երթեալ 'ի մայրաքաղաքն
 Վասպադոկացւոյ , և մայրն հիմնար-
 կութեան հաւատոյ՝ 'ի հայաստա-
 նեայցս 'ի Թագէէ առաքելոյ , ուր
 արար զառաջին ձեռնադրութիւն
 և զհիմնարկութի եկեղեցւոյ : Եր-
 թեալ առնու զառաքելական սա-
 տիւն յառաքելական հօրէն Ղեւոն-
 դեայ . զի իցէ իրքն կարգաւոր , և
 աստուածագործ հրաշ : Քանզի որ
 առ շիրմօքն նորա յղացաւ , և էառ
 զսկիզբն գոյութեանն , 'ի նորին խնա-
 մոյ ածաւ 'ի տեղի առաջին շնորհա-
 բաշխութեան նորա . և ընկալաւ 'ի
 'ի նմանէ զսկիզբն գոյութեանն
 ըստ Աստուծոյ : Յառաջին աթոռ
 նորա , ուր զսուրբն Թէոփիլոս ե-
 սիսկոսոս ձեռնադրեաց սուրբն

Թագէոս . և ՚ի նոյն աթոռոյ , ուր
 ընկալաւ զշնորհս աւազանին ՚ի Վե-
 սարիա , այժմ՝ էաւ զամենահատար
 ծնունդն , և զբովանդակ զշնորհս
 առաքելութեան : Որով պայծառա-
 ցեալ գառնայ ՚ի նորին առաքելա-
 կան անդաստանն՝ ինքեան իսկ և
 նորայն վաստակօք հերկեալ , և ա-
 րեամբ և արտասուաւք սերմանեալ ,
 և քրտամբք ուռոգեալ . վասն որոյ
 և արդէն իսկ սպիտակացեալ և
 ՚ի հունձս հասեալ : Ձոր և տե-
 սեալ բերկրալի սրտիւ զհաճոյա-
 կան տեսիլն , և թեքեալ զման-
 կաղ բանին ՚ի մուխս հողւոյն՝ սկսա-
 նէր ՚ի յոճ՝ արտոյ ագարակին . և
 դնէր լիաբուռն խրճուռս որայից և
 բարդից՝ արժանաւոր լայնանխտ
 կալոյն , և բազմատար շտեմարանի
 վերնոյն : Ձի հասարակ ցնծաւ-
 ցեն սերմանողքն առաջին Բար-
 դողոմէոս և Թագէոս , և վերջին
 հնձողքն և շտեմարանողքն՝ Գրիգո-
 րիոս և որդիքն իւր քաջագօտիք :

Եւ արդ ահա խորհուրդ երկուց
 գաւազանացն յայտնեցան , և առ-

մեզ արմատացան . որք 'ի քաղցրա-
 բեր արմատոց , և 'ի դառնաբեր ու-
 տոց էին : Քանզի շառաւիղեալքն
 յԱբրահամու օտարացան , և օտար
 անուամբ կոչեցան՝ Սոդոմայ և Գո-
 մորայ իշխանք և Ժողովուրդք ,
 տունկք և ուռք վիշաբերք և տատա-
 կածնունդք : Եւ այժմ՝ դարձեալ
 վերնական գլխութեամբ հաստա-
 տեցան 'ի բուն իւրեանց և 'ի սկիզբն
 արմատոյն յաբրահամեան հաւատն ,
 որով ամենեքեան ասրեցաք :

Առցես , ասէ տէր ցԶաքարիա ,
 երկուս գաւազանս , և զմին կոչես-
 ցես վիճակս , և զմիւսն գեղեցիկ . և
 նոքօք դարձուսցես առ իս վիշխանս
 իմ : Որ և աստ կատարեցաւ 'ի
 Տրդատէս . որ գեղեցկացան՝ ըզ-
 Քրիստոս զգեւելովն , 'ի բաց եղեալ
 զխոզենին . և 'ի սուրբն Գրիգորիոս ,
 որ վիճակք ելին նմա ընդ ընտիրս՝
 ընդ առաքեալսն մեր . և վիճակեցան
 նմա վեցհարիւր և քսան գաւառք , և
 Ժառանգութիւն նմա հաճոյ եղեւ՝
 անհաճոյն յառաջագոյն : Արդ՝
 նախ 'ի ձեռացն Քրիստոսի ընկե-

ցաւ գաւազանն վիճակ Գրիգոր 'ի
 չարչարանս տուեալ . և ասլա գե-
 ղեցկացեալն Տրդատ 'ի նոյն ձեռաց
 հզօրին Յիսուսի՝ հովուին քաջի . որ
 'ի փախչելն սրանան առաջի խնա-
 մողացն . որպէս հովիւ զգաւազանն
 ձգելով զկնի փախուցեալ ոչխարին՝
 դարձուցանէ առ ընկերան , զի մի
 գայլոց և գազանաց լիցի : Նոյնպէս
 արասցէ , թէ բովանդակ հօտն 'ի
 փարախէն և կամ 'ի խոտաւէտ տե-
 ղեաց հեռանայցեն : Դարձեալ ա-
 սէր Ադոնայ տէր ցեղեկիէլ . Առ
 երկուս գաւազանս , և միաւորեա
 ընդ միմեանս , և եղիցի մի . և կալ
 'ի ձեռին քում : Ար նշանակէր ըզ-
 միաւորիլ երկու իշխանութեան՝
 թագաւորութեանն տանն Յուդայ
 և Եփրեմի , և Զօրաբաբելի թագա-
 ւորի , և քահանայապետին Յե-
 սուայ : Ար և մերոյս առաւել խոր-
 հըրդածի՝ կարի հեռացելոցս 'ի մի-
 մեանց . որ և միաւորեալ հաւատով
 և կամաւք և իշխանութեամբ՝ եղեւ
 'ի ձեռին Քրիստոսի , որում նուի-
 րեցանն : Դարձեալ զգաւազանն

ընկուզի , զոր տեսանէր մանուկն
 Երեմիա . որ և զմեր խրատս առա-
 կաբանէր . զի հարկանէր հայր զորդի
 գաւազանաւ խրատու , որոյ դառն
 է արմատն , և քաղցր պտուղն . որ-
 պէս ընկուզի , որոյ դառն է բոլոր
 սունկն , այլ պատուական է վասն
 պարարտութեան ընկուզին : Այլ և
 օձացեալ գաւազանն , և հաստա-
 տեալն յիւրում բնութեանն առ
 Մովսիսիւ՝ զթագաւորն մեր նշա-
 նակէր՝ կերպափոխեալ ՚ի փախչելի
 տեսակ . և ՚ի բուռն հարկանելն
 զնմանէ մերոյն Մովսէսի՝ առնոյր
 զբնիկն իւր , և կայր մնայր նեցուկ
 հեզութեան ՚ի ձեռին նորա : Իմաս-
 տունն մեր և քաջ հովիւն Գրիգո-
 ռիոս , զոր խոստացաւ տէրն կան-
 խագոյն ՚ի ձեռն մարգարէիցն . Յա-
 րուցից ձեզ հովիւ իմաստուն , որ
 երկուս ունիցի գաւազանս . զմին
 բարակ որով զխաշինս արած է , և
 զմիւսն հաստագոյն՝ որով ընդ
 գայլսն և ընդ գողսն կռուի : Ար և
 ճշմարտապէս մեր կայ հանճարեղն
 և իմաստուն հովիւն Գրիգորիոս՝

ունելով զերկօսեանն , գաւազան
 կակղագոյն և բարակ՝ զբանն հեղա-
 համբոյր՝ դարձուցիչ և տածիչ և ա-
 ծող բանաւոր հօտի . իսկ գաւազան
 թագաւորութեն հաստահարուսա ,
 հսկայազօր , անվանելի և քաջամար-
 տիկն ունէր ՚ի պատրաստի զՏրդա-
 տիոս , որով հարկանէր զգիմա-
 դարձան ՚ի փորձութեանն իւրեանց .
 որպէս զՂեմետրեանսն և զԳիսա-
 նեանսն և զգողս և զգազանս օտա-
 րոտիս սատակէր . որպէս զանարի
 հսկայն զթագաւորն հիսիւոց ըզ-
 Գեգուէհոն . զոր աղօթիւք ՚ի
 ձեռն նորա շեշտակի ճեղքէր ընդ
 մէջ երիվարաւն հանդերձ մինչեւ
 ցգետինն յեսուաբար , մերոյ Մով-
 սիսի տարածեալ զբազուկան ընդ-
 դէմ Ամաղեկայ : Եւ ոչ միայն այս ,
 այլ և զնորհս լերին Սինայ և Քորե-
 բայ՝ ՚ի լերինս և ՚ի դաշտս Այրարա-
 տու ածեալ փառազարդէր : Սիւն
 ամպեղէն և հրեղէն ՚ի վայր իջեալ
 արկանէր խորան լուսեղէն՝ ծիրա-
 նափառ կազմեալ նշանակօք , կամա-
 րազարդ պսակեալ հրաշիւք՝ երկնա-

կառույց շաւղով 'ի ձեւ սանդը-
 զոց երեւեալ՝ որք իջեալ բազմու-
 թիւնք հրաբուն զօրացն՝ ընուին
 զստորին աշխարհս, նոր երկին զսա
 հրաշագործեալ: Նախնին մեր և հո-
 վիւն Գրիգորիոս՝ նորն Յակոբ, որ
 տեսեամբ իջեալ միածնին 'ի բար-
 ձանց՝ յարափոխեալ կոչեցաւ Ի-
 րայէլ, յոր և 'ի մէջս և 'ի գլուխս
 երկուց գետոց Տիգրիս և Եւփրատ
 տէս եկեալ խօսէր հարան ոչ ին-
 քեան, այլ սերոբէիցն արքայի: Եւ
 երիս գաւազանօք ընկուզի և սօսի
 և շշի անուամբ հօր և Որդւոյ
 և հօգւոյն սրբոյ՝ երից անձանց և
 միոյ իշխանութեանն՝ ծնանէր 'ի
 ջուրս աւազանին նկարէնս և խայ-
 տախարի գառլինս և գոշասպիտակ
 մաքիս: Եւ 'ի սեւադէմ և 'ի գայ-
 լակերտ գազանաձեւ սղգաց, որք
 անցեալ ընդ գետս կենդանիս,
 սպիտակափայլ, ոսկիակիզն, նշու-
 լազարդ, գեղասպաճոյճս փայլէին.
 որ 'ի միում աւուր հնգետասան
 բիւրս յարբունական զօրացն քրիս-
 տոսազգեստէր՝ նորն մեր Յեսու

Յովսէփէկէան՝ քահանայն մեծ Գրի-
 դորիոս . որ զգեցաւ զպատմութեան
 պճղնաւոր ՚ի փառս և ՚ի պատիւ
 պսակեալ ՚ի թերթն ոսկի և ՚ի խոյրն
 սուրբ՝ առաջնորդէր Չորաբաբե-
 լի նորոյ բարեփառն Տրդատայ , և
 գերեզարձ ժողովրդեանն , որով ա-
 լերէր Բաբելոն՝ խառնակութեան
 վարք , կործանէր Բէլ , խորտակէր
 Դագոն , մեռանէր Չեւս ՚ի կղզիս
 արգելեալ . շանթակէզ լինէր Աս-
 կղէպիադէս . Արամազդ և Արէս ա-
 ռեալ զփառս իւրեանց՝ գիմէին յան-
 դունդս . Աստղիկ զբողութի առեալ՝
 փախչէր առ հովանիսն իւր : Տունն
 թորգոմայ թարգմանիչ մեծի խոր-
 հրդոյն լինէր . տունն Հայկայ տուն
 Աստուծոյ բարձրանայր . գեղեցկա-
 նայր ազգն Գեղամայ . կողմն Սիսա-
 կայ սիրելի Քրիստոսի լինէր . ազն
 Արամայ զարմանալի փառաց հասա-
 նէր , ազգն ազքանազեան և այրա-
 րատեան թագաւորութիւն բարձ-
 րացեալ քան զազգս բազումս՝ զեր-
 կինս և զարքայութիւն երկնից ժա-
 ռանգէր : Այլ բազկին բարձրելոյ ,

փառք ձեռինն կարկառելոյ . գո
 վուծիւն տուողին արժանացելոյ .
 քոհուծիւն միջնորդին պատրաս-
 տելոյ . օրհնուծի սեղանոյն սրբե-
 ցելոյ . շնորհք պարգեւողին մեծա-
 ցելոյ . բարեբանուծիւն կամացն
 քաղցրացելոյ . երկրպագուծիւն
 երկրամերձ գիմօք անյիշաչար ողոր-
 մուծեանն հաշտեցելոյ , և անմո-
 ռաց պահողին զյիշատակս իւրոյ
 վաստակաւորին : Քանզի որպէս ա-
 ռաւել վաստակեցաւ հայրն մեր և
 աստուածանման ծնողն Գրիգորիոս
 քան զամենայն մսեղի՝ տարեալ
 Լըջմուծք զսոսկալի և զքսամնե-
 լի կիրս չարչարանաց , նոյնքանեաց
 փառաց և շնորհաց եղեւ արժանա-
 ւոր , և երկնեաց հոգեպէս և մար-
 մնաչարչար զամս բազումս . և ապա
 ՚ի վայրկենի միում ծնաւ ազգ մի
 ողջոյն միանգամայն՝ զբիւրաւոր
 բանակս հայկազնեայ զարմից , պը-
 տուղս հիահրաչս իւրոցն տաժա-
 նաչատ կրիցն անհանդուրժակա-
 նացն : Որ յայնժամ հիացոյց զտե-
 սողան , ոչ միայն զերկրաւորս՝ այլ և

զերկնայինն և զերկնաւորն ամե-
 նայն . և այժմ՝ քստմնեցուցեալ դո-
 զացուցանէ լուրն զխորհուրդս և
 զմարմին լսողաց . զի տեսիլ եղեւ
 աշխարհի և հրեշտակաց՝ արժանա-
 ւոր զարմացման բոլոր սեռից և տե-
 սակաց . զի հանդէս մեծ գործեաց
 բանսարկուն հանդերձ ամենայն դի-
 ւօք իւրովք , և թափեաց 'ի նա զա-
 մենայն հնարս իւր . և սպառեաց 'ի
 մի յանձն յայն սաստուածամուխ
 զամենայն նետս իւր , և ջարդեաց
 'ի վերայ նորա զամենայն հնարից
 իւրոց մեքենայս 'ի ձեռն տիեզերա-
 սաստ և բուռն թագաւորու(թեանն
 Արշակունեաց : Քանի՛ տեսակս
 բազմակտուտ չարչարանաց իցէ ,
 զոր ոչ կրեաց յինքեան : Առաջին ,
 բեւեռս զոր թափանցանցս ընկալաւ
 երկնագնաց թաթք ոտից նորա . եր-
 կրորդ 'ի կոճեղս և յոլորանս ե-
 դեալ քամեցաւ յարեմէ՝ երկիւ-
 ղիւ տեառն մաշեալ սրունք ոլոքաց
 նորա . երրորդ կապիճս երկա-
 թիս և դառնակսկիծս ընկալաւ՝ կա-
 խաղանօք կարկամեալ , և գետնա-

մածեալ 'ի ծնրագրութենէ ծունկք
 նորա երիս աւուրս . չորրորդ բրա-
 ծեծ եղեալ աստուածակիր բարձք
 անդամոց նորա . հինգերորդ՝ ջրա-
 չարչար պարպասամամբ և ուռուց-
 մամբ ստորագլուխ անարգանօք
 վտանգեցաւ ողջախոհ, պարկեշտ և
 սուրբ որովայն նորա . վեցերորդ
 շառաշիղս աղի վերամբարձ յորմն
 վարսեալ ընկալաւ զեւթն օր՝ Աս-
 տուծոյ աւրինացն բեռնաբարձ ողն
 նորա , հանդերձ գելարանօք ճար-
 ճատմանց կրծից նորա , առասանօք
 չարահնար սնդեալ անրօք և խեղ-
 դանօք՝ կեղեքեցաւ լծաբարձ օրի-
 նացն Քրիստոսի պարանոց նորա .
 գայլս ձգիչս և պատառիչս ընկա-
 լաւ աստուածաբան բերան նորա և
 դանդանաւանդս քրիստոսակիր կը-
 զակ նորա . եօթներորդ՝ զեւթն
 օր գլխիվայր կախեալ 'ի միոյ ոտա-
 նէն , և հոտս աղբոյ ընկալաւ ա-
 նուշաբուրիչ հոգւոյն արժանաւոր
 ռընգունք նորա . ութերորդ ըզ-
 վեցօր մոխրաշունչ եղեւ անխառն
 օգոյ , զոր պարկն արգելոյր 'ի

փողան կապեալ . իններորդ բորակ և
 բարկ քացախ ընկալաւ նոյն հոգե-
 շունչ քիթ նորա . տասներորդ՝ կը-
 առւին զոր կուփահարեցաւ չարչա-
 րակիր անձն նորա . մետասաներորդ՝
 մամուլս էառ աստուածապսակ
 գլուխ նորա : Եւ այսոքիկ նկարա-
 գրութի անդամոցն զուտ և զուար-
 թուն պատկերին Քրիստոսի , յո-
 տից սկսեալ և ՚ի գլուխն աւար-
 տեալ , որպէս ասեն առնել զքաջ
 պատկերագործն Դեդեղայ՝ յոտիցն
 ձեռնարկեալ , յորում շարժիլ թը-
 ւէր անշունչ տեսողաց : Ի վերայ
 այսր ամենայնի որպէս զոսկիծա-
 մուկ ծիրանի երեքլարեան մարգար-
 տով հիւսեալ՝ արկցուք զբովանդակ
 արքունական պատկերաւն , մանա-
 ւանդ թէ ինքն արկաւ զիւրեաւ ու-
 տայնանկն աստուածիմաստ . երկո-
 տասաներորդ զտատասկն , որով
 ամենայն մարմինն ծակոտեալ , և խը-
 ծուծ լիեալ՝ արիւնաքամ եղեալ .
 երեքսասաներորդ զքերանս յո-
 տից մինչեւ ցգլուխս , որովք մերկա-
 ցան նշխարք սուրբ ոսկերաց նորա .

չորեքտասաներորդ՝ զկասարն հա-
լեալ և քաջեռաց, որով խորովե-
ցան խղեցան ջիւքն, և խանձողեցան
ոսկերք նորա:

Եւ արդ միթէ փոքր էր նահա-
տակին հանդէս. ուր արարիչն ե-
կեալ հրեղինաց դասուք՝ տեսանէր
զարժանաւորն տեսիլ նոր և ան-
ծանօթ դարուց և ժամանակաց,
յորմէ հեռէ եղեւ մարդ ՚ի վերայ
երկրի: Միթէ փոքր էր պատա-
րագն, յորոյ հոտոյ լցան երկինք և
երկիր, և կենդանացան զարմք և
զաւակք տանս հայկազեանց՝ ար-
շակունեաց և պալհաւկաց: Միթէ
փոքր էր սարժանք որդւոց առ այն-
պիսի հայր, եթէ զչաւիղս նորա
գնայցեն. միթէ թոյլ ետ այլում
հօր վեհագոյն գտանել քան զինքն.
միթէ սակաւ և դուզնաքեայ չար-
չարանօքն եղեւ հայր, և բազմու-
թիւն որդւոց էած ՚ի փառս. մի-
թէ վայրապար զարհուրեալ դո-
ղային երիկամունք թշնամեացն, և
լուծանէին ջիւք բազկաց նոցա, և
ընկեցեալ լինէին զաղեղունս, գը-

նային բացէ 'ի բաց փախստա-
կանք :

Որո՞ց հրաշից նման էին և վերա-
պին սքանչելիք , բայց եթէ իջանե-
լոյ որդւոյն Աստուծոյ 'ի ստորին
վայրս մահու և 'ի դժոխս ներքինս ,
ուր յաղթահարեալ կործանեցաւ
մահ և ապականութի : Որպէս և փո-
խանին Յիսուսի իջանելովն 'ի դա-
րանս զգալի և իմանալի վիշապաց՝
շիջանէին խայթոցք մահաբերին ,
ջախջախեալ լինէր գլուխ ապրս-
տամբ վիշապին , աւերէր տուն բնա-
կութեան խաւարասէր իշխանին ,
ածեալ լինէր կիտոսն կարթիւ և
չրուշակաւ խաչին նշանի . սան-
ձէր նովիմբ ահաւոր կնքոյն և զբե-
րան երեւելի օձիցն , որպէս Դա-
նիէլ զցուռկ առիւծուցն , և կայր
մնայր 'ի մէջ նոցա , ոչ զերիս ա-
ւուրս միայն՝ որպէս Յունան 'ի փոր
ձկանն , այլ զամս հնգետասան՝ պա-
հելով զնա վերին խնամոցն իբրեւ
զփեսայ յառագաստի , և որպէս
քահանայ 'ի խորանի սարկաւա-
պեալ 'ի խարամանեաց օձիցն , այլ

արժանապէս սպասաւորեալ 'ի հը-
րեշտակաց սրբոց , որպէս և ինքն
պատմէ :

Քանզի և երկինք լինէր խորու-
թիւն խորխորաաին , բնակութիւն
զուարթնոց՝ որջն գիւաց , կենաց
գործարան՝ տեղին մահապարտաց :
Քանզի հովանի լինէր հօրն մերում
աջն հայրենի , բառնայր զնա բար-
ձրեալ բազուկն Յիսուսի , ողջա-
գուրէր զնա մխիթարիչն հօգի : Զի
թէ ոչ լինէր այս , զինորդ մնայր
կենդանի յայնպիսի տեղուջ . որ 'ի
բարձրութենէ անկումն 'ի խոնարհ ,
և հոտն մահաբեր , և կամ ահագին
տեսիլն վիշապաց՝ բաւական էր վաղ
վաղակի քաղէլ զշունչ նորա : Այլ
այն՝ որ ասէր ցնահապեան Յակոբ ,
Մի երկնչեր իջանել յԵգիպտոս ,
զի ես իջից ընդ քեզ , և ես հանից
զքեզ անախ , զնոյն բարբառ աւե-
տեաց կրկնէր մերում նախահօրն
Գրիգորի . և առեալ զձեռանէ նո-
րա՝ իջանէր ընդ նմա , և ասէր . Ես
եմ տէր Աստուած քո՝ բաւա-
կանն . և դարմանէր զնա՝ շտեմարա-

նեալ զգանձն կենաց , և զբազմա-
 լոյս արեգակն մեր՝ զայնքան ժամա-
 նակս 'ի խորս անդնդոց . և յիւրում
 ժամանակի վերաբերեալ՝ քաղց-
 րագոյն արեւով և պայծառ լու-
 սով ցուցանէր աշխարհի , որոց 'ի
 խաւարի և 'ի ստուերս մահու նըս-
 տեալ ննջէին : Յորմէ լուսոյ զար-
 հուրեալ գողք և աւազակք , շնա-
 ցողք և սպանողք , որք շրջէին և
 գործէին խոր գիշերոյ , չքոտեալ
 ջնջէին 'ի միջոյ . գազանք վայրե-
 նիք յորջս իւրեանց մտանէին . ե-
 լանէր մարդ և որդի մարդոյ 'ի
 գործս իւր և 'ի վաստակս ձեռաց :
 Վարէին արտս , տնկէին այգիս , և
 առնէին պտուղս արմտեաց՝ յան-
 դաստանսն սրբեալ և պարարտա-
 ցեալ . եւ նոյն քրտամբք և արեամբ
 սրբոց հռիփսիմեանց ուռոգեալ
 կուսիցն խմասանոց օրիորդացն սրբ-
 բոց . որք իբրեւ զաստեղակուռ բա-
 նակս արփիախաղաց ճառագայ-
 թիւք յարեւմտից յարեւելս դի-
 մեալք , զի ծագեսցին մեզ ընդ մե-
 րոյն արեգական , և զարդարեսցեն

նոր աստեղքն զնոր երկինքն որ ե-
 ղեւ հայաստանն աշխարհիւ . այս-
 ինքն է զբարձրութիւնն սարժանաց
 հաւատոյս , և զնորհուրդ հարսա-
 նեաց եկեղեցւոյ սրբոյ . հարսունքն
 Քրիստոսի պճնագեղեալք 'ի հան-
 դերձս ոսկեհուռս՝ վերջաւորս և
 քղանցաւորս կազմեալք , և թագ 'ի
 գլուխ պսակեալք , յօգնականու-
 թիւնն ածեալք 'ի տեառնէ փեսա-
 ւերին մերոյ , զի խօսեցին զբարե-
 տոհմիկ ծնունդն թորգոմայ եր-
 կնաւոր փեսային . և լինիցին կու-
 սութեամբ մայր աղգաց և ազանց
 նորածնաց . և կուսական կաթամբ
 սնուցեալ՝ հասուցեն յայր կատա-
 րեալ 'ի չափ հասակի՝ կատարմանն
 Քրիստոսի :

Արք և զայս արարեալ , և 'ի
 գլուխ տարեալ , առաքենն աղօթիւք
 և ազգամամբ վերին շնորհացն զա-
 րեւելեան արեգակն 'ի մուտս ա-
 րեւու , ուստի էին ինքեանք .
 զի անդրէն տարեալ զփոխարէնն
 ձեռնատուութիւն՝ հատուցէ քա-
 ղաքի նոցա հռոմայ , և աշխարհին

խտալացւոց , և ամենայն Եւրոպիայ , ծագելով նոցա լոյս . և ջերմն ճառագայթիւք արասցէ նոցա գարուն հոգեւոր և պտղածին . և ցուցցէ միմեանց զնորոգեալ նորընծայ քրիստոսապսակ թագաւորսն՝ այն ինչ արմատ արձակեալ 'ի խոնարհ , և նորաբողբոջ բուսովք և ծաղիօք 'ի վեր փթթեալ , ոստս և շառաւեղս արձակեալ ընդ լայնութիւն և ընդ երկայնութիւն աշխարհի , ածելով 'ի հաւատս զամենայն հնազանդեալս իւրեանց . Տըրգատ և Կոստանդիանոս , Սեղբեստրոս և Գրիգորիոս , ցանկալի և արժանատենչ տեսութեանն Աստուծոյ և աստուածասիրաց : Եւ ոչ երկինք իւրով վայելչական զարդուքն այնպէս գեղեցիկ է , որպէս յայնժամ եկեղեցի այնպիսի հայրասպետօք և թագաւորօք շքեղացեալ վայելչանայր :

Ո՛ր բարերար և ամենաբախտ ժամանակին , և սրսակեալ տարւոյն , և ամսոյն 'ի տարւոջն , և շաբաթուն յամիսն , և շնորհաւոր և օրհնեալ

աւուրն , յորժամ տեսին նոքա ըզ-
միմեանս , և փարէին զերերօք՝ չորք
սիւնքն չորեքանկիւն տիեզերաց ,
դրախտաբուղիս գեաքն , և աւետա-
րանչացն պատկերքն : Ո՛ր տայր մեզ
զստուածիւնն զայն ցանկալի , և
զերծ յայժմու թշուառութենէս և
ի վատաբախտութեանցս :

Յնծացաւ երկիր , զուարճացաւ
ծով լիւ իւրով , տիեզերք և ամե-
նայն բնակիչք : Ուրախութիւն ե-
ղեւ և յերկինս առաջի հրեշտակաց
Աստուծոյ . որպէս ասաց մեծն
Կոստանդիանոս ընդ մեծափառն
Գրիգորիոս . Հայր սուրբ , ո՞րքան
ուրախութիւն է յերկինս վասն այս-
քանեաց ազգաց փրկութեան , և
ընդ գալուստ ձեր խոնարհութեամբ
առ մեզ : Եւ նա ասէ . Անպատմելի
և անճառելի ցնծութիւն : Եւ թա-
գաւորին պատասխանի տուեալ՝ ա-
սաց , թէ՛ նոքա յերկինս ուրախ են
ընդ մեր փրկութիւնս , ապա մեք
փրկեալքս մի՛ վերջասցուք ՚ի խըն-
դութենէ : Եւ հրաման հանեալ
ընդ ամենայն Իտալիա՝ առնել տօն

ցնծութեան և ուրախութեան մեծ ,
 զենչեօք անբան կենդանեաց , և բա-
 նական սլառարագօք , սաղմոսիւք և
 օրհնութեամբք և երգովք հոգեւո-
 րօք , զոր ոչ ոք կարէ իմանալ կամ
 պատմել : Ամսօրեայ մի ժամանակ
 գրգէին գգուէին զմիմեանս , զար-
 մանային ընդ անտեսութիւնն Աս-
 տուծոյ , զոր ինչ արար նոցա :

Աւսանէր ապա մեծն Առաքան
 դիանոս սճով զհաւատս և զխոստո-
 վանութիւնն ուղղափառ 'ի հօրէն
 մերմէ մեծաւ երկիւղիւ և պատկա-
 ռանօք , որպէս 'ի նոյն իմքն 'ի Հո-
 գւոյն սրբոյ : Պատարագէին , ուխտս
 կատարէին , հաղորդէին 'ի միմեանց ,
 գաշինս գնէին , կտակս գրէին , երգ-
 մունս անլուծանելի երգնուին 'ի
 վերայ միմեանց 'ի կեալ և 'ի մեռա-
 նել՝ ազգէ յազգ մինչեւ յաւի-
 տեան : Եւ այսպէս սիրական պար-
 գեւօք , և առաքելական նշխարօք
 սուրբ սակերաց դառնային գային
 մերքն յաշխարհ՝ լի հոգեւոր բեր-
 կրանօք , և առողջութեամբ մար-
 մնոյ , և պէսպէս հրաշագործու-

Թեամբ 'ի ծովու և 'ի ցամաքի' 'ի
 փառս և 'ի գովեստ մեծի և երկնա-
 ւոր զօրութեանցն :

Եւ յիւրականն հասեալ վիճակ ,
 սկիզբն առնէր սովորական վարդա-
 պետութեն' 'ի Սատաղացւոց քա-
 ղաքէն մինչեւ յաշխարհն խաղտեաց ,
 և ցկղարջս և ցՄաքբութս , և մինչ-
 չեւ 'ի գրունս Ալանաց , և ցսահ
 մանս Կասբից , և ցՓայտակարան
 քաղաք Հայոց . և յԱդամացւոց *
 քաղաքէն մինչեւ ցՄբին առ Նշի-
 րական աշխարհաւն , և 'ի Կորդուաց
 մինչեւ ցամուր աշխարհն Մա-
 րաց , և առ տամբն Մաքրտաց աշ-
 խարհին , և առ Ատրպատականաւ .
 և առաւել ևս քան զայս ընոյր աւե-
 տարանաւն Քրիստոսի ծայրէ 'ի
 ծայր զամենայնն առ հասարակ . զոր
 գնեաց չարչարանօք , առողջացու-
 ցեալ զնոսին աստուածաբան լե-
 զուաւն' բարիոքապէս զարդարէր :
 Քանզի ոչ եթէ առանց մեծի

* ՅԱդամացւոց . յԱդամացւոց . . .
 Նորշիրական :

Խորհրդոյ էին իրք վշտակիր նեղու-
 թեանց նորա, այլ զոր ինչ կրեաց
 հայրն մեր պարծանաց, ազգամայք
 և արդեամբք ընկալաք մէք 'ի պար-
 գեւացն Աստուծոյ: Բեռն աղին՝
 զոր եբարձ թիկունք նորա համբե-
 րող, եբարձ 'ի թիկանց մերոց զբե-
 ուինս մեղաց, և համեմեաց զանհա-
 մու թիւնս մեր աղիւն ճշմարտու-
 թեան. գլուխ 'ի վայր կախիչն նո-
 րա ուղղեաց զգնացս մեր 'ի բար-
 ձունս. ջուրն լուաց զաղտ հնու-
 թեան մերոյ. մոխիրն եբեր մեզ
 օծումն ուրախութեան. քացախն
 եբարձ զկիրս մերոյ տկարութեան.
 տասասկն զփուշ մերոյ խղճմտա-
 նացն. քերանքն զմարմինն ապակա-
 նագործ. կապարն զծանրութիւն
 պարտեացն. գանգանաւանդն զա-
 նասնական հնազանդութիւնն. թիւ-
 չորեքտասան չարչարանացն եխից
 զաղբէւրս օխտիցն, որ յայնմ հա-
 սակի սկսանին. և արարին զկեանս
 մեր ամենաճառագայթ՝ որպէս լու-
 սին զչորեքտասան գիշերն իւր: Ա ի-
 րապին իրք զվերաւորեալքս և զհո-

սեաւքս յերկնից 'ի խորս անդնդոց'
 'ի վեր ածեալ զմեզ 'ի յերկինս
 եհան . որպէս տէրն զհոգիսն 'ի
 դժոխոց : Թիւքն հնգեաասան օրհ-
 նեաց զարձակումն և զսկիզբն ծը-
 նրնդեանն մերոյ , զի անտի սկսա-
 նիմք : Եւ զի երեք հինգ՝ է հնգե-
 տասան , զզգայութիս մեր անխեթ-
 կելի և առանց Թունից Թշնամ-
 ւոյն պարսպեաց : Բազմաբան վար-
 դապետութեամբն ծնաւ ազգս բա-
 զումս աւագանսուն դրոշմեալ . մինչ
 զի եւթն աւուրս մկրտէր իւրովք
 ձեռօքն չորեքհարիւր բիւր անձինս :
 Եպիսկոպոսս կացուցանէր իւրով
 լուսաբաշխ աջոմն չորեք հարիւր
 օգիս , և քահանայս և սարկաւա-
 գունս և դպիրս , որոց ոչ գոյ թիւ :
 Աշնորայս շինէր , անապատս բնա-
 կեցուցանէր , աղքատանոցս և հիւ-
 րանոցս պատրաստէր , ըստ աշխար-
 հաց , գաւառաց , գիւղից և ագարա-
 կաց : Եկեղեցիս հաստատէր ասրա-
 րանօք պիտոյից՝ չորս հողս եկեղեց-
 ւոյ ագարակին , և եօթն մեծացն
 գիւղից և աւանից : Դպրոցս յօրի-

նէր, մանկուհիս հաւաքէր, վարդա-
պետս՝ յոյն և ասորի գրոյ և լեզուի
գիտակս կացուցանէր, ռոճիկս կար-
գէր յարքունուստ: Զուարճացոյց
զթագաւորն քրիստոսասէր յայտ-
սիկ. քանզի խայտայր, զուարճա-
նայր, ցնծայր առաջի զարդու եկե-
ղեցւոյ, որպէս Գաւիթ արքայ ա-
ռաջի տասրանակին Աստուծոյ:

Յետ այսորիկ առանձնանայր, 'ի
լուութեան կայր թաքստեամբ յա-
նապատս և 'ի զերծ աեղիս. զի յա-
մենայն աշախճանս աստուածային
շնորհացն փառաւորեցի: Առաջին՝
որդեգրութեանն շնորհի արժանի
եղեւ աւազանաւն. երկրորդ՝ էառ
զսրսակն մարտիրոսաց. երրորդ՝ ել 'ի
գահ քահանայութեան. չորրորդ՝
'ի քահանայապետութեան աթու-
նատաւ. հինգերորդ՝ էհաս մար-
գարէական սրատուոյ. վեցերորդ՝
բարձրացաւ յառաքելական պատիւ.
Եօթներորդ՝ վերացաւ ոսկիապատ
թեւօք, և յառանձնական վարս յոր-
դորեալ յԱնտոնէ և 'ի Արոնիդեայ,
զի այնպէս կացցէ, և անգիտելի

բնաւից վախճանեացի մովսիսաբար .
 զի մի սլաշտեացեն զոսկերս նորա
 դեռահաւատ նորածնունդ որդիք
 նորա հայաստանեայք : Չոր և ա-
 րարն իսկ . և բնակեցաւ 'ի լեառն
 Սեպուհ , որ և այժմ կոչի սուրբ
 Գրիգորի : Ուստի և ասեն կամեցաւ
 գնալ 'ի վերայ ծնկաց յԵրուսաղէմ .
 զի անդ կատարեսցի : Եւ այնպէս
 իջեալ 'ի լեռնէն , և անցեալ ընդ
 ձորակ մի , առաքէ տէրն նորա
 Քրիստոս երկու սերովբէս ընդ ա-
 ռաջ նորա , ասել ցնա , եթէ Պատ-
 կառեմ ես 'ի քո անտանելի ճգնու-
 թենէդ , և կաց 'ի վերայ ոտից քոց ,
 և ել 'ի լեառնդ ուստի իջերդ , և
 անդ վախճանեսցիս . և ոչ որ գի-
 տասցէ զմահ քո առժամայն . և ոչ
 առնուն զքեզ 'ի սլաշտոն բարւոք
 խրատեալ 'ի քէն ժողովուրդն քո :
 Չոր և արարն իսկ . և 'ի տեղւոջն
 խաչս կանգնեաց , և Սերովբէս ա-
 նուանեաց . և այժմ գեղակ է տե-
 ղին , ուր խաչքն կան հրաշագործք ,
 և անուն գեղջն կոչի Սերովբէք մին-
 չեւ ցայսօր . ստուգապէս գիտակ

են այսմ՝ աւանդութեանս՝ որ ասացաւ :

Եւ ապա լեառնն իմանալի՝ ի լեառն զգալի՝ ըստ հրամանին տեառն՝ իւրովք սրտգամաւոր սերովքէիւքն . և անդ իմաստասիրէր՝ որպէս Եղիա՝ ի Կարմեղոս . և կայր խաչեալ անդ զցայգ և զցերեկ : Իսկ յորժամ լցաւ ՚ի նա ամենայն խորհուրդք , և ամենայն տուրք բարիք և սարգեւք կատարեալք ՚ի վերուստ ՚ի նա իջեալ , և եհաս ժամանակ ելից նորս ՚ի խաչաջարջար և ՚ի բազմատանջ մարմնոյն , և երթեալ առ տէրն իւր յանասելի փառսն՝ զոր ամբարեալէր , ՚ի ընուլ թուոյ երեսուն ամաց քահանայապետութենորս , զբարւոք սատերազմն սատերազմեալ , զհաւատսն սահեալ , զընթացսն կատարեալ , և յանթառամ սրակն հասեալ :

Հանէր ապա հրամանն տեառն զնա ՚ի կատար լերինն Սեպուհ , և ցուցանէր նմա զերկիրն աւետեաց զլերինն Երուսաղէմ , զանգրանկացն եկեղեցի , որք սպասէին նմա .

զոր օրինակ մեծն Մովսէս զՊա-
 ղեստին տեսանէր 'ի Նաբաւ լեառ-
 նէ, և վախճանէր. այսպէս մերն
 Մովսէս յետ վերնային փառաց
 տեսլեանն՝ տեսանէր և զսահմանս
 վիճակին իւրոյ, զորս խաչակնքեալ
 օրհնէր, և յանձն առնէր Աստու-
 ծոյ հայրենի աղօթիւք, և յորդ-
 առատ արտասուօք: Եւ ապա ա-
 լանդէր 'ի ձեռս Աստուծոյ զան-
 արատ հոգին՝ միայն ընդ միոյն Աս-
 տուծոյ գոլով. և նշխարօք մարմնոյն
 կարօտ և ծարաւի թողեալ զբիւրա-
 ւոր բանակս ուստերաց և դատերաց
 իւրոց, և խանդակաթ և կաթոգին
 զմանկունս առագաստի, և զտղայս
 հոգեւոր երկանց իւրոց. ուրք ոչ
 լուան զյետին խօսս խրատու նորա
 'ի մխիթարութիւն ինքեանց, և ոչ
 զարդարեցին զգի նորա, և ոչ լա-
 ցին զնա աւուրս երեսուն, որպէս
 տունն Իսրայելի զՄովսէս և զԱհա-
 րոն: Այլ փոխանակ նոցա սիւն հրե-
 ղէն, և բանակք հրեշտակաց շուրջ
 զաստուածընկալ մարմնով նորա. և
 անպատմելի ուրախութիւն 'ի մէջ

գասուց երկնաւորացն շուրջ զմա-
 քուր և զքրիստոսագեղ հոգւով նո-
 րա : Իսկ զհովանաւորեալ երկնաւոր
 փառօք զմարմին հովուին մեր զքա-
 ջի՝ հովուաց բարեբախտաց գտեալ
 թաղեցին անգիտաբար , տեսեալ
 զնա , զի կայր կանգուն՝ յեցեալ ՚ի
 գաւազանն , տարածեալ ձեռօք .
 սակայն իմացան ՚ի փառաց լուսոյն ,
 թէ մեծ ծառայ Աստուծոյ է : Չոր
 եգիտ ապա ճգնաւորն սուրբ Գառ-
 նիկ , և տարաւ ՚ի Թորգան : Եւ ան-
 տի տարաւ Չենոն կայսր ՚ի Կոս-
 տանդինուպօլիս : Եւ յետոյ բերաւ
 շնորհօքն Քրիստոսի ՚ի հայս ՚ի
 ձեռն Գրիգորի սատուրկի . որոյ կէսն
 եղաւ ՚ի ներքոյ չորից սեանցն սուրբ
 Գրիգորի աւաստարին . և այլն յե-
 կեղեցիս և ՚ի բազում տեղիս գան-
 ձեցաւ : Եւ աջն լուսնկալ և շնոր-
 հաբաշխ հանդերձ այլ նշխարօք , և
 նորին սատարագամատոյց սեղա-
 նովն , և գաւազանն կայ յաթոս-
 սրբութեան իւրոյ յաստուածա-
 հաստան գղեակ հոռովկայն կո-
 չեցեալ :

Ծնանի զաւակս , և աղբերացու-
 ցանէ զշնորհս հոգւոյն ընդ ամենայն
 հայաստանեայսս : Քանզի սին
 հրեղէն խարսխաւոր՝ թակաղաղ ու-
 նելով ահաւոր՝ որ էր իբրեւ զԷառն
 մի , լուսեղէն խաչին թագազար-
 գեալ , զոր մեկնեաց հրեշտակն՝ ՚ի
 տեսչեանն , եթէ սլատիւ քահա-
 նայու թէն է այս , որ յոյժ բարձր
 և ահաւոր է խորհրդով , այն՝ ոչ եր-
 բէք է մեկնեալ ՚ի բարձր և յիծա-
 կառոյց աթուոյ նորա : Եւ վասն
 այնորիկ հաստատեալ կայր անշար-
 ժեւ խարսխին ոսկիաձոյլ . յաղագս
 որոյ անդ է Գրիգոր ՚ի յաթու իւ-
 րականն փառօք , և տարածեալ է
 անուն նր ը ամ տիեզերս տէրու-
 թէն Այ . քանզի յամենայն եր-
 կիր եւ բարբառ նորա , և մինչեւ
 ՚ի տիեզերս հասին խօսք նորա , և
 նշխարք սուրբ ոսկերաց նորա . և
 լամամբ շնորհի իւրոյ տարածեալ է
 Գրիգորիոս ընդ ամենայն իւրաչէն
 եկեղեցիս . և գրգի գգուանօք ա-
 նուն նորա ՚ի շրթունս ուղղափառ
 զաւակաց իւրոյ և այլոց ազգաց ,

լուսաւորիչ Հայոց կոչեցեալ Գրիգորիոս :

Գրիգորիոս լուսաւորիչ Հայոց . վասն զի այլոյ ուրուք ազգի առաջնորդի ոչ կայ անունն լուսաւորչի . թէպէտ էին ամենեքեան լուսընկալք և լուսատուք ազգացն , զորս հանին ՚ի խաւարէ կռապաշտութե . այլ զի մերն Լուսաւորիչ՝ պարզաբան , յստակասօս , օգտեցուցիչ էր , և մեկնող իճային և երկնաւոր խորհրդոյն , և լոյս ծագէր ՚ի բանից նորա և տայր շնորհս լսողացն , Լուսաւորիչ կոչեցաւ . ուն սրբաբանն և պայծառասօսն Յովհանն՝ Ոսկիբերան ասացաւ : Ասեն դարձեալ , թէ երկու ինքնակալքն Կոստանդիանոս և Տրդատէս , և պապքն * երկոքին Գրիգորիոս և Սեղբեսարոս եկին ՚ի Հռոմայ յԵրուսաղէմ . և վիճակաւ բաժանեցին զտնօրինական տեղիսն . և Հայոց անկաւ սնարքն և Գողգոթայն , և սուրբ Կարապետն , և սուրբ Յակոբն : Եւ սուրբն Գրիգոր կան-

* Իմա որպէս նախահարք երկոցունց ազգացն , և մի ըստ այլ համեմատութեան :

Թեղ կախեաց 'ի սնարան . և խըն-
դրեաց զիջումն լուսոյն յԱստուծոյ
'ի նշան յարութէ իւրոյ ամի ամի 'ի
փառս անուան իւրոյ , և 'ի յիշատակ
չնորհաց հօրն մերոյ սրբոյ , և յա-
ղագս այնորիկ կոչեցաւ Նուսաւորիչ :

Էաք և մէք քան զաղգս բազումս
խաւարատանջ , մառախղամած ,
յուսակորոյսք , և 'ի ձեռն նորա լու-
սաւոր վարդապետութեանն՝ քան
զյոլովս մեծագոյն շնորհի արժա-
նացաք՝ իմաստութեամբ և ուղղա-
փառ հաւատով , աննենդ , անբիծ
և անարատ խոստովանութեամբ . զի
Ուր առաւել եղեն մեղքն , առաւել
եւս յաւելան շնորհքն . յաղագս
որոյ մէք լուսաւորեալք , և նա միշտ
լուսաւորիչ՝ անուանեցաք և անուա-
նիմք : Յայանապէս որպէս արե-
գակն 'ի մէջ երկնից՝ լոյսն անշիջա-
նելի հանապազ վառեալ 'ի նշխարս
ոսկերաց իւրոյ , և կայ միշտ յա-
թոռ փառաց իւրոյ . ուստի բաշխի
և բաժանի յաճախաբար սլարգեւօք
'ի յուղղագաւան ժողովուրդս , և 'ի
վիճակն սահմանաց իւրոյ էացեալ
և արմատացեալ մինչեւ յաւիտեան :

Գրիգորիոս արթուն կոչեցեալ
 թարգմանութեամբ՝ յարակիր և
 ներգործական անուամբ . որ ոչ եր-
 բէք ետուր քուն աչաց , և ոչ ծան-
 րութիւն արտեւանաց , և ոչ հան-
 գիստ գժուարաբեռն մարմնոյդ .
 մինչեւ գտեր զտեղի յարկի տեառն
 Աստուծոյ Յակովբայ և տանս թոր-
 գոմայ : Գրիգորիոս որդի մխիթա-
 րութեան ըստ այլում կոչման , ոչ
 մօր քո Ոգոհեայ , այլ բոլոր Հայաս-
 տանեայցս եկեղեցւոյ . ոչ որդի
 վշտաց , որպէս Բենիամին մօր իւրոյ
 Հռաքելի , և առիթ մահու . և կամ
 Վայքաբովթն այն 'ի յառման տա-
 պանակին , այլ առիթ բերկրանաց ,
 և պատճառ կենդանութեան՝ սկըն-
 դուկ և ամուլ աշխարհիս արեւելից
 հիւսիւսոյ , ըստ Սահակայ և Իս-
 րայելի ազատածին և պարգեւական
 զաւակացն Սառայի և Բեբեկայ .
 յորմէ օրհնեցան ոչ սակաւ ազգք և
 աղինք , և զանմահական առին վե-
 ճակ : Գրիգորիոս հիմն հաւատոյ ,
 սիւն եկեղեցւոյ , յարգարիչ աս-
 տուածատուր կրօնից , յարացոյց

ցեալ
 ր և
 չեր-
 ծան-
 հան-
 ոյդ .
 եառն
 թոր
 իթա-
 , ոչ
 սյա-
 որդի
 իւրոյ
 կամ
 տա-
 նաց,
 սկըն-
 ւելից
 Իս-
 սկան
 կայ .
 զք և
 ի վի-
 ստոյ ,
 աւ-
 սցոյց

անարատ քաղաքավարութեան ըստ
 Քրիստոսի : Գրիգորիոս հաստա-
 տութիւն երկրի , նաւաստի ծովու ,
 բարձրութիւն երկնից , արեգակն 'ի
 մէջ աղօտերեւակ լուսաւորաց :
 Գրիգորիոս համասնունդ հրեշտա-
 կաց , համասրատիւ վեհիցն երջան-
 կաց , անուանակիր պետութեանց ,
 իշխանակից իշխանութեանց , զօրա-
 կից զօրութեանց : Գրիգորիոս դա-
 սակից սերովբէից , հաղորդակից
 քերովբէից , հանգիստ և աթոռ
 սրբոյ Երրորդութեանն . զորոյ ըզ-
 դութն ողորմութեամբ և մխիթա-
 րութեամբ դարձուցէս 'ի ժողո-
 վուրդս քո , և 'ի վիճակ ժառան-
 գութեան քո յազգս Հայաստա-
 նեայց , որք աննենդ և անխարդախ
 պահեն զառ 'ի քէն եդեալ հա-
 լատս չարչարանօք և ճգնութեամբ
 'ի պարծանս քեզ յաւուրն Քրիս-
 տոսի :

Թէպէտ 'ի բարեաց գործոց աղ-
 քատ գտանիմք , և յոյժ ամաչե-
 ցեալ , զոր քաւեցեա մաքուր քա-
 հանայապետդ մեր և աստուածայ-

ին ծնողդ . և հայցեսցես ընուզ զա-
 ւետեաց խոստումն , վերանալ ելա-
 նել յառաջին փառսն և 'ի սրայծա-
 ուութիւն՝ թագաւորութեամբ և
 քահանայապետութեամբ , և գոր-
 ծովք արդարութեամբ 'ի հաճոյսն
 Աստուծոյ . և զսակաւ ծաղկկա զայս
 հաւաքեալ 'ի խօսուն մարգարտաց ,
 ընկալ 'ի հիւսս սլասկի ամենարժեայ
 գլխոյդ , և տուր տեղի 'ի խորա-
 նի քոյ աշտիճանաժառանգ որդւոյ
 քո խնդրողի բանիս , եւս և յուսով
 աշխատողիս 'ի սմա , որ ամենեւին
 եմ անարժան որդիութեան քո և
 աշակերտութեան : Բայց միայն 'ի
 ձեռն քոյդ մաղթանաց սպասեմ ո-
 ղորմութեանն Աստուծոյ հասանել
 խորհրդով տնօրէնութեանն Քրիս-
 տոսի , և 'ի հեղումն արեան նորա .
 որ է օրհնեալ և գոհաբանեալ 'ի
 փառս հօր , և 'ի սլասիւ ամենա-
 սուրբ հօգւոյն , 'ի հրեղինաց և 'ի
 հողեղինաց , 'ի սուրբս իւր և յամե-
 նայն արարածս , այժմ՝ և միշտ և
 յաւիտեանս յաւիտենից . ամէն :

Յ Ո Վ Հ Ա Ն Ն Է Ս

Վ Ա Ր Դ Մ Պ Ե Տ Ի Ե Ր Զ Ն Կ Ա Յ Ի Ո Յ

ԱՍԱՑՈՒՄԸ

ՆԵՐԲՈՂԱԿԱՆ ԳՈՎԵՍՏԻ

Ի ՍՈՒՐԲ ԼՈՒՍԱՒՈՐԻՉԻ ՀԱՅՈՑ

ԳՐԻԳՈՐԻՈՍ .

ԱՍԱՑԵԱԼ ՅՕՐ ՅԻՇԱՏԱԿԻ ՆՈՐԱ

ՋՈՐ ՅՕՆԵՆ ՄԵԾԱԺՈՂՈՎ ՀԱՆԴԻՍԻԻ

Ի ԼԵԱՌՆ ՍԵՊՈՒՀ

ՈՐ Է ՏԵՂԻ ՃԳՆՈՒԹԵԱՆ ՆՈՐԻՆ ԵՒ

ՀԱՆԳՍՏԱՐԱՆԻ

ՅՈՔՆԱՀԱՒԱՔ ՀԱՆԴԻՍ ՔԱՀԱՆԱՅԱ

ԿԱՆ ԴԱՍՈՒՑ ԵՒ ՎԱՐԴԱՊԵՏԱՑ

ՈՄԱՆՑ

ԵՒ ԺՈՂՈՎՔ ՀԱՒԱՏԱՑԵԼՈՑ ԲԱՉՄԱՑ

ԱՆԴՐ ԳՈՒՄԱՐԵԼՈՑ .



Յարազուարձ խնդութեամբ բեր-
կրեալ ցնծա՛ եկեղեցի սուրբ, նո-
րահրաշ և պայծառ երկին, աս-
տուածակազմ լուսաւորօք զարդա-
րեալ. քանզի 'ի քեզ ծագեալ իմա-
նալի արեգակն, զուարթարար լու-
սինն գիշերայնոյ մխիթարիչ, զօ-
րէնան ստուերական լմամբ լիացոյց,
և զգումարս խմբից հրաբորբօք և
հոգիահրաշ աստեղաց 'ի քոյդ բար-
ձրայարկ և գմբեթաձեւ խորանի
առկայացոյց կենդանաշարժ ընթա-
ցիւք: Որ են նահապետացն անձինք,
մարգարէիցն հանդէսք, առաքելոցն
դասք, մարտիրոսացն ժողովք, հայ-
րապետացն հոյլք, ճգնաւորացն
խումբք, և ամենայն աստուածա-
զարդիցն լուսափայլութիւնք: Յո-
րում 'ի քոյդ գերակայ կայանս 'ի
վեր նկատեալ բարձրահայեաց բա-
նականացս, տեսանեմք 'ի մէջ բազ-

Ի

Ի

Յ

մահոյլ հրեղինահերպն գասուց
յոքնազան լուսով առլցեալ, զհան-
դիսահրաշ և զմեծ նահատակն արե-
ւելեան, զլուսերանգ և զզուարթ-
արար աստղն աշխարհալոյս զԳրի-
գորիոս գերազանց փառօք փայլեալ
յաւէտ քան զբնաւս. զորոյ քաղ-
ցրահայեաց լուսով շուրջ փարիմք
յօր յիշատակի սրբոյն:

Ուրախ լեր գրախտ աստուածա-
տունկ, բազմախիտ անկովք տեն-
չացեալ, և մշտափթիթ ծաղկօք
ուռճացեալ. երկիր լուսոյ և վայր
փափկութեան, եդեմական աղբերն
բղխիչ լայնածաւալ ընթացիւք.
քանզի 'ի քեզ ծառն կենաց տըն-
կեալ՝ բարձող անմահական պտղոյն,
և որթն ճշմարիտ աճեցեալ քաջա-
բեր ուռոցն բազմութեամբ՝ յինքն
ցուցեալ զգեղեցկատես և զվայե-
լուչ ողկոյզսն, ուրախարար բաժա-
կին բաշխիչ: Յորում և 'ի քոյդ
բարեւի բուրաստանի հայեցեալ տե-
սանեմք զերեւելի և զհամապայծառ
ծաղիկն զքաջազուարճ և զսաղար-
թալի տունկն պտղաւէտ. յաղբերէն

կենաց զյորդառատ վտակն , զճրշ-
մարիա որթոյն քաղցրաճաշակ ող-
կոյզն , զԳրիգորիոս լուսաւորիչն
Հայոց , զհեղինակն հոգւոց . որոյ
յիշատակաւն զուարճացեալ բեր-
կրիմք յուրախութիւն հոգեւոր :

Համագումար բազմութեամբ հա-
նուր հաւատոյ մանկունք , ազատա-
ծին ծնունդք ազատ մօրն վերնոյն
Սիոնի , սիրասնունդ զաւակք մա-
քուր ծննդեամբ յարգանդ հո-
գեւոր , ազն ազնուական ընտրեալ
յառաջահրաւէր կոչմամբ , գերա-
գոյն անուան ժառանգորդ . օրհ-
նութիւն նոր նուագեցէք նորոգո-
ւին զձեզ , և նորահրաշ բարեաց
պարգեւողին . զի այսօր մայր ձեր
եկեղեցի իմաստութեամբն հօր շի-
նեալ , և հանճարով հոգւոյն կանգ-
նեալ զխորհրդաբար լցեալ շտե-
մարանս իւր բանայ , և զմթերս հո-
գեւոր գանձուց իւրոց ցուցանէ բա-
րեսէր որդւոցդ . զի տեսանելով
դքեղեցկութիւն գանձուցն անկո-
ղոսպանի , անդ և սիրտք ձեր եղիցին
անբաժանելի : Յորում տեսանեմք

զհրագո՞ւնակ և զմաքուր ոսկին ըզ-
 հաւատն ուղղափառութե՛ն , զընտ-
 րեալ և փորձեալ արծաթն զպայ-
 ծառ բանս տէրունական . զերեւելի
 և զպայծառ ակունան , զսրբափայլ
 և զառաքինազարդ անձինս սրբ-
 բոցն , զծովածին մարդարիան և զա-
 մենայն յօրինուածս գեղեցկութե՛ն
 իւրոյ : Յորում տեսանեմք և յայսմ
 ամենունակ գանձարանի զոսկիա-
 փայլ անձն զհաւատով պայծառա-
 ռացեալն , զսուրբ և զզուտ ար-
 ծաթն , զյստակ բանին ճշմարիտ
 քարոզն , զբազմագունի ակն , զգե-
 ռազանց առաքինութեամբ շքեղա-
 ցեալն , զԳրիգորիոս հայրն հաւա-
 տոյ , և զվայելուչ պսակն հայաս-
 տանեայց սուրբ եկեղեցւոյ . որոյ
 տօնախմբութեամբ զարդարին ան-
 ձինք հոգեւոր որդւոց , և զբազմա-
 դիմի պէտս իւրեանց լցուցանեն
 հայրենի գանձիւքն :

Աստանօր բացէք զգանձարանս
 մտաց ձերոց յընդունակութիւն առ-
 տուածային գանձուցն . մաքրեցէք
 զտախտակս սրտից կենդանագրեւ ՚ի

ձեզ զտիպ պատուելի սրատկերին ,
 նկարել յոգիս ձեր զգեղեցկապէս
 հասակն գովելի , զհաւատոյ հեղի-
 նակն , զյուսոյ յարաժամ և ան-
 շարժապէս դիտողն . զսիրոյ սրբա-
 պէս և զհաւատարիմ պաշտօնեայն .
 զկատարեալ բարեացն գործօ-
 նեայն . զճշմարիտ աստուածպաշ-
 տութեան յարացոյցն , զբարիօք
 հնազանդութեան օրինակն . զժրա-
 պէս ժուժկալութեան ժողովեալն .
 զողջախոհութեան և զպարկեշտու-
 թեան ասպացոյցն . զհրաշագործ և
 զզարմանալի սքանչելեաց ներգոր-
 ծողն . զարիաբար և զանվանելի զօ-
 րավարն . զքաջազօր և զյառաջա-
 դէմ զինուորն . զԳրիգորիոս զամե-
 նայն առաքինութեաց պարուհակն .
 զսրբութեամբ անեալն , զառաքի-
 նութեամբ քաղաքավարեալն , զար-
 դարութեամբ փայլեալն . որոյ այ-
 սօր յիշատակաւն զուարճանամբ և
 յասպարէզ նահատակութեանցն
 ճեպիմբ , և հայրենի բարեաւն բար-
 գաւաճիմբ , և քաղցր և ախորժելի
 անուամբն զընթացս բանիս ուղ-
 դեմբ ասելով .

Նահատակ բարի Գրիգորիոս ,
 քանզի փութամբ ելանել 'ի հանդէս
 քոյոյ մեծասքանչ ճգնութեանդ ,
 ճեմեալ 'ի բուրաստանս բանաւոր
 և խօսուն քո ծաղկանց , գունա-
 գեղ և գովելի վարուցդ , մտանել
 յայդի բազմածաւալ և նորա-
 զուարճ ողկուղիցդ , գիմել 'ի դը-
 րախոսս սլայծառազարդ և սլարար-
 տաբեր ստղոցդ . զոր արդեօք ժո-
 ղովեցից անծորելի ծաղիկս 'ի ծոցս
 բանիս թաքուցանելով . կամ զոր
 ողկոյզ ուրախարար կ'թեցից 'ի զմայ-
 լեցուցանել զայսքան բազմութեա
 անձինս . որով ստղով պարծի բա-
 նիս շարժումն , կամ յորս սլու-
 ցեաղ նայի անձեռնարկելի բարձ-
 րութեամբ : Չորս պատմեցից որ 'ի
 քեզ գեղեցիկ գովասանութեանցն
 արժանի . զյղութեանն ամենա-
 սքանչ իրագործութիւնն , եթէ ըզ-
 ծննդեանն պարգեւական շնորհս .
 զաննդեանն մաքուր սրբութիւնն ,
 եթէ զուամանցն շնորհալի մտավար-
 ժութիւնն . զերկնանման առաքի-
 նութեանցն ընթացս , եթէ զխա-

չեցելոյն յաղագս մեր զհետեւումն .
 զանտանելի չարչարանացն զհան-
 դէս , եթէ զխորութեան վերապին
 խորհրդական ժուժկալութիւնն .
 զաստուածային տեսչութեամբ վե-
 րաբերումն , եթէ զսոսկալի տես-
 լեանն զարմացուցիչ հանգամանն :

Իական բարւոյն վերագիտող
 Գրիգորիոս , բազմագունի բարեացն
 որ 'ի քէն մեզ ընձեռեցաւ , զորպի-
 սի ընծայս՝ որում մեծամեծ և ան-
 զուգական իրի նուիրեսցուք . բազ-
 մաբան վարդապետութեամբ լու-
 սաւորեալքս , քահանայապետա-
 կան հայցուածոց նուիրեալքս , ա-
 ըրիական հսկողութիւն հովուեալքս ,
 ճգնաւորական աղօթիւք պարըս-
 պեալքս , հանգստեան քո տեղւոյ
 և գերեզմանիդ գովելոյ մխիթա-
 րեալքս : Եւ այժմ՝ ծանրաբեռն
 անձամբ առ հայրդ հանգստարար
 հաւաքեալ , յորս և ես անչափելի
 պարգեւացն որ 'ի քէն սրարտա-
 կանս , և անհամեմատ բարեացն
 բաշխման բաժանորդս՝ գուղնա-
 քեայ բանիւ ձեռնարկեմ , փոխա-

ըինել զքաղցր պարտուցն համարս՝
որ եղեր յոչէից լինելու թեանն ըստ
յուսոյ ծնողացն միջնորդ , և սըտ-
ղոյս անախտականի բարիոք գոլոյն
պատճառ . բանական մասինն շարժ-
ման առիթ , և ՚ի նոյնն յարամնա-
լոյ յորդորիչ , և այժմ՝ ընկալ զբա-
նիս պարտս ձեռնտուութեամբ որ
՚ի քէն :

Սրբագունի անձինդ պատուեալ
պատկերի լինել նկարիչ , վեհագու-
նիդ բնաւից բարուց ընտրութեան
բանիւ քանդակիչ . գերագոյն գե-
ղոյդ գերազանց փառաց՝ գրով
գրոշմիչ . երջանիկ գործոյ երկնա-
ճեմ՝ ոգւով եղեալ յօրինիչ . քա-
ւիչ քարողիդ քաղցրուսոյց բանիւ
քոյին հոգեւոր որդւոցս պատմիչ .
բայց որովք երանգօք ՚ի դէմս բերից
զփառազարդ քո տիպ տիրական .
որ բան բաւէ զընտիր բարուց քոց
յօրինուածս բարի ՚ի կիր արկանել .
զվեհագոյն վարս , զզարմանալի
գործս , զսոսկալի և զսրովբէանման
մաքրութիւնս . յորմէ յաղթի տը-
կար բանիս զօրութիւն , և փափաքէ

արս՝
 ըստ
 պրտ-
 ուղոյն
 սրժ-
 մնա-
 շքա-
 դ որ
 եալ
 գու-
 եան
 գե-
 րով
 կնա-
 քա-
 սնիւ
 միջ .
 երից
 ան .
 քոց
 նել .
 նալի
 ման
 տը
 աքէ

նուստ ոգւոյս ցանկուծիւն . յաղ-
 թիլն յանյուսուծիւն արկանէ , և
 փափաքն համարձակագոյնս գոր-
 ծէ . անյուսուծիւնն անկարելիս
 ցուցանէ՝ զյօգուածս անդամոց բա-
 րեացն մասանց 'ի կիր արկանել . և
 համարձակուծիւնն իմաստից կարօ-
 տի կատարեալ վարժից հիւսուածոց
 բանից . և ցանկամ լինել ինձ միտս
 մաքուրս և բանս արագաշարժս և
 բազմաբուխս՝ ըստ ծիծռանցն ճար-
 տարուծեանց . ձեռն անաշխատ 'ի
 գործ , և զբազմուծեան ջուրց նիւթ
 առ 'ի գրել զչնորհաշուք պատկեր
 զարմանահրաշ գործոյ սուրբ Լու-
 սաւորչին մերոյ 'ի յոգիս և 'ի միտս
 բազմուծեան հաւատացելոցս : Եւ
 արդ զի կատարեալ ցանկայ սիրտ իմ
 մեծափափաք բաղձանօք՝ նկարել
 զարիւիագեղ պատկեր աստուա-
 զարդ հօրն մերոյ սրբոյ Լուսաւոր-
 չին Գրիգորի 'ի կենդանի տախտակս
 սրտից որդիացեալ ժողովրդեան նո-
 ըրա . ո՛չ 'ի գոյնս փայլունս նիւթա-
 կանս , այլ զանմարմին նահատակու-
 թեանցն զհանդէս , և զսոսկալի չար-

չարանան, որով գեղեցկացաւ թա-
գաւորական պատկեր մաքրափայլ
ողւոյ նորա . հայր երկնաւոր, ներ-
կեա ղերանգս խմաստից բանեղէն
գեղոց յառատաբուխ շնորհացդ աղ-
բերէ, կազմել գեղեցկայարմար յօ-
րինուածօք զայս պատկեր ցանկալի՝
ախորժական գեղոյ սքանչելի : Եւ
ղի յօժարիմ սիրով յօրինել պսակ
պանծալի մօրս մեր սուրբ եկեղե-
ցւոյ՝ ոչ ՚ի նիւթական ականց և ՚ի
ծովածին մարգարտաց, այլ յամե-
նապայծառ առաքինութեց և յան-
մարմնական վարուց նահատակին
Քրիստոսի սրբոյն Գրիգորի : Գլուխ
եկեղեցւոյ որդի և բան Աստուծոյ
Յիսուս, սուր ինձ հմտութիւն ա-
րուեստի և մտաց տեսողական դի-
տաւորութիւն, յաջողակի ձեռին
չարժութեամբ շարայարել զհիւ-
սուածս վարուց լուսափայլ ականց
խօսուն մարգարտաց ՚ի զարդ գլխոյ
սուրբ եկեղեցւոյ :

Եւ զի հանդերձեալ եմք շինել
տաճար տենչալի ոչ ՚ի փայտից յըղ-
կելոց և ՚ի քարանց քանդելոց, այլ

'ի կենդանի տնկոց աճեցելոց 'ի
 ջուր սուրբ աւազանին , և սնելոց
 ուղղափառ դաւանութեամբ հո-
 գեշնորհ և աստուածագութ հօրն
 մերոյ սրբոյն Գրիգորի . և 'ի բանա-
 կան քարանց որք իբրեւ զվէմս կեն-
 դանիս շինեալ էք տաճար հոգեւոր
 'ի գլուխ անկեանն հաստատեալք .
 և այժմ շինիք մաքրութեամբ յըն-
 դունակութիւն քահանայապետին
 մերոյ մանաւանդ հոգւոյն սրբոյ՝ ո-
 ռում նա եղեւ տաճար ցանկալի .
 ամենիմաստ ճարտարապետ հանձա-
 րոյ հոգիդ սուրբ Աստուծոյ , տուր
 շնորհ այսմ շինուածոյ նորանունդ
 որդւոց Սիովնի , զորս ծնար սուրբ
 աւազանաւն և միշտ նորոգես 'ի
 հնութեց մեղաց , անխախտաւ մնալ
 ամրութեամբ , և յընդունելութիւն
 քեզ տաճարանալ և յուրախական
 տօնի 'ի քէն զարդարեալ հօրս
 զուարճանալ :

Եւ արդ զի մեծագոյն է առա-
 ջնկայ այս իրողութիւն , պարտ
 է մեզ նկատել հոգւոյ աջօք 'ի յոյսն
 վերին սիրով Քրիստոսի սուրբ նա-

հատակին , և զմարմնոյ աչս մաքրել
 յստակ հայեցուածովք և յարտա-
 սուս ցնդել . շարժուժն ձեռաց յա-
 ղօթս և ականջաց յունկնդրութի ,
 և խնդրել խմաստութիւն հանճա-
 րոյ 'ի հողւոյն սրբոյ , կարող լինել
 սպասաւորել ահիւ և դողութեամբ
 յաւուր յիշատակի խոստովանողին
 Քրիստոսի սրբոյն Քրիգորի , և գրել
 'ի սիրտս մեծահանգէս այսմ ժողո-
 վոյս զյիշատակ անմարմնական վա-
 րուց նորա : Եւ գուք պատրաստե-
 ցէք զձեզ 'ի ժամուս յայսմիկ հա-
 ղորդ լինել մաքրութեամբ երկնայ-
 ին վարուցն 'ի շնորհաբաշխ աւուր
 տօնիս : Եւ արդ չորքս այս եղիցին
 մեզ գլուխ բանի արժանի զարմաց-
 ման և յիշատակի . ժամանակս այս
 և օրս բերկրալի տօնի , և տեղիս
 հանգստեան սրբոյն Քրիգորի , և
 գէմքն ամենագով և ներբողելի , և
 իրքն որ 'ի տեղւոջ և 'ի ժամանակի
 գործի :

Ե . Ժամանակս յորում հաւա-
 քեալ եմք որդիք Սիովնի 'ի գրունա

մօր մերոյ եկեղեցւոյ , և ծնունդքս
բանի քարոզութեան սրբոյն Գրի-
գորի առ հայրս մեր հոգեւոր , որ
և հոգեւորս այս գարուն ընդ գար-
նանային զուարճութեանցն համե-
մաաի . յորում երկնայինս այս խո-
րան պայծառանայ և իմանալի արե-
գակն զքաղցր լուսոյն ծագէ 'ի սմա
ճառագայթս . օրէնքն լուսատու
համագաղափար լուսնին քարոզու-
թեամբ փայլէ . և պարք աստեղա-
ցեալ սրբոցն 'ի նորումս երկնի մաք-
րապէս ծագեն . աղբիւրք վարդա-
պետութեան յատակագոյնս բղխեն .
և գետօրէն մեկնութեամբ յամենե-
ցունց լսելիս հոսին :

Բ . Եւ տեղիք ժողովոյս՝ աս-
տուածաբնակ լեառն հանգստեան
Լուսաւորչին մերոյ սրբոյ , որ և
լուսափայլ ճառագայթիւք աղօթից
նորա պայծառանայ , և 'ի հոգւոյ
չնորհաց նորա հովանանայ : Եւ
այժմ՝ զօրութեամբ սիրոյ նորա բա-
նական ծաղիօք լեառնս զարդա-
րեալ գեղեցկանայ . զտերեւ յու-

սոյն արձակեալ և զզանազան ծաղիկս առաքինութեանն տարածեալ, և զկատարեալ բարեացն ստուղ Աստուծոյ նուիրեալ. և զայսոսիկ միջնորդութեամբ սուրբ Լուսաւորչին մերոյ՝ հայցել բազմութեամբն՝ ի միասին եղեալ՝ ըստ ծաղկի ումեմն բնութեան՝ դէմք՝ ի դիմաց սայծառացեալ, և ամենեցուն յարեգակն կոյս ուղղել:

Գ. Իսկ դէմք ամենագով և ներբողելի, երեւելի և սայծառացեալ արեգակն հայոց Գրիգորիոս, որ զխաւար կռապաշտութեանն փարատեաց, և զսառուցեալքս մեղօք ջերմն ճառագայթիւք աղօթիցն ստղաբերս գործեաց. ճշմարիտ որթոյն բարեբեր բարունակն, որ ուրախարար բաժակաւն զուարճացոյց զմեզ: Գեղեցիկ և զուարթարար գարունն հոգւոց, որ յորդահոս վարդապետութեամբն հնչեաց ՚ի մեզ զշնորհս հոգւոյն. հովանաւոր դրախտն ՚ի տօթոյ և ՚ի կիզող ժամանակի. երեւելի աստղն որ մո-

Ծա-
 ալ,
 ուղ
 սիկ
 ւոր-
 նն 'ի
 Ռեմն
 Ծա-
 ակն

 ւեր-
 եալ
 որ
 փա-
 եղօք
 իցն
 ըխտ
 որ
 ճա-
 Ժա-
 դա-
 եաց
 նա-
 զող
 մո-

լորեւոցս 'ի ծովու կենցաղոյս՝ ա-
 լաջնորդեաց լուսափայլ երեւ-
 ճամբն . ընտիրն կերպիւ , լուսաւո-
 ըեալ դիմօք ըստ նմանութեան փա-
 ռացն Մովսէսի . գովելի հասակն ,
 որ իննթզեան բարձրութեամբ ինն
 դասուց վերնոցն ցանկալի եղեւ .
 լուսերանգ շաւիղն՝ որով ճշմարիտ
 լուսոյն ճանապարհ ծանուցեալ ե-
 ղեւ . շող կենդանի մեզ 'ի բարձանց
 իջեալ . քաղցր և բժշկարար դեղն
 որ զցաւս և զխայթուածս թուռնից
 վիշապին բժշկեաց . սոսկալի տե-
 սիլն և ցանկալի , որ և սրովբէական
 փառացն տեսող եղեւ . կարմրորակ
 և անուշահոտ վարդն որ 'ի փշաբեր
 արմատոյ ծաղկեալ եղեւ . և անու-
 շահոտ բուրմամբն ելից զհայաստա-
 նեայց աշխարհս . տենչալի տունին
 դրախտի եկեղեցւոյ , որ քաղցր և
 ախորժ պտղովն իւրով զուարճա-
 ցոյց զմեզ . ցօղն զուարթարար որ
 շնորհօք հոգւոյն ցօղեալ՝ զխամ-
 ըեալս և զթառամեալս 'ի բուսոյ
 բարեաց զուարթացոյց . այսօքիկ
 դէմք են յաղագս որոյ անկարանայ
 բան յարժանաւորն խօսելոյ :

Գ. Իսկ իբրք որ 'ի ժամուս յայս
միկ գործի, զի հովիւքս բանաւոր
հօտին Քրիստոսի ընդ հանգստա-
ւէտ հովանեաւ մօրս ձեր սուրբ
եկեղեցւոյն ժողովեալ՝ հովուեն ըզ-
ձեզ 'ի վայրի դաշարւոջ և 'ի ջուր
հանգստեան կենդանի վարդապե-
տութեանն սնուցանեն. մշակքս եր-
կրագործ իբրեւ եղինս հեզ և հան-
դարտ ընդ քաղցր լծոյն Քրիստոսի
լծեն զձեզ, և զբանական անդա-
տանս հոգւոց և մտաց հերկեն, ըզ-
բանն կենաց սերմանելով 'ի ձեզ, և
յուսով բարեացն ստղոյ սպասեն
ուրախութեամբ: Չկնորսքս հո-
գեւոր որսան զձեզ կարթիւ բանին
'ի հոսանուտ կենացս 'ի յաւիտե-
նականն. 'ի տղմասէր վարուցս 'ի
յերկնային քաղաքավարութիւնն.
սլահապանքս գրախտին կենաց ցու-
ցանեն ձեզ զճաղկոցսն աստուա-
ծային զվարս աստուածայնոց ա-
րանց, և բուրեն 'ի ձեզ զհօտ գի-
տութեան անմահական փայտին.
և գուք ժրացեալք իբրեւ զմեղուս

աստուածային հաւաքել՝ ժողովե-
ցէք 'ի բջիջս մտաց ձերոց :

Եւ զինչ պատճառ ժողովոյս բազ-
մութեան . խնդութիւն և սէր տօ-
նիս . որ է ուրախութիւն յիշատա-
կաւ արթուն և զուարթուն ա-
նուանն . քանզի տօն է հայրապե-
տին մերոյ սրբոյն Գրիգորի , և ա-
ռաքելաշնորհ և մարգարէապատիւ
Լուսաւորչին մերոյ , որ զարդարեալ
'ի հօրէ 'ի մարգարէական պատիւ
մեծարեալ եղեւ . և որդիական սի-
րով առաքեալ յՈրդւոյ և առաքե-
լական շնորհիւն լցեալ եղեւ . և 'ի
հօգւոյն սրբոյ ընտրեալ 'ի հայրա-
պետական աթոռ բարձրացեալ ե-
ղեւ . զերից ժամանակաց՝ զառաջնոյ
և զմիջնոյն և զվերջնոյ պարգեւս
Երրորդութեն յինքն պարագրեաց .
ըստ որում և մարգարէիցն է հա-
մապատիւ և առաքելոցն զուգահա-
ւասար և աստուածազգեաց հարցն
սրբոյ համանման : Ասան որոյ հայր
կոչեմք , զի ծնաւ զմեզ բանիւն ճշ-
մարտութեան . և սնոյց անհամե-
մատ գթութեամբ առատութեան

իւրոյ, և աճեցոյց ուղղափառ հա-
 ւատոյն դաւանութեամբ. վարդա-
 պետ անուանեմք, զի ուսոյց զեր-
 կնաւոր բարեացն հանգամանն. հովիւ՝ զի ժողովեաց ՚ի հօտ ճշմա-
 րիտ հովուին զհաւատացեալս սրբոյ
 Երրորդութեանն. մշակ զի բազ-
 մավաստակ քրտամբք քակտեաց ըզ-
 կորդացեալ անդաստանս մտաց մե-
 րոց, և սերմանեաց զսերմն աս-
 տուածպաշտութե. մարտիրոս զի
 մարտեալ ընդ երեւելի և աներե-
 ւոյթ թշնամւոյն. վկայ զի վկայեաց
 բազում չարչարանօք միութեան
 Երրորդութեանն և ճշմարիտ աս-
 տուածութեանն. նահատակ զի
 ողջակիզեալ եղեւ կենդանի մար-
 մնով. յաղթող զի ոչ կասեցաւ ՚ի
 բազմահնար տանջանացն. ճգնաւոր
 զի ՚ի վերայ ամենայն հանդիսիցն
 զվարս ճգնութեան յանձն էառ,
 որով առաւել բարձրանայ ազգն
 հայոց. զի որպէս մի է հայրն մեր և
 զամենայն բարիս յանձն իւր տարաւո-
 ւորեաց. այսպէս մի է և միակրօն
 ազգն հայոց, և ամենայն դերազանց

հա-
 տա-
 զեր-
 ան .
 շմա-
 րբոյ
 ւազ-
 ց ըզ-
 ց մե-
 աս-
 ս զի
 րե-
 եաց
 եան
 աս-
 զի
 ար-
 ու 'ի
 ուոր
 սիցն
 սու ,
 զգն
 ր և
 սու
 րոն
 անց

պարգեւօք մեծարեալ եղեն , վասն
 որոյ և մեք 'ի պատիւ բազմերախտի
 հօրն մերոյ բանս ներբողականս
 յարմարեացուք :

Գրիգորիոս արփիական գեղ , ա-
 րեգականափայլ ջահ , անշիջանելի
 լուսովն լցեալ . Գրիգորիոս բարու-
 նակ բարի , բուրաստան ծաղկեալ ,
 բուրվառ ոսկեղէն հաշտարար խըն-
 կօք . Գրիգորիոս դարուն ծաղկա-
 ւէտ , գետ յորդահոս , գեղեցկա-
 ծաւալ բղնամամբ ընթացեալ . Գրի-
 գորիոս դրախտ աստուածազարդ ,
 դիւրայարմար քնար , դայեակ ման-
 կութեան և դաստիարակ . Գրիգո-
 րիոս երկնաքաղաքացի այր , երեւելի
 աստղ , երկնաչու ընթացիւք լու-
 սատու : Գրիգորիոս զօրութեամբ
 էին զարդարեալ զքեզ զանազան
 ծաղկօք անուշիւք . Գրիգորիոս էա-
 կան բարւոյն էասէս սլատկեր ,
 էին ճշմարտի ճոխացեալ շնորհիւ :
 Գրիգորիոս ընտիր կերպիւ ընդ ար-
 փին սլացեալ ընդ հանդէս յոքունց
 երեւեալ . Գրիգորիոս թաւախիա

անդաստան , թագազարդեալ փա-
 ոօք , թեւածեալ յեթերայինն
 բարձրխորան . Գրիգորիոս ժրաբոյս
 ծաղիկ , ժիր մշակ երկոց , ժողովա-
 րան յոքունց բարութեանց . Գրի-
 գորիոս խմաստիւք վերին խկապէս
 լցեալ , 'ի ծովածփանս խաղաղ նա-
 ւահանգիստ . Գրիգորիոս լուսե-
 րանդ շաւիղ լրմամբ լիացեալ , լու-
 սաւորիչ հայաստանեայց զարմիս .
 Գրիգորիոս խոհական հանձար ,
 խորհրդեամբ մաքրեալ , խորհրդա-
 կից վեհին հանձարոյ . Գրիգորիոս
 ծով ծիծաղական , ծուղակ դժրո-
 ղին , ծառ բարձրուղէշ և ստղաւե-
 տեալ . Գրիգորիոս կտակագիր բար-
 ւոյ , կերպարան փառաց , կենդան-
 ւոյն յաւէտ յարաժամ . Գրիգորիոս
 հեղինակ բարի , հերքիչ ցանկութէ ,
 հանձարով հոգւոյն զօրացեալ .
 Գրիգորիոս ձայն ազգարար , ձայ-
 նեալ 'ի բարձանց , ձեւեալ հասակ
 անձինդ գովելի . Գրիգորիոս զամ-
 բար ջահացեալ , ղեկօք հաւատոյ
 ղեկավարեալ 'ի ծով կենցաղոյս :
 Գրիգորիոս ճշմարիտ հովիւ , ճա-

փա-
 այինն
 սբոյս
 լովա-
 Գրի-
 սպէս
 լնա-
 ուսե-
 լու-
 լիս .
 ար ,
 որա-
 րիոս
 ժրո-
 աւէ-
 բար-
 քան-
 րիոս
 թէ ,
 ալ .
 ձայ-
 սակ
 լամ-
 ստոյ
 ցս :
 ձա-

ուադայթ փառաց , ճանապարհ 'ի
 կեանս անմահիցն . Գրիգորիոս
 մայր եկեղեցւոյ , մաքուր սրբու-
 թեամբ մաօք սլացեալ 'ի դասս սը-
 րովբէից . Գրիգորիոս յոքնազան
 պարգեւք յարփիագեղ լուսոյն
 յազգս երկրածնաց . Գրիգորիոս
 նուիրեալ վէհին նորազուարճ փա-
 ոօք , նահատակ բազմաչարչար .
 Գրիգորիոս շողջ կենդանի , շար
 ոսկեման՝ ընդելուզեալ մարգար-
 ատվ , շնորհազարդ պսակ սուրբ ե-
 կեղեցւոյ . Գրիգորիոս ոսկեճեմ
 աղբիւր , ուղղեալ գեղեցկազարդ ,
 ուղղութեանց առաջնորդ . Գրի-
 գորիոս շնաշխարհիկ պարծանք ,
 չարչարիչ չարին , չարչարանօք մար-
 մնոյդ . Գրիգորիոս պաղագործ
 երկիր , պարարտաբեր բուսովք ,
 պարգեւօք հոգւոյն պատուեալ .
 Գրիգորիոս ջերմեռանդն աղօթիւք
 ջնջիչ յանցանաց , ջրովն կենդանի
 և աստուածունակ . Գրիգորիոս ուե-
 տին քաղցրութեան , ուս լուսա-
 ճեմ , ուս գործեալ 'ի կեանս վե-
 րինս անմահից . Գրիգորիոս սոս-

կալի տեսիլ, որովքէական փառօք, սլացեալ յաստեացս առ երկին . Գրիգորիոս վարդ կարմրորակ վառեալ հաւատով, վիմարդեան մտօք հաստատուն . Գրիգորիոս տունկ տենչալի տէրունեան դրախտին, տարփալի վերնական վեհիցն . Գրիգորիոս ըաբունի բարի, ըաբունեաց սլարծանք, ըենական լուսով ցնծալի . Գրիգորիոս ցանկ հաւատոյ, ցնծութիւն ազանց, ցօղ զլարթարար բանական բուսոց . Գրիգորիոս լիւծելոյս ոգւով, լիւսողի ճառիս, հիւթ բժշկարար ցաւոց . Գրիգորիոս փաղփիւնափայլ ծաղիկ, փունջ մանուշակաց, փառազարդ լապտեր լուսընկալ . Գրիգորիոս քահանայ անբիծ, քարոզ ճշմարիտ, քնար աստուածախօս և քաղցրանուագ :

Գրիգորիոս բազմերանեան վկայն, յերեւելի արարածոցս գերաշխարհիկն, վերնոյն Երուսաղեմի գաւառականն, անմարմնոց դասուցն ազգայինն մաքրութեամբ : Արդ եթէ ախորժելի թուեսցի ումէք ընդ

ներբողական գովեստի գլխոցն յազ-
գէ և ՚ի գաւառէ պատմաբանել,
ապա ուստի արժան է ՚ի վերուստ
անտի պարտիմք ցուցանել:

ՅՅբրահամէ մեծէ և Աստուծոյ
սիրելոյ սա սկզբնաւորեալ, ՚ի նա-
հապետէ հնոյն՝ նահապետ նորոյս
նուիրեալ. յարդարոցն հօրէ ար-
դարութեան ծնող ծանուցեալ,
յընտրեալ հնչմանն մտաց մաքրամիտ
իմաստիւք փայլեալ. ՚ի կենսաուրա-
կան ծնունդսն բուրումն անուշից
խնկոց ծածկեալ, ընդ աւազածին
որդիսն ՚ի զարդ փայլման օսկի միա-
ցեալ. ընդ վեցեօին որդիսն որ ՚ի
Կենսաուրայ, երկնաւոր խոստումն
յարեւելեան և ՚ի հիւսիւսական
ազգսն ժամանեալ. լոյս հոգւոյ ՚ի
լուսոյ կողմանն աշխարհի ծագեալ:
Վասն զի շնորհ օրհնութեանց որդ-
ւոցն լուսոյ յաստեղածին հօրէն
ծածկեալ գայր ընդ նոսին. և իբր
զադինաբուխ զգեան Եփրատէս ՚ի
ծործորս ծոցոյ երկրի և ընդ երակս
խորոց ՚ի սահմանս հայաստան աշ-
խարհի ազբիւրացեալ բղխէր: Այս.

պէս և մերն Լուսաւորիչ 'ի քաջա-
 բուռն և 'ի զօրաւոր զարմէն Պար-
 թեւաց ծնեալ, 'ի սլաշաւահան
 պետացն որ յարքայանիստ շահաս-
 տանէն բարգաւաճանօք կոչեցեալ,
 'ի թագազարդիցն Արշակունեաց՝
 արշակունի անուամբ առձայնեալ,
 'ի սուրենական ցեղէն իբր 'ի յամ-
 պոց մթացելոց ցնծութեան մեզ
 ցօղ անձրեւեալ, և լուսածնունդ
 ծագումն փայլեալ: Ի յԱնական
 հօրէ իբր 'ի փշաբեր թփոյ հրաներկ
 թերթս վարդից 'ի հոտ անոյշ մեզ
 վերածաղկեալ. յօձից թիւնալից
 խայթոցաւորաց մեզ թիւրակէ բը-
 ժիշկ երեւեալ. 'ի խխնջիւնաց զազ-
 րատեսից՝ երփներանգ որակ ծի-
 րանւոյ 'ի զարդ կայսերական հան-
 դերձից տուեալ. 'ի տիրասպան
 հարցն դաւողաց կենդանարար հոգ-
 ւոց սլարգեւեալ. արմաւենի քաղ-
 ցրաբեր՝ արգարութեան ստղովք 'ի
 փշաբեր անդւոյ վարսագեղ բու-
 սեալ. 'ի ժանտահոտ և 'ի դառնա-
 ճաշակ ծովէ մարգարտոյ յօրի-
 նուած 'ի պէտս արքայական թա-

քաջա-
 Պար-
 ահան
 սհաս-
 ցեալ,
 նեաց՝
 նեալ,
 յամ-
 մեզ
 նունդ
 նակայ
 սներկ
 շ մեզ
 նալից
 է բը-
 ղազ
 ծի-
 հան-
 սպան
 հոգ-
 քաղ
 ովք ՚ի
 բու-
 ունա-
 յօրի-
 թա-

գից ընծայեալ . յապառաժուտ վի-
 մաց քարանց կարծրութեանց տը-
 պազնոն հրափայլ գունով գեղե-
 ցիկ գտեալ : Եւ այսօքիկ զնորդ
 կամ ո՞րպիսի յեղանակաւ գործե-
 ցեալ . այլ յամենահնարն արուես-
 տէ , հրաշիցն ներգործողէ , բնու-
 թեանցն ստեղծողէ և փոխադրողէ .
 որ ՚ի քարանց որդիս Աբրահամու
 յարուցանէ . զծերութիւն ՚ի ման-
 կութիւն , և զամլութիւն ՚ի ծը-
 նունգս շարժեալ նորոգէ . յանշըն-
 չական տնկոց խոյ կենդանի ՚ի պէտս
 պատարագաց պաղաբերեալ կախէ .
 որոյ իմաստութիւնն անչափ և զօ-
 րութիւնն անբաւ . կամելն գործ
 կատարեալ , և իմացումն մտաց՝
 ստեղծումն աշխարհի :

Այլ երբեմն և ըստ արուեստա-
 կան հանճարոյ վարի ՚ի գործ
 սքանչելեացն իւրոց . զի որպէս
 յերկրագործ մշակացն որք խնա-
 մով տնկագործութեանն՝ զթը-
 թուաբեր և զգառնահամ տունկս
 նունենեացն ՚ի քաղցրութիւն կա-
 մեցեալ փոխարկել , փայտս ՚ի պե-

ւեսկի ծառոց՝ որպէս և ասի, յարմատս թթուաբեր նունենոյն վարեն. յորմէ զօրութենէ հիւթոյ զբերս գառնութեանն՝ ի քաղցրութիւն յեղաշրջեալ փոխէ. և հալի և կորնչի գառնութեանն որակ և թրթուահամն ճաշակ՝ ի քաղցր և անոյշ և ախորժեղի: Եւ արդ եթէ այսոցիկ քնաւորապէս գործեցեալ լինին, ապա զհարգ ոչ զարմանալի իմն հրաշս սքանչելեաց նորագործեսցէ որթոյն ճշմարտի քաջաբեր ուռոց մշակող: Ի տնկաւորել այս երկնահաս տնկոյ ի գառնարմատ և ի թրթուաբեր ծառոյ ծնողէ, ի հեռուստ գարուց և կանուխ ժամանակաց զգիտաւորութիւն իրին իւրում ժամու պահելով, և տեղի յարմարական այսմ տնկոյ պտղաճեցուցեալ, առ շիրիմս գերեզմանի մերոյ աշխարհի և ազգի լուսաւորչին մերձ առ գիրս հանգստեան դիպեցուցեալ. յորմէ մահաբեր տունկն գառնահամ յանմահութե պտղոյ քաղցրութեան ճաշակ ժամանեալ: Ի տիրանենդ զարմէ տի

արեն.
 լբերս
 թիւն
 և կո.
 և թը.
 անոյշ
 այսո.
 ու լի.
 լի իմն
 եսցէ
 ու ոց
 րկնա.
 ՚ի թը.
 ՚ի հե.
 ամա.
 ն իւ.
 տեղի
 ատղա.
 ւզմա.
 ուսա.
 ուեան
 արեր
 ու թե
 ժա.
 ւ տի

րական ակտոյ ժառանգ կացու
 ցեալ. յաշխարհամասն ազգէ աշ
 խարհի փրկիչ զօրացեալ. յառա
 քելական մասնէն առաքեալ Քրիս
 տոսի ընարեալ. յաստուածավառ
 լուսոյն ճրագ լուսոյ արդարեւ մե
 ծի տանս աշխարհի յօրինեալ յա
 ւէտ. որպէս զի լուսաւորեսցի աշ
 խարհ գիտութեան բանիւ, և առա
 քինական վարուք սքանչելի, զան
 զգամութեամբ և զանգիտութեամբ
 խաւարեալոն լուսաւորել իմաս
 տութեան և գիտութե լուսով: Ի
 Փրկչէն և բարերարէ և յիմաստու
 թեանն Հօրէ հրաւիրակ երկնաւոր
 խրախճանութեանն առաքեալ, ՚ի
 սլատրաստական սեղանն և ՚ի զուար
 ճութեան գիներբուաց խառնա
 րանն զհայաստանեայց ազգս կոչե
 լով: Այս փշալից տունկն, այս
 քաղցրունակ ստղոյ սահապան, և
 գիւրածախ ծեղն՝ ատոք ցորենոյն
 բարձող, յետ անկագործին զայս
 բերկրանաց ստուղ կլթելոյ. և ցո
 րենոյն հասի հասելոյ՝ տասպարաւ
 բանին, հոսչաւ արդար դատաստա

նին կարեալ հասանի . և փոշէաե-
 աակն յարդ 'ի հողմոյ հոսի . զար-
 միւք և ազգօք 'ի սրոյ ջնջեալ , և
 մնացեալ միայն մերն Առսաւորիչ , 'ի
 ծոյ խնամոցն Աստուծոյ ծածկեալ
 և յեկեղեցոյ հնձանս ուրախարար
 ուղկոյզ նուիրեալ : Հացն հաստա-
 տութեան սրտից քաղցելոց՝ յըշտե-
 մարանս արդիւնք ամբարեալ , զոր
 ակնարկութեամբն 'ի վերուստ՝ ա-
 ռեալ նորին դայեկացն 'ի Աեսարիա
 կապագովկացոց հասուցանէին 'ի
 մեծ մայրաքաղաքն . ցօլն եկեղե-
 ցոյ դրախտի 'ի յամպ խնամոցն
 Աստուծոյ բարձեալ , 'ի սրախողխող
 սպանմանէ զարմիցն զերծեալ . որ-
 պէս և տէրն Յիսուս թեթեւ ամ-
 պօք 'ի Հերովդէի սրոյն 'ի յԵգիպ-
 տոս փախուցեալ : Արդ զայսպիսի
 ծնունդ սքանչելի՝ զիարդ ըստ մար-
 մնոյ ազգաբանութեան սլատմեմք ,
 որ 'ի վեր քան զբնութիւն մարմնոյ՝
 երեւեալ եղեւ յարմարութիւն
 կարգացն :

Աշխարհական վարուց վեհա-
 գոյնն , գաւառի գերադրուատ գո-

շէտե
 զար
 ալ, և
 ընչ, 'ի
 կեալ
 սարար
 սատա
 ըշտե
 զոր
 ա՛ ա
 սարիա
 էին 'ի
 կեղե
 ամոցն
 ոլսող
 զ. որ
 ամ
 զգիպ
 սպիտի
 մար
 մեմք,
 րմնոյ՝
 թիւն
 լեհա
 ա գո

վութիւնն, արշակունեաց թագա
 ւորացն՝ սրարծանաց թագն, առա
 քելոյն թագէոսի պարգեւական
 զաւակն, կենդանի նշխարաց նորին
 օրհնութեան շառաւիղն, վիճա
 կեալ աշխարհի նորա ընտրեալ հո
 գաբարձուն, արեւելեան ծնունդն և
 արեգակնափայլ ծագումն, սնեալն
 սրբութեամբ յաշխարհն Գամրաց,
 և վարժեալ քրիստոնէական հաւա
 տոյն իմաստութեամբ. և յարբունս
 հասեալ աստուածաշտութեանն
 հանձարասիրութեամբ. որոյ կեանք
 վարուցն կենդանի և հոգեւոր օրէնք
 տուեալ աշխարհի. ոչ գրոշմեալ
 գիր 'ի տախտակի իբր 'ի քարեղէն
 պնակիտան Մովսէսի, և ոչ գրաւո
 րական պատուիրանաց ճառք տալա
 ցեալ դեղօք 'ի քարախի. այլ մարդ
 հրեշտակակրօն 'ի մաքուր մարմնի՝
 եղեալ յընդհանուր բնութեանս
 ստեղծուածի, 'ի վարժ ուսման հա
 մանգամայն երկրածնաց մարդկայ
 ին սեռի. և որպէս յամենայնում,
 նոյնպէս և յամուսնութեանն աս
 տուածագիր օրէնս, յորմէ ոչ հրա

Ժարեաց իբր 'ի խոտան և յարհա-
 մարհելի իրէ, և ոչ անկեալ իբր ընդ
 հարկաւոր և անլուծանելի կապոյ .
 այլ միայն զի զնորին օրինաց ցուցցէ
 զպատճառ և զչափ և զկատարումն .
 և պատճառ՝ զի 'ի սակս որդեծնու-
 թեանն և զօրհնութեանն Աստու-
 ծոյ ընչով զհրաման . զի ոչ էր սլարտ
 եթէ երկինք զգալի լուսաւորօք
 պանծասցի առ 'ի ցոյցս մարմնոյ
 վայելչականաց . իսկ արեգակնա-
 փայլ հայրն զծնունդս լուսոյ ծած-
 կեալ՝ ոչ փայլեսցէ 'ի կամարս նո-
 րոյ երկնի, եկեղեցւոյ ասեմ՝ զհո-
 գեւոր ջահան բերողի . և յետ զա-
 մուսնութեանն ընչոյ զպարտս և ըզ-
 չափ սահմանի, այնուհետև զկու-
 սական կրօնիցն յանձին բերէր ըզ-
 լուսաւոր մաքրութիւն . որպէս զի
 մի զըկեսցի 'ի նմանէ ամուսնութեն
 կարգ՝ ոչ ունելով զողջախոհու-
 թեանն օրինակ . և մի գերակատար
 կուսութեանն պատիւ անգործ և
 անգիտելի մնասցէ յամուսնութեն
 կարգէ և կենաց : Այլ և յետ զայ-
 սոցիկ տալոյ զտարացոյցս, այնու-

րհա.
 ր ընդ
 սպոյ .
 ուցցէ
 ումն .
 ծնու-
 սառու-
 պարտ
 ուորօք
 րմնոյ
 սկնա-
 ծած-
 ս նո-
 զհո-
 զա-
 և ըզ
 զկու-
 ը ըզ-
 ւս զի
 լթէն
 յհու-
 սաար
 ոծ և
 լթէն
 զայ-
 յնու-

հետև փութայր լինել հայր ար-
 դարութեանն գործոց . և է օրինակ
 արդարագործութեանն այս . ոչ ու-
 մէք պարտական գտանելն ըստ ա-
 ռաքելական խրատուն . սակա որոյ
 լցեալն հոգւոյն ճառագայթիւք իբր
 լումամբ լուսոյ նիւթ արեգական ,
 յարեւմտից յարեւելս հասանէ .
 իբր գարձ արեգական 'ի միջօրեայն
 կողմանէ 'ի սայլն կոյս առնելով
 զընթացս . այսպէս և նա յազգս և
 յազինս հիւսիւսաբնակ աշխարհին
 դիմեալ , զի արեգակնասպէս զան-
 սրտղութեան սառն հալեացէ , ըզ-
 խաւարաւած թանձրութիւնն քայ-
 քայեացէ , զլուսոյ և զտունջեան
 մասունս աճեցուցէ :

Յաղագս որոյ գայ առ մեծ ար-
 քայն հայոց Տրդատ , զի զնենգու-
 թեամբ խաբէութեան իւրոյ հօրն
 դաւանաց զպարտան վճարեացէ՝
 միամտութեամբ ծառայելովն . և
 զառաքելական վիճակեալ աշխարհ
 և ազգ զհօրն ժառանգեացէ , չար-
 չարանօք և արեամբ ստացեալ . զոր
 ընծեուեալ յանձնեաց նմա կար-

կառմամբ ձեռին 'ի գերեզմանէն , և արքայական ատենիւ զպակասու թիւն չարչարանաց տեառն 'ի մարմնի իւրում կրեսցէ , վասն մարմնոյն Քրիստոսի որ է եկեղեցի Հայաստանեսոյց : Յաղագս որոյ հարկաւոր է յիշել և զտեղի չարչարանաց սրբոյն , որով զտեալ մաքրեցաւ 'ի բովս փորձանաց այս լուսավայլ ոսկեոյ մաքրութիւն . և թուել ըզխորհրդական թիւք չարչարանացն՝ զոր և կրեաց քրիստոսանման գթով վասն մեր , զի 'ի չարաչար կրից ըզմեզ ազատեցուցէ , և չարչարանօք իւրոյ մարմնոյն սրբոյ զսոցուածս մեղաց մեր բժշկեցէ . տեառն նմանեալ հաւատարիմ ծառայն տիրասէր , և ճշմարիտ հովուին Քրիստոսի հովիւն հսկող և արիական , զի զզատուցեալ անդամքս և հատեալ յօդեալ 'ի գլուխն մեր կապեցէ . և զաստուածաբարբառ ձայնիւն ցուցեալ՝ եթէ այլ ոչխարք են իմ որ ոչ են յայսմ գաւթի , զնոսին յաստուածային հօտն խառնեցէ . յաղագս որոյ ոչ էր կար թաքչել քա-

էն , և
սառ-
մար-
մնոյն
յաս-
աւոր
սըր-
սւ 'ի
փայլ
լ ըզ-
նացն'
թով
ց ըզ-
անօք
ւածս
նմա-
փրա-
սառ
, զի
տեալ
է . և
ցու-
մ որ
յաս-
յա-
քա-

ղաքի կենդանւոյն Աստուծոյ 'ի վե-
րայ հաւատոյն լերին կացելոյ . և ոչ
աստուածային փշմամբն վառեալ
բազմալոյս ճրագին՝ գնել ընդ գը-
րուանաւ ծածկութի . ծանուցեալ
լինէր թագաւորին ճշմարտութիւն
նորա հաւատոյն :

Յատեան դատաստանի ածեալ
լինէր անպարտականն ատենի , հարց
և փորձ բանից արարեալ ահարկու
և զարհուրելի դիմօք , ահս գոռո-
ղաբար և սպառնալիս սաստիկ և լի
բարկութեամբ բերեալ յարքայէ :
Արիական սնդութիւն և առաքինա-
բար պատասխանիս՝ լի խմաստութիւն
և հանճարով սրբոյն , զոր համառօտ
բանիւ զմիջոցաւն զանց արարից . և
միայն զխորհրդական կիրս չարչա-
րանացն և զբարեացն մեզ ամբա-
րող տանջանս՝ պատմեցից բանիւ :
Վասն զի թագաւորն սաստիկ լցեալ
բարկութեամբ , հրամայէր կապել
զձեռան յետս և հարկանել գայլ 'ի
բերանն , և կախել շառաչեղս աղի
'ի վերայ ողանն , և տալ գեղոցս
կրծիցն , և արկանել առատանս 'ի

կասլս գելարանայ կրծիցն . և վեր-
ամբարձ կախել 'ի բարձրաւանդակ
տանիս ասարանից որմոյն մէքե-
նայիւք , և կայր այնպէս զեօթն օր .
և արդ զմտաւ ամել զանիրտուն ա-
տենի և զանիմաստն ատենականայ
զգործն անուղղայ՝ զարհուրեալ
գողամ և ոչ առանց արտասոււաց
բերեմ զեղեալ ողբոց արժանի :

Ո՛վ արքայ մեծազօր , զխանրդ որ
բազմութեան զօրաց և աշխարհաց
և ազգաց տիրես , այդչափ անիմաս-
տաբար և անզգայութեամբ վարիս .
այլ և ոչ զոք յիշխանաց և յաթո-
ւակցաց ունիս զգաստացուցիչ . և
ընդէր այդքան կարծրացեալ սրտիւ
նմանեալք քարանց , զի 'ի քաղցր
ցօղոյ վարդապետութեանն բանի 'ի
բարբառս բերանոյն իբր յամպոց
երկնից իջելոյ՝ ոչ կակղացաւ պըն-
դութիւն սրտից ձեր . զխանրդ , ո՛վ
արքայ , աւազաբար ծանրանաս հա-
կես 'ի վայր . և ընդգիմանաս այնմ որ
զքեզ ասող երկնաւոր թեթեւա-
թախ ընթացիւք 'ի բարհունս է հա-
նելոց : Իսկ դուք տանջանս չար փո-

խանակ բարւոյ և հանգստեան ձեզ
 շնորհողի՝ հաաուցանէք . զվերամ-
 բարձ ձեռնն երկնահաս, զսրբարարն
 օդոյ մշատտարած կարկառմամբ յա-
 ղօթս , զհաշաութեանն ձեր ըն-
 ծայամատոյց , զշնորհաբաշխն ձեր
 աստուածագործ իւզովն , զմերկու-
 թեան ձերոյ զգեցուցանող աջ , և
 մաքրող մատունս , զխորդ կապէք՝
 ՚ի գործս ձեռաց ձերոյ կապեալք
 և ՚ի շարժմանէ բարեաց կարկա-
 մեալքդ . և որպէս գայլ ՚ի բերան և
 դանդանաւանդս ՚ի կզակի դնէք , ՚ի
 կենդանաբուխ բանին աղբերաբար
 բղխող . որոյ շարժումն շնորհալի
 շրթանցն իբր զլար զկարմիր ներ-
 կեալ գեղեցկախօսութեամբ . յորմէ
 շինելոց էք տաճար Աստուծոյ ըստ
 լարոյն յարմարութեան միացեալք .
 և արեանն Քրիստոսի խորհրդով
 գեղեցիկ կարմրութեամբ ներկեալք
 և մածեալք . որ սիրովն Քրիստոսի
 շարայարէ որպէս լարով , և հաւա-
 տոյն ներկուածով գեղեցկացուցա-
 նէ իբր կարմրով . որ մեղս և կաթն
 էր կաթուած բանի լեզուին շար-

Ժողի, տղայոցն 'ի Քրիստոս կաթն
 աննդարար . և հաստատելոցն 'ի
 հաւատս մեղք քաղցրաճաշակ . ո՞չ
 պատկառէք կամ զարհուրիք դան-
 դանաւանդ դնել 'ի կզակի 'ի գոր-
 ծիան աստուածուսոյց բանի . որ
 ցանկալի էր քան զոսկի և քան զա-
 կանս պատուականս բազումս . որ
 իբրեւ զանօթ ստաշխից էր խնկոց
 անուշից ըստ իմասանոյն գովես-
 տից, աննենդ վարդապետութեանն
 ուսուցիչ . որ հաւատարիմ բանիւն
 իմաստուն առնէր զձեզ զմանկա-
 միս և զանիմաստ բազմամեայ տը-
 զայսդ . որ լուսով պատուիրանին
 վառէր զճրագս նսեմացեալ ձեր մը-
 տացդ . որ զողջախոհութեանն լու-
 սատեսիլ շուշան՝ սերմանէր չըր-
 թամբք 'ի սրտից ձեր խոսկանացեալ
 անդաստան, և զմուռս կաթեցու-
 ցանէր 'ի մեռելութի մարմնասէր և
 ակտակիր ձեր բարուց . շառաշեղս
 աղի ծանրաբեռնեալ դնէք 'ի վե-
 րայ ողին՝ աստուածային օրինացն
 բեռին բարձողի, անհամեալքդ
 յաստուածսլաշտութեանն աղէ . և

թն
 'ի
 ոչ
 ան
 որ
 որ
 զա
 որ
 կոց
 ևս
 անն
 իւն
 կա
 ար
 նին
 մը
 ու
 ըր
 ալ
 ու
 ր և
 եզս
 վե
 սցն
 քդ
 . և

գեղարանօք և անրօք չարահնար պըն
 գէք զսիրան սուրբ և սրբարար Հո
 գւոյն օթարան . երկրաքարչքդ և
 անասնամիտ . զեւրդ զերկնաւոր
 մարդոյն 'ի բարի սրտէ զբարիս բըղ
 խողին , որ 'ի ջերմութիւն սրտին
 բնաւորականի խառնեալ ունէր ըզ
 հուր սիրոյ յերկիր սերմանողին ,
 որ և 'ի սիրտս ձեր սառուցեալ կա
 մէր բորբոքել : Արդ յայդքան չա
 րեաց ձեզ ազատարար և անթիւ
 բարեաց բերող ձեզ աղբերաբար ,
 այդպէս բազմահնար չարչարանօք
 տանջէք անխնայաբար : Այլ դուք
 ոչ գիտէք զինչ գործէք , որպէս և
 ոչ խուժանն Հրէից զԱստուածն
 բան և զտէր Յիսուս Քրիստոս հա
 նել 'ի խաչ ճեպողաց : Եւ որպէս
 տէրն որդիաբար առ Հայր աղաչէր .
 Հայր , թող սոցա զի ոչ գիտեն զինչ
 գործեն . և սա Հայրաբար գթով 'ի
 վերայ մեղուցեալ որդւոցն աղեր
 սէր , և փոխանակ չարեացն զեր
 կնաւոր բարիան Հայցէր . ընդ կա
 պանաց ձեռինն բարեգործակ խըն
 գրէր սրազատելով , զի արձակեսցին

կապեալ և կարկամեալ ձեռք հայ-
աստանեայցն ազգի: Ազգմողք կուոց
և զոհարարք դիւաց և խնկամա-
տոյցք անշունչ պատկերաց ուսցին
առ Աստուած վերամբառնալ. դան-
դանաւանդս ընկալաւ աստուածա-
բան բերան նորա, զի մէք անասնա-
ցեալ բարուք և անխմաստ մտօք իբ-
րեւ զձիս և ջորիս, որոց պարտ էր
'ի սանձս և 'ի դանդանաւանդս ճրմ-
լել զկզակս, և զխստերախ և զապ-
երասան բարսն առ բանատուն և
ստեղծիչն դարձուցանել:

Արդ զմերն արժանեաց կիրս յինքն
կրելով բարեգուծ հայրն զչարահա-
տոյցն որդեաց, զի զմեզ յանասնա-
կան ախտասիրութենէն և 'ի վայրե-
նաբարու օտարութենէն յիմաս-
տութիւնն երկնաւոր ընդ հնազան-
դութեամբ հօրն և արարչին՝ դար-
ձուսցէ: Գեւարանօք և անրօք ճրն-
չեալ ճմլեցան կուրծք և սիրտ նորա,
որ սուրբն էր սրտիւ և աստուա-
ծայինն տեսութեան արժանաւոր.
զի սրբեսցէ զսիրտս մեր 'ի խղճէ
չարեաց, և անօթս երկնաւոր գան-

ձուլցն արասցէ : Բեռինս ծանրու-
 թեան աղի 'ի վերայ ողին դժուա-
 րակիրս և կսկծելիս բարձեալ բե-
 րէր , այն որ աղ համեմիչ լինելոց
 էր հայաստանեայց . աղիւն սոու-
 գութեան և ճշմարտութեան հա-
 մեմելոց զանհամութիւն և զնեխու-
 թիւն գործոցն 'ի ճաշակս անուշից
 փոխարկեսցէ . և արդ այսպէս ամ-
 կիրք չարչարանաց նորա խորհրդա-
 ւորք են և մեզ փրկականք և ազատ-
 արարք և առիթք բարեաց . բայց
 զամենայնն յիշել երկարութիւն լի-
 նի ճառից . մանաւանդ զի 'ի սուրբ
 հարցն պատմութիւնս և ներբողա-
 կան ճառսն գեղեցկապէս յիշատա-
 կեալ է :

Այլ մերս դիտաւորութիւն յա-
 զագս սրբութեան լերինս է , որ
 տեղի եղեւ երբ սնամեայ ճգնութե-
 սրբոյն և դիր հանգստեան գերեզ-
 մանի սուրբ մարմնոյն . վասն որոյ և
 'ի սոյն դարձուցից զբանս : Բազում
 լերինք ըստ զանազան պատճառաց
 հռչակելի անուամբ յաշխարհի մե-
 ծարեալ պատուին . զի նախ յեա

համաշխարհական ջուրցն հեղեղին
 պատուեցաւ լեառն այրարատեան
 բարձրակառոյցն Մասիս , տեղի
 հանգստեան եղեալ տապանին , որ
 ունէր զխորհուրդ եկեղեցւոյ և ե-
 ղեւ վերստին ծնող մարդկութեւս :
 Աբրահամ 'ի լերինն ամուրհացոյ
 շրահակ Աստուծոյ պատարագէր .
 լեառն Քորէբ հրաշալի տեսեամբն
 պատուի , զոր ետես Մովսէս 'ի
 խորհուրդ կուսին զմօրենին վա-
 ռեալ որ ոչ այրէր . լեառն Սինա
 երեւմամբն Աստուծոյ մեծարեցաւ .
 զի անդ տուան Մովսէսի տախ-
 տակքն աստուածագիծ . և այժմ
 տապանակն և որ 'ի նմա գանձեալ
 օրէնքն 'ի նոյն լերին 'ի ձեռն Ե-
 րեմիայ մարգարէի պահեալ կայ 'ի
 փապ վիմին՝ յորում եգ Աստուած
 զՄովսէս 'ի տուէ ամսով ծածկել
 և 'ի գիշերի լուսով : Պատուեցաւ
 յԱրաբովթ Մովաբու լեառն Նա-
 բաւ , զի անդ ելեալ Մովսէսի ցու-
 ցեալ նմա Աստուած զերկիրն պար-
 գեւոց , և անդ վախճանեցաւ : Մե-
 ծարեցաւ լեառն Սինն՝ զի ընարեաց

զէզին
 տեան
 տեղի
 ն , որ
 և ե-
 թէս :
 հացոյ
 սգէր .
 ամբն
 էս 'ի
 վա-
 Սինա
 ցաւ .
 տախ-
 օյժմ
 ձեալ
 ն Ե-
 այ 'ի
 ուած
 ծկել
 եցաւ
 'Նա-
 ցու-
 դար-
 Մե-
 տեայ

զնա Աստուած տեղն՝ յորում եգ-
 զանունն քաջութեան իւր 'ի նմա .
 զնոյն լեառն և Դաւիթ ամրացոյց և
 Սողոմոնն զտաճարն շինեաց հրաշա-
 զան յօրինուածովք . իմաստնա-
 ցեալն յԱստուծոյ Սաղամոն 'ի գա-
 բաւոնացւոց լեառնն հազար եզինս
 պատարագ մատոյց Աստուծոյ և
 խնդրեաց իմաստութիւն՝ զոր էառ-
 անհամեմատ մեծութեամբ : Եղևա
 'ի գլուխս կարմեղոս լերինն աղօ-
 թէր , և հրով և ջրով տանջեալ
 խրատէր զյանցաւորս օրինացն Աս-
 տուծոյ . 'ի նոյն լերին և Եղևաէոս
 համանման վարդապետին իւրոյ ա-
 ղօթէր . առ որ իջեալ բանակք եր-
 կնաւոր զօրացն , և աղօթիւք մար-
 գարէին բացան աչք պատանեկին և
 տեսանէր զլեառն լցեալ կառօք և
 հեծելօք . և տէրն 'ի բարձրութիւն
 լերինն նստեալ ուսուցանէր աշա-
 կերտացն զինն երանութիւնսն : Պա-
 տուեցաւ լեառն Թաբոր . զի անդ
 յայտնեաց տէրն զփառս աստուա-
 ծութեան իւրոյ , և զօրինակ հան-
 դերձեալ կենացն և զսորհուրդ ե-
 ԳՐԻԳ . ԼՈՒՍՅԻՈՐԻՉ . Բ . 9

կեղեցւոյ անհամեմատ բարձրու-
 թեամբ : Պատուեցաւ Գողգոթա
 անհամեմատ փառօք , զի անդ տէրն
 խաչիւ փառաւորեցաւ՝ ի վերայ շիր-
 մի նախաստեղծ մարդոյն , և ազա-
 տեաց զճնուհոսնորա : Շնորհազար-
 դեալ եղև լեառնն Ձիթենեաց .
 զի անդ բաշխեաց զշնորհս քահա-
 նայութե տէրն աշակերտաց իւրոց :
 Ի Սանիրայ և յԱհերմոնէ ահուն-
 քն Յորդանանու բղխեն՝ յորում
 տէրն մկրտեցաւ , զնոյն մեզ ծնող
 տուեալ հոգեւոր : Եւ են բազումք
 որ ըստ մարմնոյ և ըստ նիւթական
 հրաշից հռչակելի անուամբ համ-
 բաւին . Ոսկի անուանեալ լեառն
 յԻտալիա , լերինք երկու ՚ի Սիկի-
 լիա , Պարթենոս՝ յորմէ գետք եր-
 կու մեծամեծք բղխեն . և Ուուկա-
 նոս՝ որոյ միշտ կատարն հրով տոչո-
 ըի : Մեծն Լիբանան և Կարմեղոս
 յԱսորիս . Դիգիմոն ՚ի Փուլգիա .
 Տաւրոս ՚ի Սիւուիա . Անտիոորոս ՚ի
 Կապադովկիա . Ողոմսլիոս ՚ի Կի-
 սրոս : Յառաջին հայս Առգէոս
 իսկ ՚ի մերումս աշխարհի , զի մի

'նուազեացուք իւրք քան զազգ և
 զաշխարհ 'ի հռչակելեացն կոչմանէ :
 Իսկ 'ի յաւուրս յեօինս ըստ մար
 գարէական ձայնին յայտնեալ եղեւ
 լեառն Սեպուհ , 'ի միջոցս սահմա
 նի երկուց գաւառացն Եկեղեաց և
 Գարանաղից , սեպհական փառօք
 հանգոյն հանուրց խորհրդաւոր և
 մեծապատիւ լերանց . զոր և մեզ
 արժան է բանիւ բաղդատել , ճա
 սիւս ներբողել , և զունակացեալն 'ի
 սմա ճշմարիտ ճոխութիւն արտայայ
 տել :

Ուրախ լեր լեառն Սեպուհ և խո
 ըին խորհրդով խնդա քան զայրա
 րատեանն և բարձրակառոյցն Մա
 սիս . զի անդ տապանն հանգեաւ
 կազմեալն 'ի Նոյէ փայտեղէն նիւ
 թով . իսկ 'ի քեզ տապանն ապրե
 ցուցիչ Գրիգորիոս , կազմեալ կա
 մացն հօր գթութեամբ , յորի
 նեալ քրիստոսանման առաքինու
 թեամբ , գեղեցկացեալ հոգւոյն
 սրբոյ զօրութեամբ . այն տապան
 'ի ջուրցն արկածից զմարմինս մարդ
 կան ապրեցուցանէր և զազգս գա

զանայ . իսկ այս կենդանի տա-
 սան 'ի հոսանաց մեղաց և կռա-
 սաշատութենէ զոգիս բանական
 հայաստան ազանց կեցուցանէր .
 լինէր սերմն ուղղափառութեան ,
 որ է ճշմարիտ և բարիոք կենդանու-
 թիւն : Յայնմ տասանէ իբր 'ի մօր
 արգանդէ ծնեալ նահապետին 'Նոյի
 և սատարագ Աստուծոյ մատուցա-
 նէր 'ի ցամաքել ջրոյն . իսկ 'ի
 յայնմ տասանէ յորդաբուխ բան
 'ի քաղցր քարոզէ ծնեալ վերստին
 հայաստան ազգ' և սատարագ Աս-
 տուծոյ կենդանուոյ և միայն ճշմար-
 տին մատուցանեն , ցամաքեալք յախ-
 ախց և մաքրեալք 'ի մեղաց : Ուրախ
 լեր լեառն գերազանց գերամբարձ
 տեղի , ամուրհացոց լերին նմանեալ ,
 Աբրահամու զենմանն տեղւոյ , յո-
 րում զորդին իւր սիրելի սատա-
 րագէր ճշմարիտ սիրոյն , և զխոյն
 փոխանակ առնոյր սիրելւոյն և ըզ-
 սարգեւատուն սարսական առնէր
 աշխարհի : Իսկ 'ի քեզ հայրն հա-
 ւատոյ լուսաւորիչն հոգւոց սուրբն
 Գրիգորիոս զծնունդս ոգւոյն զա-

տա-
 ա-
 կան
 էր .
 ան ,
 նու-
 մօր
 Նոյի
 ւցա-
 կ 'ի
 բան
 տան
 Աս-
 մար-
 յախ-
 ւրախ
 բարձ-
 եալ ,
 , յո-
 ստա-
 զնոյն
 և ըզ-
 անէր
 , հա-
 ուրբն
 , զա-

ուաքինութեանց մասունս , և զժուժ-
 կաշութիւն մարմնոյ հողանիւթ բը-
 նութեանն և զմաքրութիւն մտացն
 Աստուծոյ նուիրէր . և փոխանակ
 առնոյր ժողովուրդ մաքրեալ և կրօ-
 նիւք ընտրեալ . և մշտնջենաւոր յա-
 րամնայութեամբ իբր պարտական
 լինել հայցէր՝ պահել անվրէպ զնոյն
 կնիք հաւատոյ ուղղափառ դաւա-
 նութեամբ յԱրդին միաձինն : Ու-
 րախ լեր լեառն սուրբ , սրբութեան
 կայան , սինէական շնորհիւն պա-
 տուեալ , այնմ որ եղեւ տեղի տա-
 պանակին որ պատեալ ներքուստ և
 արտաքուստ ոսկւով . և 'ի նմա սա-
 փորն ոսկի և տախտակք կտակարա-
 նացն , յորոյ վերայ քերովքէքն
 փառաց հովանի ունէին : Իսկ դու
 առաւել զուարճացիր որ եղեր տե-
 ղի ոսկիակազմ տապանակին՝ զուտ
 և զուարթուն անձին սրբոյն Գրի-
 գորի . որ պատեալ էր սրբութեամբ
 'ի ներքուստ ոգւով և արտաքուստ
 մարմնով , և 'ի հինգ զգայութիւնս
 մարմնոյն , և նոյնքան զօրութիւն ոգ-
 ւոյ գրեալ էին անջնջելի աստուա-

ծային օրինացն պատգամք . և իբր
 սափոր ոսկի լցեալ էր մանանայիւ
 աստուածային շնորհացն . և բուր-
 վառ սրտին բուրէր զանուշութիւն
 խնկոց , որ և 'ի քեզ եդեալ պահե-
 ցաւ նշխարք նուիրեալ սուրբնահա-
 տակին . որով և պատուիս յազգաց
 և յազանց եկեալ 'ի հեռուստ . ըզ-
 հող քո օրհնեալ 'ի պէտս բժշկու-
 թեան ազգայնոցն իբր ընծայս մա-
 տուցանեն : Ուրախ լեր լեառն
 բարձրագոյն և գլուխ լերանց . զի
 որպէս մեծն Մովսէս ելեալ յԱրա-
 բովթ Մովաբու 'ի լեառն 'Նաբաւ'
 յորում եցոյց նմա Աստուած զեր-
 կիրն պարգեւաց , և անդ վախճա-
 նեալ պահեցաւ 'ի հրեշտակաց . նմա
 նասէս և մերն Մովսէս նոր ժողո-
 վըրդեանս առաջնորդ քահանայա-
 պեան սուրբ Գրիգորիոս՝ յորժամ
 անցոյց ընդ ծովն մեղաց և հեղձուցիչ
 հաամուշութեն և բանակեցոյց յեր-
 կոտասան առաքելական վտակն ,
 զերծ ուցեալ 'ի հեթանոսական սնո-
 ւիասէր ուամանցն . և իւրով չար-
 չարանօքն առ մեզ ժառանգութիւն

ընդ սուրբս և երկիր պարգեւաց
 յաշխարհն կենաց . և ինքն ելեալ
 'ի քոյդ բարձրագիտակ բարձունս՝
 միշտ նկատէր մտօք զնոյն երկիր կեն,
 դանեաց , և աղօթէր 'ի ծերսոս քա-
 ռանձաւաց զսրահսսանութիւն իւրոյ
 ժողովրդեանն և զարժանաժառանգ
 լինելն յարկի արդարոցն . և ինքն
 վախճանեալ հովիւն հսկող գտեալ
 'ի հովուաց և պահեալ 'ի հրեղէն
 զօրաց . և այժմ 'ի քէն բաշխէ մեզ
 դեզ ախախց մաքրութեան և յոյս
 թողութեան մեղաց : Ուրախ լեր
 լեառն Սեպուհ և ցնծա՛ բարձրա-
 ցեալ փառօք հանգոյն Սինայի , յո-
 ռում՝ անուն քաջութեան տեառն
 պատմի . 'ի Դաւթէ ամրացեալ և 'ի
 Սողոմոնէ հրաշագան տաճարաւն
 գեղեցկացեալ : Իսկ դու տեղի ժո-
 ղովոյ հաւատացելոց բազմութեան՝
 քաջ անուամբն որ 'ի քէն պատմի .
 յորում՝ օրիորդն զարմանալի սրբ-
 բուհին Մանի 'ի քոյդ քարայարկ
 այրի երկնանման վարուք 'ի մարմնի
 զանմարմնականացն ցուցանէր ըզ-
 հանդէս միայնաւոր ժուժկալու .

Թեամբ . և քահանայապետն ան-
 բիծ մաքրափայլ աղօթիւք պարըս-
 պէր զքոյդ լայնանիստ կայանս , և
 զփոքրագոյն փասսս քո վիմաց յօրի-
 նէր խորան խորհրդոյ և տաճար փա-
 ռաց , անտանելոյ բնու թեանն չա-
 փաւոր բնակու թիւն . յորում մա-
 տուցեալ զանծախապէս սլատա-
 րագն խնդրէր իւրոյ ժողովրդեանս
 զՀօրն հաշտու թիւն և զՍրդւոյ գը-
 թու թիւն և զսուրբ Հոգւոյն Հնոր-
 հաբաշխու թիւն . որ և 'ի սոյն տա-
 ճար լուսակիր գիմեալ հաւատոյ
 մանկանց՝ նոյն յուսով հաստատեալ
 և հաւատով հայցեալ գտանեն զնոյն
 պարգեւս բարեաց Հօրն միջնորդու
 Թեամբ : Ուրախ լեր լեառն Սե-
 պուհ՝ գովեստի տեղի , երգովք
 պանծալի . զի որպէս 'ի լեառն Գա-
 բաւոնացւոց Սաղովմոն արքայ ող-
 ջակէզս և պատարագս Աստուծոյ
 մատոյց և խնդրեաց իմաստութիւն ,
 որով և զթագաւորութիւնն ուղղեա-
 ցէ և զժողովուրդ տեառն հովուեա-
 ցէ , զոր էառ անհամեմատ մեծու-
 Թեամբ . նոյն և 'ի քեզ արքայա-

ան-
սրբա-
ս, և
յօրի-
փա-
ն չա-
մա-
տա-
եանս
յ գը-
նոր-
տա-
ատոյ
ոեալ
ղնոյն
դու-
Սե-
գովք
Գա-
յ ող-
ուծոյ
իւն,
ղէս-
ուես-
ծու-
այա-

կերպն Գրիգորիոս արքայութեանն
տեսողն և քարող՝ ՚ի քեզ բարձրա-
ցեալ զբանական պատարագս և
զպատուղ շրթանց և մարմին մաքուր
տեսառն Աստուծոյ ողջակիզեալ, և
խնդրէր վերին իմաստութեանն ճրչ-
մարտին և կատարելոյն լինել իմա-
ցող. ՚ի հայրենի սեղանն բաժան-
ման բանին ըստ աւետեաց խոստ-
մանն, որ և եհաս անհամեմատ ճո-
խութեամբ. ելեալ ՚ի հայելոյս և
ժամանեալ ՚ի գէմ յանդիմանն, և
՚ի փոքրագունէս ՚ի մեծ գիտու-
թին. և այժմ հովուէ զժողովուրդ
իւր յիմաստս աստուածատուր քաղ-
ցրուսոյց վարդապետութեն՝ լու-
սաւորել: Ուրախ լեր լեառն Սե-
պուհ կատարեալ և բարերջանիկ
Կարմեղոս լերինն համանման, յո-
րոյ գլուխ Եղիաս ելեալ աղօթէր.
և հրով և երաշտութեամբ տան-
ջէր զյանցաւորս օրինացն Աստու-
ծոյ. և ինքն սարեփթացոյ այրւոյն
լիութիւն հացի և իւղոյ ՚ի տանէն
աղբերացուցանէր: Իսկ ՚ի քեզ
հանգունաափալ Եղիայի մարգա-

րէաշնորհ և առաքելապատիւ հայ-
 րըն մեր Գրիգորիոս, այն որ հրով
 հոգւոյն զբանակս դիւացն հալա-
 ծէր և սաստիկ սլատուհասիւ զյան-
 ցաւորս աստուածային օրինացն
 խրատէր, և զօժումն աստուածային
 եղոյն և յերկնից իջեալ հացին յե-
 կեղեցիս հայաստանեայց աղբերա-
 ցուցանէր: Եւ որպէս Եղիսէոս հա-
 մանման վարդապետին իւրոյ հրա-
 շագործէր, և զբանակս երկնաւո-
 րացն առ ինքն իջեալ տեսանէր. որ
 և աղօթիւք բացեալ զաչս սլատա-
 նեկին, և զլեառն հրեղէն կառօք և
 հեծելօք լցեալ ցուցանէր. նմանա-
 պէս և սուրբն Գրիգորիոս աղօթիւք
 շրջապատեաց զքեզ, ո՞վ աստուա-
 ծաբնակ լեառն, և զորս անմարմին
 սրովբէից՝ սրովբէն մարմնաւոր ՚ի
 բարձրութենէն երկնից ՚ի խորա-
 ձորս քո իջուցանէր, զոր առա-
 քեաց Աստուած ՚ի սլատիւ նմա-
 գալ տեսանել զանտանելի ճգնու-
 թիւնն և սլատմել հրաբուն զորացն
 զտկար բնութեանն մարմնոյ զարիա-
 կան ճգնութիւնն: Տէրն ՚ի լերինն

հայ-
 հրով
 հալա-
 գյան-
 նայն
 ճային
 ն յե-
 ւերա-
 ս հա-
 հրա-
 աւու-
 յ . որ
 ստա-
 ոօք և
 նանա-
 թիւք
 ուա-
 սրմին
 որ 'ի
 որա-
 ուա-
 նմա .
 նու-
 րացն
 ըիա-
 ըինն

ուսուցանէր զաշակերտսն և 'ի
 լեառնն աղօթէր . և հաւատարիմն
 տեառն զնոյն նմանութիւն յանձն
 իւր ցուցանէր . յետ ամենայնի 'ի
 բարձրութիւն լերինն ելեալ՝ աղօ-
 թից և ճգնութեան սրբապետալ :
 Ուրախ լեր լեառն գովեալ գոհու-
 թեան տեղի , Գողգոթայ մեծա-
 փառութեամբն բարգաւաճեալ .
 յորում ելեալ տէրն բարձրանայր
 յետ անօրէնութեանն ամենայնի՝
 խաչիւ կատարեալ զմերն փրկու-
 թիւն . և գոհանայր զհօրէ որ առա-
 քեաց զմիածինն 'ի փրկութիւն , և
 Որդի սիրով կատարեաց 'ի գազա-
 թան տեղւոջ Գողգոթայ : Իսկ 'ի
 քեզ պատուեալ լեառն և գովելի
 գազաթն՝ հայրն հրաշափառ 'ի հօ-
 րէ զարգարեալ և որդին հարազտա-
 առաքեալ յՈրդւոյ և հոգւով հան-
 ճարեղն ընարեալ 'ի հոգւոյ Գրիգո-
 ըիոս ամենագով վկայն՝ յետ կատա-
 ըելոյ զամենայն բարութիւնս զան-
 տանելի չարչարանացն զհանգէս ,
 բազմաբան վարդապետութեամբն
 լուսաւորել զհիւսիւսաբնակ աղինս

և հաստատելոյ յեկեղեցւոյ հայաս-
 տանեայց, ելեալ 'ի քեզ գոհանայր
 զհօրէ, օրհնելով զՈրդի և փառա-
 ւորել զամենասուրբ հօգին, որ նու-
 վաւ հրաշագործեաց զմեծամեծս և
 զհրաշակերտս. և կանգնեաց զփրբ-
 կական նշան խաչին 'ի նշանաւոր
 տեղիս. և ամրակուռ զինուք սլար-
 փակեաց զձորոց և զքարանց բազ-
 մութիւն. որ և զէնն արքայական
 զսպանմանն գործի կենաց արքային
 յօրինէր 'ի կենաց գործիս. և կայ
 այժմ 'ի պահեստի 'ի քեզ, ով բա-
 րեբախտ և ամենագով Սեպուհ, սըր-
 բութեան տեղի և սրբասէր արանց
 սիրելի: Ուրախ լեր լեառն Սեպուհ,
 շնորհրնկալ և պարգեւաշատ. բա-
 րեբաշխ լերինն Ձիթենեաց քատա-
 կեալ. զի որպէս անդ տէրն 'ի համ-
 բառնայն օրհնեաց զաշակերտան, և
 ետ նոցա շնորհս քահանայապե-
 տութեան, և ինքն յիւր սեպհական
 փառսն վերացաւ. այսպէս և 'ի
 քեզ ախն տիրական արժանապա-
 տիւ քահանայապետն Գրիգորիոս
 իւրովք ձեռօք յօրինեաց զփայտա-

այս
անայր
առա
որնու
եծս և
զփրը
նաւոր
սար
բազ
սական
քային
և կայ
Լբա
, սըր
սրանց
սուհ
բա
ատա
համ
ան, և
ապե
ական
և 'ի
սպա
որիոս
յտա

կերտ խորանն սուրբ յանուն արե
գահանն արդարութեան արուսե
կին և կարապետին Յովհաննու . և
'ի նոյն տաճարի ետ զչնորհս քա
հանայապետութեան որդւոյ իւրոյ
Ռատակիոսի, յանձն առնելով նմա ըզ
բանաւոր հօտն, և ինքն միայն հրեշ
տակակրօն վարուց սարասէր : Ու
րախ լեր լեառն սուրբ գեղասպանծ
լուսովն զուարճացեալ, և ցնծա 'ի
տիպ Սանիրայ և Ահերմոնի . յորմէ
ակունքն Յորդանանու բղխեն՝ յո
րում՝ և տէրն մկրտեցաւ . և ետ մեզ
վերստին ծնունդ և հոգեւոր լու
սաւորութիւն : Իսկ 'ի քէն աղբերք
երկու բղխեն ընդ այլ բազմաբուխ
վտակս ջուրց . աղբիւրն լուսոյ՝ և
ջուրն բարեհամ . և որպէս ջուրն
Սելովմայ ունելով մերկ յինքն ըզ
մաքուր մարմինն Եսայեայ սուրբ
մարգարէին՝ յորմէ լինէր բժշկու
թիւն ախտից . իսկ 'ի քէն բղխեալ
աղբիւր ջրոյն, տարածեալ աղօթք
սուրբ Լուսաւորչին շուրջանակի և
մերձ առ նմին հանգուցեալ 'ի բազ
մավաստակ ճգնութեանցն . յորմէ

զօրացեալ ջրոյն բնութի շնորհեաց
 տեսութիւն կուրին, և այժմ Լու-
 սոյ անուամբն վերաձայնի . և հան-
 գոյն մեծին Մովսէսի, որ զգառնու-
 նութիւն ջուրցն Մեռայի քաղցրա-
 ցոյց խաչին խորհրդով, 'ի նոյն նմա-
 նութիւն 'ի ձեռն սուրբ Լուսաւոր-
 չին խաչակնիք նշանաւ գրոշմեալ
 միւս աղբերն, յաղտաղտուկ բնու-
 թենէն բարեհամ և ախորժեղի փո-
 խարկիւր . որ և նոյն անուամբն ձայ-
 նի : Ուրախ լեր լեառն հրաշալի,
 մարգարէական հոգւոյն ցանկալի,
 որ և հայցէր զվայր քո ըղձալի . Տէր
 ո՞վ կացցէ 'ի խորանի քում կամ ո՞
 բնակեսցէ 'ի լեառն սուրբ քո . և
 առեալ հոգւովն պատասխանի, որ
 և 'ի վերջին ժամանակիս տեսեալ
 եղեւ աչօք զգալի . յորում ելեալ
 սուրբն Գրիգորիոս անբիծն վարուք,
 արգարն հոգւով, ճշմարտապա-
 տում և լուսափայլն բանիւ, ան-
 նենգն և սուրբն սրաիւ, որ ոչ հա-
 տոյց չար փոխանակ ընկերի իւրում .
 վասն որոյ ոչ նախասի 'ի մերձաւո-
 րաց, յամենայնի փառաւորեալն և

հեաց
 Լու-
 հան-
 շնու-
 լցրա-
 նմա-
 սուր-
 մեալ
 շնու-
 ի փո-
 ճայ-
 շալի,
 կալի,
 . Տէր
 ամ ո՛
 շո . և
 , որ
 սեալ
 լեալ
 ուք,
 սալա-
 ան-
 հա-
 ուամ.
 աւու-
 զն և

երկիւղածաց տեառն փառաւորիչն .
 որ զարծաթ տեառն իւրոյ ո՛չ ծրա-
 րեալ թագոյց , այլ արկ ՚ի սեղա-
 նաւորն . զայս և յոլովս քան զայս
 գործեալ և անասան ոտամբ ՚ի քեզ
 կատարեալ , և զքեզ մեզ տեղի ուխ-
 տից և խնդրուածոց պարգեւեալ :
 Ուրախ լեր այրդ լուսապայծառ
 քարայարկ և առաքինաբնակ տուն
 տենչալի , քան զթագաւորաբնակ
 ոսկեզօծ տաճարս զարմանալի , ՚ի
 Բեզդէէմի խորհրդոյն ընտրեալ .
 յորում պարծանքն կուսից մայրն
 մարմնացելոյ Բանին ծնաւ մաքուր
 կուսութեամբ զանճառաբար ծը-
 նունդն Հօր , և հրաւիրեաց զգրս-
 տերս Եւայի լինել կուսութեամբ ՚ի
 մայր Քրիստոսի . զոր և տէրն աս-
 տուածային բանիւն ստուգեաց . Որ
 արասցէ զկամս իմ , նա է մայր իմ
 եղբայր և քոյր : Ըստ որում և ՚ի
 քեզ ծաղկեաց խորհուրդն պայ-
 ծառ , յայս յոյս հրաւիրեալն
 և վեհագոյն վիճակի հասեալն ,
 զտեալն մտօք , հեզն հոգւով , մա-
 քուրն մարմնով սուրբն Մանի , իբր

զլոյս յարեւմտից ցոլացեալ, բարձ-
 րագոյն բարեաց ցանկացողն, ընդ
 բազում լերամբք և ձորօք անցեալ
 'ի քեզ բարձրանայր. զքեզ յարկ
 ծածկութի և տուն հանգստեան
 իւր ընտրէր. և ինքն զկամս Աստու-
 ծոյ հանգուցանելով՝ միշտ զվերին
 հանգիստն դիտելով, և կատար-
 մամբն 'ի քեզ փոխէր հոգւով առ
 որ ցանկացեալն էր. և զմարմինն
 պարկեշտ և սրասկառելի՝ ամփոփէր
 սուրբ քահանայապետն Գրիգո-
 րիոս. որ և այժմ հաւատով գիմե-
 լոցս հանգիստ հայցէ հոգւոց և
 մարմնոց և յոյս թողութեան պար-
 տաւորելոց: Այլ ո՛վ լեառն ամեն-
 ունակ բարութեամբ լցեալ, ճշմա-
 րիտ ճգնողին ճեմարան, հեղագոյն
 հօրն հանգստարան, երջանիկ ան-
 ձինն օթեւան, մաքուր օտիցն կայա-
 րան, սուրբ ձեռինն տարածման
 տեղի, աշխատեալ վաստակաւորին
 աթոռ, երկնից դիտողին կառք,
 քրտնաջան մշակին անդաստան, ա-
 ռաքինութեան հասկիցն կալ, պա-
 րարտ ցորենոյն շտեմարան, պա-

տոււական ոսկւոյն ընդունակ, ան-
դիւտ մարդարտին տեղի ծածկու-
թի :

Ասան որոյ 'ի քեզ հաւաքին հա-
ւատացելոց անձինք, լաւ համարեալ
զմիօրեաց բնակելն 'ի քեզ քան ըզ-
հազարս յարկս թագաւորաց . 'ի
խորաձորս քո՝ ձայնս ալօթից արձա-
կեն . 'ի քարածերսս՝ քաւութիւն
յանցանաց հայցեն . յաղբիւրս՝ կա-
թիլս արտասուաց իջուցանեն . 'ի
խորս անասաւախ՝ խոստովանութիւն
դիմեն : Եւ երանի՛ թէ ըստ արժա-
նեացն մատչեաք կամ որպէս սի-
րեան լինեաք . քանզի նախ սարտ էր
ըստ ժողովրդեանն Խորայելի երեք
աւուրքք սրբիլ, և յամենայն մարմ-
նական ախտից մաքրիլ, և 'ի կերա-
կրոց անգամ անսուաղանալ, զի մի
զանազիտանութիւնս աւելորդացն 'ի
քեզ բերէին . քանզի ոչ է սարտ
զանուշահոտ քո զլայր զազրացու-
ցանել, զխնկանուէր քո քարինս
աղտեղացուցանել . զանսուաղու-
թեան տեղիդ արբեցութեամբ ձանձ-
րացուցանել . այլ նախ առ ստորս-

տով լերինդ մաքրիլ և ապա 'ի քոյդ
բարձրութիւն ելանել : Բայց քան-
զի տկար է մարմնոյ բնութիւն . և
սակաւք ոմանք են որ իմանան հոգ-
ւով զսրատիւ քո գերագոյն , և բա-
զումք այնք որ մարմնով ըստ մար-
մնոյ խորհին . այլ սակայն գթած է
հայրն մեր գորովագութ և հայցէ
ներումն ընդ սխալանաց , ընկալ և
և գու հիւրութեամբ և արձակեա՛
խաղաղութեամբ :

Ուրախ լեր գեղով գեղեցիկ եր-
կիր ցանկալի , Բարանաղեաց գա-
ւառ գովելի , լերամբք ծաղկաւետ ,
ձորովք ջրաբուխ , եղեմաբուխ
աղբերն Եփրատայ յորդառատ գե-
տոյն ընդունակ , որ և 'ի քեզ հրաշս
պատմի կաթուածս ջրոյ յանձաւս
քարի 'ի ժամանակս տօթաժամու
ամառնային յեղանակին . յորում
թանձրութիւնն ձեան բարձրայօն
լերանցն սպառին և սառնամանեաց
պնդութիւն հալին . յայնմ ժամու
կաթուածք ջրոյն գիզեալ 'ի վերայ
միմեանց քարացեալ սրաղին . որ և
յառաջին աւուրսն բազմօրեայ ճա-

քոյդ
քան
ն . և
հոգ
բա
մար
սծ է
այցէ
ալ և
կեա

եր
գա
էտ ,
ուխ
գե
ուշս
աւս
մու
ում
այօն
եաց
մու
րայ
ր և
ճա

նապարհ 'ի սկստս թագաւորաց յա
ղագս առողջային և բժշկական զօ
րութեանն տարեալ լինէր . և դար
ձեալ յորժամ ամենայն ջրոց բնու
թիւն պնդեալ սպաղի 'ի ձմեռնային
յեղանակս , խակ նա թուլացեալ
Չերմանայ : Այլ և 'ի ծործորս քո
լերանց 'ի ներքոյ երկրի աղբիւրս
աղի դարանացեալ ունիս . և 'ի խո
րութենէն 'ի վեր եկեալ 'ի Չերմու
թենէ արեգական զխառնեալ ջուր
սըն առանց աղի ծծէ հրոյն զօրու
թիւն , և յատակեալ պարզի աղն
համեմիջ և անուշահոտ . որով և
Գարան աղի կոչիս յայսմ ներգոր
ծութենէ , զոր ընծայես բազում
գաւառաց . և ոչ այս միայն է քո
գովութի զգալի և մարմնական իրի ,
և կամ սոքօք միայն կոչիս գովելի
գաւառ և երկիր ցանկալի . այլ գո
վելի ես՝ զի գաւառ եղեր բնակու
թեան սրբոյն Գրիգորի . և երկիր
ցանկալի՝ զի ցանկալին վերնոց 'ի
քեզ շրջեր և 'ի քեզ եգեալ սա
հեցաւ . որ և յերիս տեղիս 'ի քեզ
կազմեալ շինեցաւ շիրիմ հանգրս

տարանի , և սուրբ մարմնոյն նշխարաց տեղի և տասան գերեզմանի . նա իսկ է փառքն քո սլանծալի , բարձրագոյն լերանց քոց բարեբոյս ծաղիկն . խորութեան ձորոց քոց աղբերաբուխ վտակն աղօթից . գեղեցկածաւալ գեան եդեմաբուխ , հոգեւոր աղն համեմիչ ոգւոց . 'ի տօթային և 'ի կիզող ժամու բժշկական և զովացուցիչ ջուրն . 'ի դառն և 'ի կսկծաբեր ձմերուռնս ջերմն և ճառագայթաւէտ հնչումն . այս է գեղեցկութիւնն քո գովելի և սրտակն որով զարգարիս , յոքունց գաւառաց գերագոյն գտեալ :

Աւրախ լերուք ազգք և ազնիք հայաստանեայց 'ի հսկայազօրն հայկայ անուամբ հռչակեալք , որք 'ի մահաբեր և յանբերելի ցաւոց՝ հիււանդութեանց հոգւոց յարուետտական և քաջահմուտ բժշկի գեղոց ողջացայք . յանթառամ՝ ծաղկանց կազմածոյ՝ քաղցրախօս խրատու վարդապետութեանցն փարատեցայք : Ար քաւիչ քահանայապետին մաքուր մաղթանօք 'ի մահու

շխա-
 ննի .
 րալի ,
 եբոյս
 քոց
 գե-
 ուխ ,
 ր . 'ի
 շկա-
 առն
 մն և
 ցո է
 սը-
 ռունց
 ղինք
 Հայ-
 ք 'ի
 'հի-
 լեա-
 գե-
 ծաղ-
 րա-
 րա-
 րալե-
 սհու

արդեւայք , մովսէսաբար հայցմամբ
 աղօթիցն 'ի մեղաց սարտեաց զեր-
 ծայք . արեամբ և խնկով և Ահա-
 րոնիւ նորով ընդ Հօր հաշտեցայք ,
 արեամբ չարչարանաց հեղման նա-
 հատակին Քրիստոսի սրբոյն Գրի-
 գորի , և գառինն Աստուծոյ մեղաց
 բարձողի , և խնկով աղօթիցն անու-
 շահոտից , ծերունականաւ և ոսկե-
 ղէն բուրվառաւ , և պարտաւորացն
 ազատարարաւ : Արք յամօթալի
 մերկութեանցն յարժանաւոր ձե-
 ուաց՝ փրկութեան հանդերձ զՔրիս-
 տոս զգեցայք . և վերստին երկնե-
 լումն հոգւոց ծնողին նկար կերտա-
 րանի զՔրիստոս ընկալայք . 'ի զօ-
 րագլխէն հաւատոց 'ի նահատակու-
 թիւն մարտի սպառազինեցայք :

Աւրախ լեր եկեղեցի Հայաստա-
 նեաց , յամենիմաստ և հանճարեղ
 ճարտարապետէ նորոյ Բեսէլիէլէ
 կազմեալ , յիմաստութեանն Հօր
 բանի հիմանն շինեալ , 'ի յամբու-
 թեան հաւատոյ վէմն կառուցեալ ,
 վաստակօք և քրտամբք ճգնազգեաց
 հօրն հաւաքեալ . գերահրաշ բանի

սրբոյն Գրիգորի լուսաւոր վարդա-
 պետութեամբն ծնեալ, զօրագլխին
 հզօրի զինուորք յարդարեալք, ժրա-
 ջան մշակին առնկք արմատացեալք,
 զգայական գլխոյն անդամք յօրի-
 նեալ, բոլոր եկեղեցւոյ լրամբ զար-
 դարողին ձեռամբ ՚ի հանդերձս ոս-
 կեհօւռս զարդարեալ և սլաճու-
 ճեալ: Ուրախ լերուք քահանայա-
 կան գլուխք և սէտք, և վերատե-
 սուչք հօտին Քրիստոսի, որք վի-
 ճակի առաքելանման հօրն եղէք
 ժառանգորդ, և հոգեւորական իշ-
 խանութեանցն աթոռոյ և իրա-
 ւանցն վերագիտողք: Ընտրեալ հօ-
 տին և դառանցն աւազանածին հո-
 վիւք արածողք. աշխատաւոր և
 ժրաջան մշակին կենդանի անկոցն
 տածողք և սննդագործողք, և ցան-
 կոյ ամրութեանն սահապանք և
 խրամակարկատք. որք գեղեցկու-
 թեան հարսին եկեղեցւոյ էք զար-
 դարիչ և զգեցուցանողք, հրեշ-
 տակք հաշտութե քահանայապետք
 քաւութեան:

Եւ արդ կամիմ՝ աստանոր զե-

րդա-
 ւելին
 ժրա-
 ւաւք,
 յօրի-
 զար-
 ս ոս-
 ճու-
 այա-
 ստե-
 շ վի-
 եղէք
 ն իշ-
 իրա-
 շօ-
 շո-
 ր և
 կոցն
 ցան-
 ք և
 կու-
 շար-
 րեշ-
 եաք
 զե-

րաժշտականացն բերել նմանութի
 արուեստի . երբեմն զուրախականն
 հնչել նուագ , և տրամագրել ըզ-
 լտողն 'ի զուարճական խնդութի ,
 և երբեմն զողբերգականն շարժել
 մասն , յաղէտս և յողբս արտա-
 սուաց ածել . վասն որոյ և դարձեալ
 ասեմ : Ողբն աշխարհ և ազգ հայ-
 աստանեայց , որ երբեմն համանման
 երկնի լուսապայծառ աստեղօք լը-
 ցեալ , այսօր նսեմացեալ կրկին խա-
 ւարաւ , մեղաց ասեմ և նեղացն՝
 ամպովք ծածկեալ : Որք յիմա-
 տուն անկագործէն իբրեւ զդրախտ
 փափկութեան ծաղկազարդեցայք ,
 այսօր իբր դաշտ ասպականութեան
 տգեղացեալ տխրութեամբ կայք և
 անզարդեալ . զի սեպհական գա-
 ւառք հայրենի յօտարալեզու ազ-
 գաց տիրեցան . և գաւազանք մեղա-
 ւորաց 'ի վիճակս արդարոց մտին .
 վասն զի արդարք զձեռս իւրեանց
 յանիրաւութեան գործս ձգեցին :
 Ի բազմամեայ և յերկար հիւան-
 դութեանց առողջացայք , և այժմ
 'ի դժնդակ՝ հիւանդութեանց կայք

'ի տարակուսի՝ անայցելու 'ի բժշկական դարմանողաց : Մինչդեռ թշնամիքն էսք՝ հաշտեցաք ընդ Աստուծոյ քրիստոսանման քահանայապետիւն . և այժմ սիրելիքս օտարացեալք 'ի դրկաց մօրն և գլխութեանց հօրն բարերարի ըստ գրեցելոցն . Օտար եղեն մեղաւորք 'ի մօրէ , զի խաբեցան յարգանդէ և խօսեցան սուտ : Մինչդեռ յանցաւորքն էսք , 'ի մեղացն սլարտեաց ազատեցաք աստուածուսոյց օրինադրին մաղթանօք . իսկ յազատութեանն պատուոյ ծառայք վերստին ակախից եղաք , և ընդ բիւր քանքարոյ պարտականութիւն դարձեալ մատնեցաք :

Ողբացէք 'ի ծնողական գթոյ տարամերժեալ մանկունք . զի որք մնացաք՝ և ոչ գոյ մեզ հայր , որ ծերունական առաքինութեանցն ալեօք 'ի գութ ածէ զերկնաւոր հայրն , և կամ զանձն անպարտական 'ի մահ մասնէ՝ փոխանակ մահապարտ որդեաց , կամ զարիւնն իւր հեղու 'ի գին փրկութեան մե-

ժըշ
 գեու
 ընդ
 իհա
 լիքս
 գը
 ըստ
 ւորք
 շէ և
 ցա
 եաց
 նա
 ու
 արին
 սրոյ
 ատ
 թոյ
 որք
 որ
 նցն
 ւոր
 աս
 ւան
 մե

ըոյ , և կամ քրտամբք մարմնոյ
 լուանայ 'ի յախտիցն ներկեալ աղ
 տոյ , և կամ զենամբ զուարակին
 մեծի արգելու զսպառիժ մահու , և
 կամ ինկանուէր աղօթիւք քաւու
 թիւն հայցէ յանցանաց սարտեաց :
 Ազգ հայաստանեայց , կրտերագոյն
 մանուկ մերոյն Յակովբայ և վեր
 ջածին ծնունդ յազգս և յազինս ,
 որ 'ի լուսաւորիչ հօրէն ծաղկերանդ
 պատմուճանաւ զարդարեցայք ,
 մինչ զի եղբարցն նախանձելի ե
 ղայք . այժմ զինորդ գազանաց չա
 րաց կերակուր մասնեցայք , և սպա
 տմուճան զարդուն ձեր արիւնաներկ
 շողախեալ եղեւ : Եւ Յակովբ հայ
 ըն ծերունի չէ 'ի միջի , որ զաղէտս
 ողբոցն յարմարէ ասելով . Գազան
 չար և անընդել , և գազան չար զոր և
 կամիս իմասցիս , եթէ զսպանողսն
 և զգերողսն մարմնոյ , և թէ զսպ
 առուողսն և զհեղձուցանողսն հոգ
 ւոյ , զի երկոքումք կամք 'ի վտանգի :
 Գրիգորիոս երկնաւոր հօրն սպա
 կեր և ծնողական գթոյն կերպա
 րան՝ խօսեսցիս առ քո մեղուցեալ

որդեակքս , որ զմաքուր և զանախտ
 ծննդեանն զգեստ մերկացաք՝ ասե-
 լով . Որդեակք իմ՝ զորս դարձեալ
 վերստին երկնեմ , մինչեւ նկարեա-
 ցի Քրիստոս ՚ի ձեզ . զի ոչ զոք ու-
 նիմք որ գթով գորովոյ դարձեալ
 խրատեսցէ , և յապաշխարութեան
 երկունս ծնցի վերստին : Ահա ժա-
 մանակ մարտի է , գումար հանդիսի ,
 և քո կազմեալ զինուորքս լքեալք
 և տարակուսեալք , զի ոչ գոյ մեզ
 զորագլուխ քաջամարտիկ և բազմա-
 հանձար , որ գումարէ զզինուորան
 ՚ի մարտ ճակատուն : Ողբա՛ եկե-
 ղեցի հայաստանեայց մայր բազմա-
 զաւակ , որ յանազան ժամու և ՚ի
 տարաժամ հասակի ազգ մի ողջոյն
 հրաշիւք հանգոյն Սառայի ծնար .
 և այժմ նմանեա հռաքելի և լաց ՚ի
 վերայ որդւոց քոց . հռաքել լայր
 զորդիս իւր և ոչ կամէր մխիթա-
 րել՝ զի ոչ էին . և դու լաց զման-
 կունս քո , զի ոչ են , որպէս և
 էինն . զի ՚ի միոյ ծնողէ բազմու-
 թիւն անթիւ զաւակաց ծնան , և
 այժմ ՚ի բազմութեանց հարանց

ախա
 ասե
 ճեալ
 րես
 ու
 ճեալ
 րեան
 ժա
 իսի
 ալք
 մեզ
 զմա
 որան
 րեկե
 զմա
 և ի
 ջոյն
 ար
 ոյ ի
 այր
 ժա
 ան
 ու և
 ու
 , և
 անց

ոչ զոք ծնանին . և ծնելոցն ոչ ոք
 դաստիարակէ զանուշօրինացն .
 ՚ի հատէ հասկ վերաբուսար և ՚ի
 հասկէ շեղջ յօրինեցար , և ՚ի միոյ
 շառաւիղէ տնկեալ որթ արմատա
 ցար՝ յօգնակի ուռովք աճեցեալ , և
 տարածեալ լցեր զտիեզերս ՚ի ծովէ
 մինչեւ ՚ի ծով . և այժմ՝ քակեցան
 քո ցանկք ամբուծեան և կթեն
 զքեզ անցաւորք ճանապարհաց ,
 օտարք և այլազգիք զմարմնական
 բարեացն ստուղս , և զայգի քո բա
 նաւոր ապականէ խող անտառի . և
 կինճ վայրենի արածի ՚ի հոգեւոր
 սերմանցն ծաղիկ , սասանայ և
 գեւքն չարասէրք : Ի միոյ հովուէ
 մեծ հօտ եղեր հովուապետին մե
 ծի . և այժմ՝ ՚ի բազում հովուաց
 ցրուեալ ճապարկեցար , մոլորականք
 և թափառեալք ՚ի լերինս , գազա
 նաբեկք և վերաւորք ՚ի գայլոց .
 յարօտս մնասակարս և մահաբերս
 ճարակեալ . սակասեալք և ան
 բնակ ՚ի դաշար վայրէ ՚ի սուրբ գրոց
 վարդապետութենէ , ՚ի հանգստա
 րար ջրոյ անանուշօր , ՚ի փարախոյ

Ժողովարանէ արտաքոյ . և ոչ գոյ
քեզ հովիւ որ կրկին գործեօք հո-
վուէ , ունելով 'ի ձեռին ցուպ և
գաւազան , ցպով ընդ գազանան
մարտնչել և գաւազանաւ զխաչինան
ուղղել :

Աստուածային խորան եօթնաջա-
հեան լուսոյն ընդունակ , Լուսա-
ւորիչ հօրն լուսածնունդ որդւովք .
զխորդ այժմ լուսատու ճրագունք
քո նուազեալք յիմաստութեանն
ձիթոյ . զօրագլուխք մարտի քո ան-
ղէնք 'ի գիտութեանց օրինաց . բը-
ժիչկք կենաց քոյ անհմուտք 'ի
հանձարոյ . հովիւք հօտի քո հեշ-
տասէրք և փառամուք . մանկունք
ուաման քո սրամտողք և ընդգիմա-
ցեալք խրատու . և ոչ ախորժեն
լսել զձայն թովչի ճարտարի և ոչ
ընդունին դեղ 'ի դեղատուէ խմա-
սնոյ . մանաւանդ թէ դեղատուք
են կարօտ դեղոյ բժշկականի . և թէ
ոք ուրեք զայն նոցա մատուցանէ՝
ատեն և թշնամանեն . և թէսլէտ
լստ այսմ ամենայնի ողբոց ես ար-
ժանի . և զի զմարմնական ճոխու-

և գոյ
 ք հո-
 պ և
 անան
 ինան

 սջա-
 ւսա-
 ովք .
 ունք
 անն
 ան-
 բը-
 ք 'ի
 հեշ-
 ունք
 մա-
 թեն
 ոչ
 աս-
 ուք
 թէ
 նե՛
 լեա
 ար-
 ու-

թիւնս քո օտարք վտարեցին , և ման-
 կունք ուխտի քո 'ի գերու թիւն վա-
 րեցան , և զուարճալի զարդ քո կո-
 զոպտեցաւ , և անճառելի խոր-
 հուրդն գնոջ այսօր վաճառի , և
 երկնաւորն աշտիճան յերկրասի-
 րացն յափշտակի : Այլ 'ի մեծն և 'ի
 գլխաւորական բարխան երանելի ես
 և յոյժ խնդալի . վասն զի ուղղա-
 փառ հաւատոյ լոյս ոչ նուազեցաւ .
 'ի բարի սերմանս ցորենայն որոմն
 ասպականիչ ոչ խառնեցաւ . զաղ-
 բեւր յստակ աւանդու թեանցն քոց՝
 աղտաղտուկ ջուր օտարոտի ուս-
 մանց ոչ սղտորեաց . 'ի ստուգու-
 թեան և ճշմարտութեան հացն քո
 կենդանական՝ մեռելական խմոր , և
 հերձուած քացախութեան չարու-
 թեանն ոչ զանգեցաւ . յոսկի ան-
 բիծ հաւատոյն և յարծաթ՝ լուսա-
 տեսիլ բանին՝ սղինձ ժանտահոտ
 և կապար սեւաթիւր ոչ գտաւ . և
 այսոքիկ խնդրուած ովք մեծ նահա-
 տակին Քրիստոսի սրբոյն Գրիգո-
 ըի քեզ շնորհեցաւ . որ է գլուխ
 ամենայն բարեաց և հիմն կենաց

յաւիտենականաց : Ասան որոյ և
 դուք քահանայապետք և գլուխք
 եկեղեցւոյ ուրախ լերուք ցնծութի
 և սոսկացէք երկիւղիւ և յոյժ դո-
 ղութեամբ . զի որք գլուխ էք
 վերամբարձ և երկնահանգէտ , մի
 գուցէ զօրէն խողից գեանաքարչ և
 մոխրաթաւալ լինիցիք , զերկրա-
 ւորս եւեթ խորհելով : Եւ որք վե-
 ճակաց քաղաքաց և գաւառաց էք
 վերակացուք , մի լինիցիք դէտք ան-
 զգոյշք , հեղգութեամբ և կամ
 ընդ քնով անկեալ . զի ատեսանելով
 զեկեալ սուր սլատուհասին Աս-
 տուծոյ և ոչ բողոքիցէք , և գտա-
 նիցիք արեան սլարտականք մարդ-
 կան 'ի մահ մատնելոյ . աթուա-
 կալք արդար իրաւանց մի յուսայք
 յանիրաւութիւն , և մի ցանկայք
 յափշտակութեան . և որք զերկնա-
 ւորն ունիք մեծութիւն , մի յօժա-
 րեսցին սիրտք ձեր մարմնական և
 ունայն մեծութեան : Առաջնորդք
 երկնաւոր ճանապարհին և արա-
 ծողք Քրիստոսի հօտին և մեծագին
 դաւաւանց , զոր միաժինն միայնոյ հօր՝

արեամբ և մահու ժառանգեաց՝
 զհնգետասանամեայ չարչարանօք
 մեր Նուսաւորչին ստացեալ սեպ-
 հական ժողովուրդ, և ձեզ ձրի և
 անգին տուեալ ՚ի ժառանգութիւն :
 Մի՛ մոլորեցուցանէք ՚ի լերինս և
 յանկոխ ճանասպարհ, և մի մատնէք
 գայլոց և գազանաց, զոր հովիւն
 քաջ ՚ի վերայ ուսոյ եբարձ, և ՚ի
 վեր տարաւ յերկինս և ընդ ան-
 մոլարս խառնեաց թիւ : Մի՛ լինիք
 նմանողք վարձկանացն ՚ի մարմին
 սերմանողաց և զհոգիս խաշանց բա-
 նաւորաց անտես առնողաց . մի
 անխնամ անգութ և անայցելու
 խոցելոցն վերաւորաց լինիցիք . վասն
 որոյ Քրիստոս զխոցումն և զվէրս
 յանձն առնու : Մի՛ զօրագլուխք
 անզարմաբարք և անագորոյնք ըզ-
 փառացն անուն սիրելով և զզօրան
 ՚ի տագնապ տարակուսանաց մատ-
 նելով : Նաւասալք եկեղեցւոյ նա-
 լի, մի ՚ի կենցաղոյս ամբոխեալ ծո-
 վու տայք զնաւ եկեղեցւոյ յալէկո-
 ծութիւն, և ՚ի խռովութիւն հող-
 մոց . զի մի ընկղմելով զորս յանձն

առէք հանել 'ի հեղձական ծովս՝
 կորուսանողք անձանց անմեղաց լի-
 նիցիք : Որք աստուածային այգւոյն
 բանաւոր և երկնաւոր տնկոցն տըն-
 կագործ և պահապան կարգեցայք ,
 և 'ի սաղոց այգւոյն ճաշակէք , և
 ակն ունիք դահեկանի վարձուն յա-
 մէնաբարի տեառնէն , մի տայք թոյլ
 գազանին՝ ապականել զաստուա-
 ծային այգին , զքաջաբեր ուռան
 յորթն ճշմարիտ արմատացեալ . մի
 շարժէք զսատուար զգուշութեան
 պատուիրանացն Աստուծոյ . մի կո-
 խէք զկարգ կանոնաց աստուածա-
 հաստատ ուխտին հաւատոյ . մի
 քակէք զցանկ ամբութեան հայրե-
 նադիր աւանդիցն , զի մի հարցիք
 յօձէ չարաթիւն և անբուժելի :
 Բժիշկք բանաւորք և վերակացուք
 հոգւոց , որք զաստուածականն ու-
 նիք բժշկարան , մի անգութ անգո-
 րով առ խածեալն 'ի կամակոր
 օձէն և 'ի բնական և յանբնական
 ցաւօք պաշարեալն լինիցիք . մի ող-
 ջացուցիչք չարեաց և ոչ վարաախչք
 ցաւոց : Աստուածայինն Պաւղոս

գրէ ձեզ և ամենայն հաւատացելոց
 խրատ և ասէ . Յիշեցէք զառաջ-
 նորդս ձեր , որք խօսեցան ընդ ձեզ
 զքանն Աստուծոյ . և հայեցեալք
 յեւս գնացից նոցա՝ նմանողք եղե-
 րուք հաւատոցն : Արդ դուք յիշե-
 ցէք զառաջնորդն կենաց և փրկու-
 թեան ձերոյ , և զմտաւ ածէք զան-
 տանելի չարչարանս աստուածա-
 գուծ հօրն և հոգւոց լուսաւորչին
 և ճգնաւոր նահատակին Քրիստոսի
 սրբոյն Գրիգորի . և մի մտանայք
 զզարմացուցիչն երկնաւոր զօրացն ,
 զկիրս նորա հողանիւծ մարմնոյն .
 պատկառեցէք յայնպիսի սոսկալի
 նորա խստամբեր վարուցն . որ և
 այժմ՝ զարեան քրտանցն և զցօղով
 սնուցեալ արտասոււացն զսերմա-
 նեալ հաւատոցն անդաստանի պը-
 տուղ վայելէք : Արդ հայեցարուք
 յեւս գնացից նորա , թէ որպէս ե-
 կաց յաշխարհի և կամ՝ որպիսիք
 էին եւք գնացից նորա . զի այն է
 դուռն ոչխարաց հովուութեանն՝
 ընդ որ նա եմուտ . չարչարանօք
 ստացաւ իւր ժողովուրդ , քերանօք

ոսկերաց մարմնոյն և կողիցն հոս-
 ման արեան շինեաց զազգս զայս Ե-
 կեղեցի Աստուծոյ . որպէս և տէրն
 իւրով կողակայլակ արեամբն զազգ-
 և զաշխարհ ամենայն . հրոյ սոջոր-
 մամբ խորովեցաւ 'ի վերայ իւրոց
 գեղեցիկ գառանցն . անհնարին
 տանջանօք կայր 'ի կախազանի , և
 աղօթէր վասն իւր հաւատացեալ
 հօտին . 'ի գուբ խաւարին և 'ի մէջ
 չարութեան օձից կայր զամս երեք-
 տասան , յաղագս 'ի գուբ մեղացն
 և 'ի հարուածս օձին և 'ի մէջ թիւ-
 նալի ախտից մեր ընկղմելոյն : Այս
 է գուռն հոգեւորական հովուու-
 թեանն , և որ ոչ մտանէ ընդ այս
 գուռն , գող է և աւաղակ . այս է
 օրինակ՝ որով սեպհական լինի ժա-
 ռանգութիւնն և ոչ ազգակցութիւն
 արեանն՝ որով աիրեն Քրիստոսի
 հօտին . այս են գինք գառանց
 Քրիստոսի և ոչ բազմութիւն ար-
 ծաթոյ . զի խոտեսցին այնոքիկ որք
 ընտրեալ են արծաթով : Արդ որ
 այսպէս եմուտ ընդ գուռն ոչխա-
 րաց , հայեցարուք և յելս գնացիցն

և զարմացարուք . զի յետ ստանալոյն իւր ժողովուրդ , յետ 'ի քահանայապետականն բարձրանալոյ յաթոռ . հրաժարեալ յաշխարհէ , յանասրատ վայրս և յանբնակս հեռանայր . օտարանայր 'ի պատուոյ , փախստական լինէր 'ի փառաց , Աստուծոյ լինէր խօսակից , հրեշտակացն երգակցութեանց կցորդ , ընդ սրբասաց սրովբէսն սրբաբանող :

Արդ նմանողք եղերուք գթած հովուին , որպէս և նա իւրում տեառն և Քրիստոսին . և զօրինակ ճգնող նահատակին յանձինս ձեր ստացարուք , բերէք և 'ի ձերում հոգիսդ զհաւասարութիւն այնպիսի հաւատոյ . չարչարեցարուք և դուք ոչ 'ի բռնաւորաց՝ այլ 'ի կամաւոր բարուց . մի ինչ խափան լիցի հովուէլոյ զաստուածային հօան , ոչ սպառնալիք սրոյ , ոչ վիշտք մարմնոյ , ոչ արկածք փորձութեան , ոչ բերմունք ժամանակի : Մանաւանդ զի ոչ գոյ այժմ չարչարանք բռնաւորաց և ոչ պատերազմ հերձուածողաց , այլ փառք և պատիւ . զի

հայրն հաւատոց կրեաց զչարչարանս և զվատապա, և դուք վայելէք 'ի պառուզսն, և զարդարեալ շքեղացիք յաստուածային խորանն 'ի մէջ ժողովրդեանն յաստուածագործ քահանայութեանն :

Այլ դու ո՞վ աստուածային և քահանայական գլուխ, վասն զինք քեզ իբրեւ ընդ ճշմարիտ կենդանւոյ խօսիմ, զաստուածային և զանմահական զգեցեալ զկեանս . ո՞վ քահանայապետ սուրբ՝ վերնոյն և հրեշտակական քահանայութեն կարգակից . յանմահ սեղանն մեր Յիսուս պատարագոյ՝ զառաքինութեանն քո պատարագ, որով և հայրն երկնաւոր զուարճանայ . ագամային բնութես ըստ պատկերի եղեւոյ ճշմարիտ կերպարանին ցուցող անխառն և պարզ մաքրութիւն : Ամենայն սրբոցն 'ի բնութենէս ընտրեւոց նկարագիր պատկերի գեղեցկութեան՝ բոլորիցն սքանչելատեսութեամբ, ճոխութեան վարուց սրայծառութեամբ, հրաշալի յերկուցն միաւորութեամբ, բարձ-

րագոյն գործովք և անհպելի ,
 նուաաս խորհրդովք և հեզահոգի .
 անբարկանալի բարուք , վշտակից
 սրտիւ , հեշտալուր և ախորժելի
 բանիւք , հրեշտակական դիմօք . ա-
 մենայն աշխարհի և ազգի և հասա-
 կի և աստիճանի բարեգործական
 աղբիւր , կուսական կրօնից փեսա-
 ւէր փառաւոր : Ամուսնութեան
 կարգաց խրատ ողջախոհութեան .
 յանապատական վարս թուուցիչ
 երկնահաս . քաղաքական վարուց
 օրինագիր ստուգութեան . պարզա-
 միտ բարուց ուսուցիչ քաղցրա-
 բան . տեսական իմաստից խորաքննին
 աստուածաբան . ճոխապատիւ իշ-
 խանաց սանձք արգելման . թշուա-
 ռացեալ աղքատաց մխիթարիչ սփո-
 փանաց . ծերունական ալեաց ցուպ
 հաստատուն . մանկական տիոց դաս-
 տիարակ զգաստութեան . աղքա-
 աութեամբ ցականեւոց փարթա-
 մութիւն փառաց . ճոխութեամբ
 բարգաւաճից՝ յաստուածայինսն
 ամբարող գանձու : Այրեաց վերա-
 կացու , որբոց հայր հաւասարա-

գուծ . հիւանդաց բժիշկ յերկու-
ցունց ցաւոց՝ հոգեկանին և մար-
մնականին . առողջութեան պահա-
պան յուղղութեան հաւատոց և
առաքինութեան գործոց . պահոց
և աղօթից ժուժկալութեամբ՝ ան-
մարմնոց և անարեանց աղքակից .
սաղմոսերգութեան հնչմամբ անշի-
ջանելի ըստ հրեղինացն հոգւոց .
արթնական աքնութեամբ քաջա-
պինդ և անպարտելի ըստ հոգեղէն
զուարթնոցն :

Ո՛վ աստուածամերձ և աստուա-
ծազգեաց անձն , հայեսցիա դժու-
թեամբ և սիրով յազգս և յեկե-
ղեցիս , զոր դու ընծայեցեր Աս-
տուծոյ . որք քո ճգնութեամբդ
տուան Աստուծոյ մրցանակ մարտի
և յաղթանակ նահատակութեան .
և հայցեսցես զերկնաւորն խաղա-
ղութիւն , և ՚ի փորձական կենցա-
ղոյս ծովու զանգորրութիւն . և
յրնթացս բարեաց ճանասպարհին
զուղղութիւն : Այլ ո՛վ քաղցրու-
թեանն և դժութեանն և աստուա-
ծային բարերարութեանն երանա-

կան սրատկեր, սուրբ հայր հոգւոց,
 հայեաց և յիս յողորմելի և 'ի թը-
 շուառացեալս ոգւով. 'ի քո բարե-
 րարութենէ ողորմութեան գառլս,
 և անարժանութեամբ կորուսանողս,
 'ի քահանայութեանն կարգ ամօթոյ
 զգեցող և ոչ արդարութեան գոր-
 ծոց. 'ի բանիս սպասաւորութիւն
 բազմաց քանքարաց ծածկողս և ոչ
 շահեցող. 'ի գործ անտեսութեանս
 ընչից տեսուն իմոյ վատնողս անի-
 րաւութեամբ, և ոչ հաւատարմու-
 թեամբ բաշխող: Եւ զի մաշեցան
 ունայնութեամբ կեանք իմ, և ոչ
 կարացի գործել, և թէ այգր եկից
 մուրացայց, ով ինձ ողորմեսցի կա-
 մաւ 'ի բարեաց զրկելոյս: Այլ մի
 միայն է իմ յոյս և տառապելոյս
 փրկութեան հնար. առ քո ողոր-
 մութիւնդ վստահութիւն, որով և
 զայս ընծայ բանեղէն սրատարագաց
 հայրաբար գթով ընկալցիս. եթէ
 իցէ ինչ արժանի յեկեղեցի քո ըն-
 դունեւոյ՝ քո են սարգեւք, և 'ի
 քոյոցն քեզ ընծայեցաւ. և թէ ոչ՝
 թողութիւն և ընդ այլոց յոլովից

սիալանացն և այսմ համարձակու-
թիւն եղևցի 'ի յօժարութենէ և 'ի
փափագմանէ բռնադատելոյս : Այլ
և զիմ սակաւ մնացեալ աւուրս կե-
նաց արժանի արասցես յեկեղեցոյ
քո գործ սպասաւորական ծառայ-
ութեան վճարել . զի և ես ողոր-
մութիւն գտից և վարձ ընդ քո
կենդանի տնկոցն մշակութեան
վաստակոց , տեսանել զքեզ ընդ
Քրիստոսին քում յանզուգական 'ի
փառան . զի որում չարչարանացն
հաղորդեցար և յանձառելի փառան
ընդ նմին ճոխացիս . զի և ես ար-
ժանի եղէց ընդ քո եկեղեցոյ սրբ-
բակրօն մանկունան փառաւորել
զամենասուրբ զԵրրորդութիւնն ,
զհայր և զՈրդի և զամենասուրբ հո-
գին , այժմ և միշտ և յաւիտեանս
յաւիտենից . ամէն :



ակու-
է և 'ի
: Այլ
ու կե-
լեցւոյ
սուայ-
ողոր-
է ք"
Ժեան
ընդ
լան 'ի
մացն
առան
ս ար-
սըր-
որեւ
ւնն ,
ք Հո-
եանս


Յ Ա Ն Կ

Ե . ՀԱՏՈՐՈՅ

Յովհաննու Սարկաւադ վար-
դապետի ներքող 'ի սուրբն
Գրիգոր Լուսաւորիչ 5

Վարդանայ վարդապետի ներ-
քողեան 'ի նոյն 41

Յովհաննու վարդապետի Եր-
զընկացւոյ 'ի նոյն 85



Bucheinband von
JOSEF ERDMANN
BONN, Dottendorferstr. 144